

लुकाडा छेप्तुना

नुसाला

छेसाप चिनातोक

ना छेप्ताप एको रोमि खाड़खाड़बा थियोफिलासडा येसुगा उतुम्बे
घाक चेऱ्या उचुन आसुनि भोड़ सिधाकराड़बा लुकाडा निड्वा पिहोड़
छेप्तुना ओम ॥ लुका गिरिक जातिगा याऱ्मि साया ॥ उडा ना नुसालागा
छेसाप्पे इजिरेलिचिगा लागि बाचा चोगाना येसु नुड़ कायुड़लेन बेऱहा
घाक जातिगा याऱ्मिचि मुक्ति पिखुबा हाड़गा उतुम्बे छेप्तुकसु ॥ ना
छेप्ताप्पे याहुदि जातिचि से मेन्ना ड़खाऱनिड्गो काऱ्युड़लेन बेऱहा
घाक जातिगा याऱ्मिचिडा चा येसु इसा ओम? उडा इ चोगुहा? इमिन
चिन्दुचिहा बाड्हा चेऱ्या उचुन ड़डासुनिभोड़ छेप्तुना ओम ॥ ना
नुसालागा छेसाप्पे येसु निड्वाफुमा पाडा तुखिबे ड़डायाहाचि नुड़
तुखिसुम्बाचि नुसाला खेम्मेऱमागा पाकसुना ओम (सोयानुम लुका
४:१८) भोड़ छेसुकसु ॥

ना छेप्ताप्पे चहेन याऱ्मिगा हिड्लुड़बे चाहाचोकखुबा प्याक खाले
चेऱ्या नुड़ याऱ्मि प्याक चोन्सिमेऱमाहा चेऱ्या छेप्ताप्का सुरुबे येसु
ताम्दाड़फुमाबे तायाना न्हाडा छेसाप्का हेकसाड़बे येसु वालोकपे
चान्दारव्याना चेऱ्यागा उतुम्बे छेसामा ॥ येसु वालोकपे चान्दारव्याहोड़
उड़ विस्वास चोकखुबा चेलाचिडा इमिन्हा इमिन्हा काम न्जोगुहा

द्रूखागा उतुम्बे चा सेगुम्पाकिंचगा छेसाप्पे लुकाडा छेमुक्सु (सोयानुम
लुका ४:१-४, सेगुम्पाक १:१-२) ॥

लुकाडा छेप्तुना नुसालागा छेप्ताप मुख्ये हिच्चि भागपे फोकसामा ॥
ना छेप्तापे वेरहा वालोकदुतचिंगा छेम, गोठालाचि येसु वायानिंड्
तुप्से ड्रूख्याहा, येसु मि सायानिंड् निंड्वाफुमापाड्-बे ख्याना, उचुन्ना
पाड्-निवाकका ताप्चेरया, मासाब्याना च्यागा ताप्चेरया खारलाहा
चेरया हेकोहा हेखाचा छेप्तापे न्दोड्-मेन्हा ॥ लुकाडा ना छेप्तापे
पारथाना, पाबित्तारा आत्मा, येसुगा सेवाकाइबे मामुचिंडा चोकमाहा
काम, निंड्-वाफुमाडा यारमिचि पिमेहा पाप छेमा खा चेरयागा उतुम्बे
प्याक उनिंड्-वा पिहोड् छेप्तुक्सु ॥

ना छेसाप्पे छोकताहा चेरया

चिनातोक १:१-४

बाप्तिस्मा पिखुबा युहान्ना नुड् येसुगा वाम न्हाडा येसु पिछा

सायानिंड्-गा ताप्लिक १:५-२:५२

बाप्तिस्मा पिखुबा युहान्नागा काम ३:१-२०

येसुगा बाप्तिस्मा नुड् जाच ३:२१-४:१३

गालिलबे येसुडा चोगुहा काम ४:१४-६:५०

गालिलभाड् यारुसालेम सोम्मा येसुगा काम ६:५१-१६:२७

यारुसालेम्बे येसुगा हेकसाड्-हा लेनचि १६:२८-२३:५६

येसु स्यानाभाड् हिंडीलिक लेकसाना, यारमि लुम्बे ओताना नुड्

वालोकपे ख्याना २४:१-५३

लुकाडा येसुगा उतुम्बे थियोफिलास छेमुना

१ खाड्-खाड्-बा थियोफिलास, प्याक यारमिचिंडा एड्-गा लुम्बे
लेकसाहा चेरयागा उतुम्बे छेप्माहा काम न्जोगुक्सु ॥ २ ड्रूखा
लेकसाहा चेरया सुरु नाहाड्-तोमाड् उड्-चिंगा मिकडा निखुबा नुड्
नुसाला खेम्मेखुबाचिंडा कानिंड् योकमेतामा ॥ ३ खा चेरयागा उतुम्बे का

चा सुरु नाहाड्तोमाड् योगुक्तुकसुड्, न्हाड् खा घाक चेऱ्या न्दा छेप्मा
उचुन एताड्होड् छेप्मासिम्मेड्॥ ४ न्दा ना छेप्ताप पोढाचोगुगाहोड् न्दा
ड्योक्तेताघा घाक चेऱ्यागा उतुम्बे जेप्पा ओम येम मेन्नायेम भोड् था
तोक्तुगानि॥


बाप्तिस्मा पिखुबा युहान्नागा वामा उतुम्बे

५ याहुदिया लिड्खाम्गा हाड् हेरोद सायानिड् हारुन* छोड्गा एको
जाकारिया बाड्ना हाड्खुबा वाया॥ उड् आविया हाड्खुबा छुमा

यारमि सा॥ न्नागा उहिड्खुमा
एलिसिबा चा हारुन छोड्गा
साया॥ ६ ड्खा हिपापाड्
निड्वाफुमागा युम्बे धारमि
सायाचि, उड्चि निड्वाफुमागा
घाक आगे नुड् नियाम येन्खुबा
सायाचि॥ ७ ड्खारनिड्गो उड्चि
च्याचि म्मायानिन,
इजाड्बाड्निड् एलिसिबा उच्या
मेन्दोक्खुमा साया, न्हाडा उड्चि
हिपापाड् पाघ्याम माघ्याम चा
लासाब्यामासाचि॥

८ इमा जाकारिया उड्चिगा
छुमा पालोबे निड्वाफुमागा
उयुम्बे हाड्खुबागा काम चोक्मा
स्या॥ ९ ड्खिड्बेला

हाड्खुबाचिगा चालान आन्सार
पाड्होड्बे धुप हुमाहा काम



हाड्खुबा जाकारिया (१:१०)

चिट्ठा डेन्दुडनिड् निड्वाफुमा

* १:५ हारुन घाक हाकिनिड् ओन्दाड्ना याहुदि हाड्खुबा

जाकारियागा उनिंद्बे आया॥* १०न्हाडा धुप हुमाना बेलाबे बाइरा
न्छुप्साहा घाक यात्रमिचि पारथाना न्जोकमास्या॥

११ डॅखिंड्बेलाक निंद्वाफुमागा एको वालोकदुत धुप हुमाना बेदिगा
छुप्ताड् पोटि येबाना ओता॥ १२ जाकारिया न्ना निसुहोड् किसिमाडा
आत्ते चोगा॥ १३ डॅखारनिंद्गो वालोकदुतडा उड् लु, “डॅगिसितान
जाकारिया, इजाड्बाड्निंद् डॅगा पारथाना निंद्वाफुमाडा खेप्सुकसु,
हाकु डॅहिंड्खुमा एलिसिबाडा डॅगा लागि एको च्या बाबु तोड्बिमेका,
न्हाड् न्दा न्नागा उनिंद् युहान्ना युकसुबि॥ १४ डॅखिंड्बेला न्दा इब्बे
इब्बे चोन्सिमेका, न्हाड् प्याक यात्रमिचि चा उका वाम लेकसानाडा
न्जोन्सिमे॥ १५ इजाड्बाड्निंद् न्ना निंद्वाफुमागा उयुम्बे माडा यात्रमि
लेड्मे॥ न्नाडा दाखमाद्य इह्या चा डॅडुड्वान॥ उड् वामेना नाहाड्तो
पाबित्तारा आत्माडा भोरिपुरना लेड्मे॥ १६ उडा प्याक इजिरेलिचि
उड्चिंगा हाड्बा निंद्वाफुमापोटि हिकस्वाचि॥ १७ उड् हाड्बा हाविनिंद्
ओन्दाड् आत्मा नुड् साक्तिबे निंद्वाफुमाभाड् चेकखुबा एलिया
लोऱवा लेड्दारामेहोड् हाड्बागा लाम्बु त्यार चोगवा॥ उडा पा नुड्
च्याचिंगा उलुम्बे तोड्मेत्वाचि न्हाड् निंद्वाफुमागा आग्गे मेयेन्खुबाचि
निंद्वाफुमागा आग्गे येन्खुबा यात्रमिचिंगा निंद्वापोटि हिकस्वाचि॥
डॅखारला उडा हाड्बागा लागि यात्रमिचि त्यार चोगवाचि॥”*

१८ न्हाडा जाकारियाडा वालोकदुत खारला लु, “खा चेऱ्या जेप्पा
लेड्मेहा भोड् का इमिन पात्याचोगुड्? कान्चिंड्गो गो पाध्याम
माध्याम लेकसाब्यामाड्चिड्॥”

१९ वालोकदुतडा जाकारिया लु, “का निंद्वाफुमागा उयुम्बे
येमुड्खुबा गाबिरेल वालोकदुतडान, उडगमाड् का खा नुसाला
खेम्मेसे न्दाबे पाकसाड्ना ओम॥ २० का लुऱनेन्हा खा चेऱ्या ठिक
बेलाबे पुरा लेड्मे, डॅखारनिंद्गो सो, न्दा का लुऱनेन्हा चेऱ्या बिस्वास

* १:६ लेन्बे हिम्मा धुप हुम्माहा सा, भेनिक नुड् नासेक॥ प्रास्थान्ना छेप्साप
३०:७-८

* १:१७ मालाकि ४:५-६

न्जोगुगान्हाडा हाकु खा चेऱ्या पुरा मेलेड्ले सोम्मा न्दा लेम्सुरुम्बा
लेड्मेकाहोड्द चेकमा ह्र्यामेकान्ना ॥”

२१यात्रमिचिडा जाकारिया निड्वाफुमापाड्गा चाराम्बे ड्गुसुक्सा,
न्हाड्ड उड्ड ढिलो चोगानाडा म्माक्साब्यामासा ॥ २२जोबो जाकारिया
बाइरा लोन्दा ड्खिड्बेला उड्ड यात्रमिचि नुड्ड चेकमाइ य्यासान,
न्हाडामाड्ड उमुक्का चाल्डा चेक्लाप्तुचि ॥ न्हाड्ड ड्खा यात्रमिचिडा
निड्वाफुमापाड्होड्बे जाकारियाडा सेन्चि तोक्तुक्सुहा बाड्ना चेऱ्या
था न्दोक्तु ॥

२३जाकारियागा सेवा चोक्माहा लेन्चि म्मेन्दाहोड्ड उपाड्बे ख्या ॥
२४न्नागा मिहेक्साड्ड उहिड्खुमा एलिसिबागा ओफोक्पे पिछा युडा,
न्हाड्ड उहिड्खुमा फा मोनाम सोम्मा हेने चा मेड्खेड्ले पाड्बे
वायामासा ॥ २५उडा खार्ला काया, “यात्रमिचिडा का इसिसि लुम्मा
न्दोक्निन्नि भोड्ड निड्वाफुमाडा उलुड्मा तुक्ताड्होड्ड आका लागिमाड्ड
खा घाक काम चोगुहा ओम ॥”

येसुगा वाम्मा उतुम्बे

२६एलिसिबाडा ओफोक खुना
या मोनाम तासुनिड्ड निड्वाफुमाडा
गाबिएल वालोकदुत गालिल
लिड्खाम्मा नासारात बाड्ना
साहारबे वाखुमा एको थाड्ड
न्छेडान्ना मामु मारियामगाबे
पाक्सु ॥ २७उका थाड्छेडमाहा
चेऱ्या हाड्ड दाउदका छोड्बे
वायाना योसेफ बाड्ना बाबुनुड्ड
लेक्साब्यामासा ॥

२८वालोकदुतडा न्ना मामुगाबे
तायाहोड्ड खार्ला लु, “सेवायो,
न्दा निड्वाफुमाडा तुक्नुड्ड उसाप थाक्तामागा, उड्ड न्दानुड्ड वान्नेना ॥”



मारियामगाबे वालोकदुत
ओताना (१:२६)

२६ वालोकदुतडा लुहा चेत्याडा मारियाम आत्ते चोगा न्हाड् ना इमिन्ना सेवा ओम भोड् आमाय्यासुन्होड् तोप्सास्या ॥

३० वालोकदुतडा लु, “मारियाम ड्गिसितान, निड्वाफुमाडा न्दा तुक्नुड् उसाप थाक्तामागा ॥ ३१ हाकु सो, न्दा म्फोक ख्वागा न्हाड् एको न्ज्या बाबु तोक्त्वागा, न्नागा उनिड् न्दा येसु युक्सुबि ॥ ३२ उड् माडा* लेड् मे, न्हाड् उड् घाक हाक्विनड् तो वाखुबा निड्वाफुमागा उच्याबाबु न्ल्वा ॥ हाड्बा निड्वाफुमाडा उड् उका पुरखा दाउद लोउवा हाड् बानाचोग्वा ॥ ३३ न्हाडा उडा इजिरेलिचिगा छोड् बे साधाइ राज्या चोग्वा ॥ उका राज्या हेरनिड्चा म्मेम्मेन्ना ॥”

३४ खा खेप्सुहोड् मारियामडा वालोकदुत खाऱला लु, “खा इमिन लेड् मेहा? इजाड्बाड्निड् का गो थाड् माड् न्छेडामाडान ॥”

३५ वालोकदुतडा खाऱलाना पोलोवा पि, “निड्वाफुमागा पाबित्तारा आत्मा न्दाबे तामे, न्हाडा घाक हाक्विनड् तो वाखुबा निड्वाफुमागा साक्तिगा लालामे न्दाछोड् बे आमे ॥ न्हाडामाड् वाखुबा पिछा पाबित्तारा लेड् मे न्हाड् निड्वाफुमागा उच्याबाबु भोड् न्ल्वा ॥ ३६ सो, ड्गा आफान्ता एलिसिबा यारमिचिडा उच्या मेन्दोक्खुमा मामु न्लु होड् चा, खिड् बेला माघ्याम लेक्साब्यामानिड् या मोनाम्मा पिछा ओफोक्पे वान्नेन्ना ॥ ३७ इजाड्बाड्निड् निड्वाफुमाडा चोक्मा मेयामाहा चेत्या इहाचा मान्हा ॥”

३८ न्हाडा मारियामडा खाऱला लु, “लेड् मेन्ना, का गो निड्वाफुमागा सेवा चोक्खुमा मामु डान ॥ न्दा इमिन लुयामाड् गा ड्खा घाक चेत्या ड् खाऱलामाड् लेड् नि ॥”

मारियाम एलिसिबा नुड् तुप्से ख्याना

३९ ए हि लेन हेक्साड् मारियाम धावाधावा चोक्साड् याहुदिया लिड् खाम्मा चोम्कोड् बे आखुबा एको तेन्बे ख्या ॥ ४० न्नाबे उड् जाकारियागा पाड् बे उयाहोड् एलिसिबा सेवायो लु ॥ ४१ मारियामडा सेवायो लुना एलिसिबाडा खेप्सुहोड् सोलोक ओफोक्पेन्ना पिछा

पुक्ता, न्हाडा एलिसिबा पाबित्तारा आत्माडा भोरिपुरना लेक्साहोड् माडा सेस्प्राडा खार्ला काया, ४२“न्दा गो मामु यारमिचिबे घाक हाकिनड् प्याक आसिक तोकतुकसुगा, न्हाड् न्दा तोक्तेहेकसुगाना न्ज्या बाबुडा चा आसिक तोकतुकसु॥ ४३का इखिड् माडा निड्ला तोकतुकसुड्ना, इजाड्बाड्निड् न्दा आका हाड्बागा उमा लेक्सागाहोड् चा का तुप्से तायागाना? ४४सो, न्दा सेवायो लुयाड्गाना खेप्सुड्ना सोलोक आफोकपेहना पिछा चोन्सित्तमाडा पुक्ताना॥ ४५निड्वाफुमाडा न्दा लुयाघा चेत्या पुरा लेड्मेहा भोड् बिस्वास चोकखुमा न्दा इखिड् प्याक आसिक तोकखुमागान॥”

मारियामडा छेम लुतुना

४६न्हाडा मारियामडा खार्लाना छेम लुतु, “का निड्वाफुमागा उनिड् थेन्द्वाड् आनिड्वाभाड्,

४७न्हाड् आका आत्मा चोन्सिमे, का पाप पाहाड् फोड्खुबा निड्वाफुमानुड्,

४८इजाड्बाड्निड् उडा का लोर्वाना सेवा चोकखुमा माड्चुरमाड्ना मामु मितामाड्॥ हाकु न्हाड् तो घाक यारमिचिडा का लुम्मे आसिक तोकखुमा भोड्,

४९इजाड्बाड्निड् घाक हाकिनड् साकितसालि निड्वाफुमाडा आका लागि माडा काम चोकताब्यामाड्, न्हाड् उका उनिड् पाबित्ताराना॥ ५०उड् आदार चोकखुबाचि घाक उडा पुस्ता पुस्ताह सोम्मा मिम्मे॥

५१उडा उका साकितसालि उमुकडा निड्वाबे काडान काखुबा यारमिचि हिसाहासुकसुचि॥

५२उडा काडान काखुबा हाड्चि हाड्युकथाम भाड् मो आएन्दुकसुचि, ड्खारनिड्गो का मिडान मिखुबा यारमिचि तो थेन्दुकसुचि॥

५३उडा साकडा सिखुबाचि उचुन्हा थोक पिकसुचि, ड्खारनिड्गो थुडुहाचि इहाचा मेम्बिऱ्ले लासाहाकसुकसुचि॥

५४निड्वाफुमाडा एड्गा पापुम्चि लुचिहा लोर्वा चोगुहोड् उका सेवाक इजिरेलिचि फातुकसुचि॥

४५ उडा हेनिड् चा मुन्दिकसुन्चिन लुड्मातुकमा आब्राहाम, नुड् उका सान्तानचि ॥”

४६ ड्रिखिड् बेला मारियाम सुम मोनाम हिड् उका आफान्ता एलिसिबानुड् वायाहोड् उपाड् बे लासा ॥

बाप्तिस्मा पिखुबा युहान्नागा वाम

४७ एलिसिबागा चेराड्मा लामाना बेला तायाहोड् उडा एको उच्या बाबु तोकतु ॥ ४८ हाड्बा निड्वाफुमाडा खिड् प्याक उलुड्मा तुकतुना न्निसुहोड् उका आफान्ता नुड् पाड्निवाकिच चा उड्नुड् न्जोन्दास्या ॥ ४९ पिछावायाना ताम्नालेन* तासुहोड् पिछागा खाताना* चोकसे उका पाड्निवाक नुड् आफान्ताचि न्छुप्सा, न्हाड् ड्रखाचिडा उप्पागा लोऱवा पिछागा उनिड्च्या जाकारिया ड्युकसुबिहेकसुसा, ५० ड्रखारनिड्गो उका उमाडा लुचि, “मेन्ना, ना गा उनिड्गो युहान्ना युड्बित्माना ॥”

५१ ड्रखाचिडा एलिसिबा न्लु, “डगा आफान्ताचिबे खार्लाना उनिड् युक्साना याश्मिगो इसा चा मान्ना ॥” ५२ न्हाडा ड्रखाचिडा पिछागा उप्पा मुक्का चाल्डा न्छिम्दु, “न्दा नागा उनिड् इना युड्मा मितुकसुगाना?” ५३ उडा एको छेप्माना फाल्लेकका पाटि नाकतुचिहोड् न्नाबे “नागा उनिड् युहान्नामाड् युड्बित्माना” भोड् छेसुबिचि ॥ खा न्निसुहोड् ड्रखाचि घाक माड्माड् म्माकसाब्या ॥ ५४ ड्रिखिड्बेलाकमाड् जाकारिया चेकमा याखुबा लेकसाहोड् निड्वाफुमागा उनिड् थेम्मा तारोकतु ॥ ५५ खा घाक चेर्या न्निसुहोड् पाड्निवाकिच निड्वाफुमा नुड् ड्रिगिसिता ॥ न्हाडा खा चेर्या याहुदिया लिड्खाम्गा चोम्कोड्बे आखुबा घाक तेन्चिबे हिसा ॥ ५६ खा चेर्या खेम्खुबा घाकडा उड्चि निड्वाबे ड्रगाया, “ना पिछा वान्दिक इमिन्ना लेड्मेर्ना लोप्पि?” इजाड्बाड्निड् निड्वाफुमागा साकित उड् छोड्बे आयामासा ॥

* १:४६ पिछा वायाहोड् ता लेन तुनालेन ॥

* १:४६ खाताना पिछाबे छित्मा छिमानागा ओछोम्गा हूवारिक हेकमाना। ना एको घाक याहुदि बाबुचिडा चोकमा पोरने उड्चिगा नियाम साया ॥

जाकारियाडा निझ्वाफुमागा उनिझ्थेन्दुना

६७ पिछागा उप्पा जाकारिया पाबित्तारा आत्माडा भोरिपुरना
लेकसाहोड् निझ्वाफुमाडा लुहा चेऱ्या चेकमा तारोकतु,
६८ “इजिरेलिचिगा हाड्बा निझ्वाफुमागा निझ्थेन्नि, इजाड्बाड्निझ्ड
उड् उका यारमिचि फासे तायाहोड् फोकसामाहा ॥

६९ उडा एड्गा लागि उका सेवाक दाउदका छोड्भाड् एको मुक्ति
पिखुबा साक्तिसालि हाड् पाकसु ॥

७०-७१ उडा कानिझ्ड एड्गा सात्तुरचि नुड् कानिझ्ड इसिखुबाचिगा मुक
पाहाड् हिड्मेहा बाड्ना चेऱ्या पाबित्तारा निझ्वाफुमाभाड्
चेकखुबाचिगा याभाड् ओन्दाड्माड् निझ्वाफुमा चेकतामासा ॥

७२ उडा एड्गा पुरखाचि लुड्मा तुक्तुचिहा सोऽमेमागा न्हाड्
ड्खाचिनुड् थुन्दुना पाबित्तारा बाचा पुराचोकमागा एड्गा लागि
खारलाना काम चोगु,

७३ न्ना बाचा निझ्वाफुमाडा एड्गा पुरखा आब्राहाम, नुड् थुन्दुकसा,*
७४-७५ न्ना बाचा कानिझ्ड सात्तुरचिगा मुकपाहाड् फोकिसहोड्, कानिझ्ड
हिड्वानुड् मेड्गिसिरले पावित्तारा नुड् धारमोति लेकिसहोड्
उका सेवा चोकमा यासुम्नि भोड् पिकसा ॥

७६ “ए आच्या, न्दा घाक हाकिन्ड् तो वाखुबा निझ्वाफुमागा
निझ्वाफुमाभाड् चेकखुबा भोड् न्लुमेका ॥ इजाड्बाड्निझ्ड न्दा
हाड्बागा ओन्दाड् ओन्दाड् उका लाम्बु त्यार चोकसे खेमेका ॥

७७ न्दा उका यारमिचि पाप छेमाभाड् मुक्ति तोक्त्वाम्नाना बाड्ना
चेऱ्या चिन्द्वाचिगा ॥ ७८ इजाड्बाड्निझ्ड एड्गा निझ्वाफुमा
लुड्माराड्बाना ॥ न्हाडामाड् उडा खिरिस्ट भेनिक्ना नाम्ना जोति
लोऽवा वालोकभाड् कानिझ्ड्बे पाकस्वा,

७९ न्हाडा कुर्युम्नाबे वाखुबाचि नुड् कालगा उयाबे ड्डाहेकसाहाचि
ओम्ना पिवाचि ॥ न्हाड् न्ना ओम्नाडामाड् कानिझ्ड् हाड्हाड्गा
लाम्बुबे तिझ्मे ॥”

* १:७३ उथुक्का छेसाप २२:१६,१७

८० न्हाडा पिछा युहान्ना सालुङ्बे नुड् आत्माबे पुसाड् ख्या ॥
ड्‌खारनिंद्गो इजिरेलिचिगा लुम्बे उडा पारचार मेन्जोकले सोम्मा उड्
इसाचा मेन्निंद्ना सुन्नेना ठोड्‌बे वाया ॥

येसुगा वाम

(माति १:१८-२५)

२ ड्‌खिंड्बेला रोम खाम्युकका हाड् आगास्टासडा न्ना खाम्युक
भोरिहा यात्रमिचि निंद् छेप्पेसे ख्यानि भोड् हुकुम पिचि ॥ २न्ना
यात्रमि निप्पाना इम्ना चोटि सा ॥ ड्‌खिंड्बेला कुरेनियास सिरिया
लिंड्‌खाम्गा खाड्‌खाड्‌बा साया ॥ ३हाड्‌डा पिचिहा हुकुम लोरवामाड्
घाक यात्रमिचि उड्‌चि तेन साहारचिबे निंद् कोप्पेसे ड्‌ख्या ॥

४ ड्‌खारनिंद् योसेफ चा गालिल लिंड्‌खाम्गा नासारात साहारभाड्
याहुदिया लिंड्‌खाम्गा बेथलेहेम बाड्‌ना हाड् दाउदका वाम लेकसाना
साहारबे निंद् छेप्पेसे ख्या,
इजाड्‌बाड्‌निंद् उड् दाउद छोड्‌गा
सा ॥ ५ उडनुड् थाड्‌छेड्‌मागा
न्नाक्तुसाना मारियाम चा उडनुड्
खेतु ॥ ड्‌खिंड्बेला मारियाम
चेराड्‌मा लाखुमा सा ॥ ६ ड्‌खोड्
उड्‌चि न्नाबे वायाचिनिंद्
मारियामगा चेराड्‌मा लामाना बेला
ताया ॥ ७ न्नाबे उडा तुम्ना उच्या
बाबु तोक्तु, न्हाडा छेरलुङ्डा
सुम्दुहोड् खोड्‌बे इप्सु ॥
इजाड्‌बाड्‌निंद् न्नाबे उड्‌चि बास
याकमाना ठोड् म्मायान ॥



येसु वायाना (२:७)

गोठाला नुड् वालोकदुतचि

८ ड्‌खिंड्बेला बेथलेहेमा युम्बेना चाउरबे सेनिंद् सामुड् कोप्खुबा
गोठालाचि सामुड्‌चि कुसाड् ड्‌खाया ॥ ९ न्नाबे हाड्‌बागा एको



गोठालाचि नुड् वालोकदुतचि
(२:१३)

वालोकदुत ओता, न्हाडा
हाड्बागा जोति गोठालाचिगा
ओरिपोरि चाम्काचोगा ॥ खा
न्निसुहोड् उड्चि तुकुनुड्
ड्गिसिता ॥ १० ड्खारनिड्गो
वालोकदुतडा खारला लुचि,
“ड्गिसितानिन! इजाड्बाड्निड्
का घाक तुकुनुड् चोन्सिमेप्माना
नुसाला ताड्होड् निड्दाबे
तायामाड् ॥ ११ हेन न्निड्गा लागि
दाउदका साहार बेथलेहेम्बे एको
मुक्ति पिखुबागा वाम लेक्सामा ॥

उड् माड् निड्वाफुमाडा सेगुना हाड्बा नुड् मुक्ति पिखुबा हाड्
खिरिस्ट* ओम ॥ १२ न्निड्गा लागि चिड्गो च्हेन ना लेड्मे, न्निड्दा
एको पिछा छेऱलुड्डा सुम्दाहोड् खोड्बे इप्साना तुप्स्वाम्गा ॥”
१३ न्हाडा न्नाबे थाप्थुम्बे वालोकदुत नुड् प्याक वालोकका सेनाचि
ड्डोता ॥ उड्चिडा निड्वाफुमागा निड् थेन्साड् खारलाना छेम लुर्मा
न्दारोक्तु,

१४ “घाक हाकिनड् तो वाखुबा निड्वाफुमागा माहिमा लेड्नि, न्हाडा
ताम्दाड्फुमाबे हेखा यारमिचि नुड् उड् चोन्सिमे, ड्खा घाक
हाड्हाड् न्लेड्नि ॥”

१५ ड्खा वालोकदुतचि वालोकपे न्लासार्व्याहोड् सामुड् कोप्खुबा
गोठालाचि उड्चि उड्चि खारला ड्गाया, “लु, हाड्बा निड्वाफुमाडा
वालोकदुत भाड् कानिड् लुयाहा चेऱ्या सोसे बेथलेहेम्बे खेइ ॥”
१६ न्हाडा उड्चि धावाधावा चोक्साड् ड्ख्या ॥ उड्चिडा न्नाबे
मारियाम, योसेफ नुड् छेऱलुड्डा सुम्दाहोड् खोड्बे इप्साना पिछा
न्दुप्सु ॥ १७ ड्खा चेऱ्या सामुड् कोप्खुबा गोठालाचिडा न्निसुहोड्
पिछागा उतुम्बे वालोकदुतडा लुचिहा चेऱ्या घाक ड्खेम्मेतुचि ॥

* २.११ निड्वाफुमाडा सेगुना, आभिसेक चोगुना ॥

१८न्हाडा खा चेऱ्या खेम्खुबा घाक म्माकसाब्या ॥ १९ड्‌खाशनिड्गो मारियामडा चहेन खा घाक चेऱ्या उनिड्वाबे मिसाड् युकसु ॥ २०ड्‌खा सामुड् कोप्खुबाचि वालोकदुतडा लुचिहा लोऱवा खेम्मा नुड् निमा न्दोक्तुहाडा निड्वाफुमागा माहिमा चोकसाड् नुड् उनिड् थेन्साड् न्लासा ॥


येसु निड्ड ड्वात्मेतुना

२१पिछा वायाना ता लेन लेकसाहोड् उका खाताना* न्जोगुनिड् उनिड् येसु ड्युकसुबि ॥ न्ना निड् उड् फोक्पे युड्मा हाविनिड् ओन्दाड् वालोकदुतडा युड्माना भोड् लुक्साचि ॥

येसु निड्वाफुमा पाड्‌बे न्दाना

२२मोसाडा पिचिहा ब्यावास्थाबे छेप्ताहा लोऱवा उड्‌चिगा चोकखे चोकमाना बेला मेन्दाहोड् येसुगा उप्पा उमाडा निड्वाफुमाबे सामारपान चोकमागा उड् यारुसालेम बेत्ना निड्वाफुमापाड्‌बे

तायाचु ॥ २३इजाड्‌बाड्‌निड् हाड्‌बा निड्वाफुमाडा पिचिहा नियाम्बे खाऱला छेप्तामा, ‘घाक हाविनिड् ओन्दाड् वायाना च्या बाबु निड्वाफुमागा भोड् फोड्‌मे ॥’* २४न्हाडा निड्वाफुमागा नियाम्बे ‘हिच्चिं दुकुर मानुड् हिच्चिं पारेवागा उच्याचि’ भोड् छेप्ताहा लोऱवा तायाचुचिहोड् बोलिदान पिसे तायाचि ॥



यारुसालेम बेत्ना निड्वाफुमापाड् (२:२४)

* २:२१ खाताना

* २.२३ प्रस्थान १३:२, १२

२५ ड्ग्विड्बेला यारुसालेम्बे सिमियोन बाड्ना एको यात्रमि वाया ॥ उड्धारमोति नुड्नि निड्वाफुमागा सेवा चोकखुबा सा, उड्नुड्नि पाबित्तारा आत्मा वाया ॥ उडा इजिरेलिचि पाप पाहाड् फोड्खुबागा लाम्बु सोकसा ॥ २६ “न्दा हाड्बा निड्वाफुमाडा पाकसुना मुक्ति पिखुबा हाड्निखिरिस्ट मेनिले न्सिमेकान्ना” भोड्नि पाबित्तारा आत्माडा ओन्दाड्माड्नि उड्योक्मेतुकसा ॥ २७ पाबित्तारा आत्माडा उड्नि निड्वाफुमापाड्बे ख्या लुहोड्नि ख्या ॥ ड्ग्विड्बेला पिछा येसु उप्पा उमाडा निड्वाफुमाडा पिचिहा नियाम्बे छेष्टाहा लोऱवा चोकमागा न्नाबे तायाचु ॥ २८ न्ना पिछा निसुहोड्नि सिमियोनडा उमुक्पे याडु, न्हाडा निड्वाफुमा नुनिड्वापिसाड्खारला काया,

सिमियोनडा निड्वाफुमा थेन्दुना

- २९ “हाड्बा निड्वाफुमा, न्दा कायाघा लोऱवा चोगुकसुगा, हाकु का ड्गा सेवाक हाड्हाड्बे खेताड्नि ॥
- ३० इजाड्बाड्निड्नि, न्दा पाकसुगाना मुक्ति पिखुबा आमिकडा निमा तोकतुड्नि ॥
- ३१ न्दा उड्घाक यात्रमिचिडा न्निसुनि भोड्नि पाकसुगाना ओम ॥
- ३२ उड्माड्नि हेकोहा जाति यात्रमिचि निड्वाफुमागा लाम्बु सोप्पेखुबा ओम्ना ओम ॥ उड्माड्नि ड्गा यात्रमि इजिरेलिचिगा माहिमा चोक्मेखुबा ओम ॥”
- ३३ न्हाडा उप्पा उमाडा पिछागा उतुम्बे खारलाहा चेऱया खेप्साचुहोड्नि माकसाब्याचि ॥ ३४ सिमियोनडा उड्चिआसिक पिचि न्हाड्नि पिछागा उमा मारियाम खारला लु, “खेप्सु, ना पिछा इजिरेलबे प्याकका उद्दार नुड्नि निड्वाफुमाडा सोप्पेताहा एको चिड्गो ओम ॥ प्याक यात्रमिचिडा उका उतुम्बे इसिरहा चेऱया चेकसाड्नि उड्चिगा निड्वाबेऱहा चेऱया न्जेकतुभोक्स्वा ॥ ३५ न्हाडा ड्गा न्लुड्मा साम्बेकडा होताना लोऱवा तुकनुड्नि तुडमे ॥”
- ३६ न्हाडा न्नाबे एको हान्ना बाड्ना निड्वाफुमाभाड्नि चेकखुमा माहुमा वाया ॥ उड्नि आसेर छोड्गा फानुएलगा उच्या सा ॥ थाड्नि छेडाना ला

फिम्बिलिड् लेकसानिड् माड् लाडनिमा लासामासा ॥ ३७ उडा ताना
फिम्बिलिड् तासुकसा ॥ उडा हेरनिड्चा निड्वाफुमापाड् न्नाओन,
द्रखारनिड्गो उपाबास युडाहोड् पारथाना चोकसाड् सेन्लेन
निड्वाफुमागा सेवा चोकसाड् वाया ॥ ३८ डखिड्बेलाक उड् योसेफ नुड्
मारियामगा युम्बे तायाहोड् निड्वाफुमा नुनिड्वा पिसाड्, मुक्तिगा
लाम्बु सोखुबा घाक इजिरेलिचि पिछागा उतुम्बे योकमेतुचि ॥

३९ हाड्बा निड्वाफुमाडा पिचिहा नियाम्बे छेप्ताहा लोऱवा योसेफ नुड्
मारियामडा घाक काम याइयाचुहोड्, उड्चि पाड् गालिल लिड्खामगा
नासारात साहारबे न्लासा ॥ ४० न्नाबे पिछा येसु पुसाड्, चातु लेकसाड्,
न्हाड् उनिड्वा छिसाड् ख्या, न्हाड् निड्वाफुमागा आनुगाराहा उड्बे
वाया ॥

निड्वाफुमापाड्बे पिछा येसु

४१ येसुगा उप्पाउमा फिम्बिलिड् फिम्बिलिड्बे फोड् होकनाम
मानाचोकसे यारुसालेम ख्यामासाचि ॥ ४२ येसु एहि फिम्बिलिड् तासुनिड्
उड्चि होकनामा रित लोऱवा येसु खेताचुहोड् यारुसालेम्बे द्रख्या ॥
४३ होकनाम मेन्दाहोड् उड्चि पाड् बे न्लासानिड् येसु यारुसालेम्बे
छोन्देगा ॥ खा चेऱ्या उप्पा उमाडा था न्दोकतान्चुन ॥ ४४ उड् हेकोहा
लाम्दिकपाचिनुड् लाम्मा सिम्मेना लोप्पि मिताचिहोड् उड्चि ए लेन्ना
लाम्बु लामाख्याचि ॥ नासेक
लेकसाहोड् आफान्ता नुड्
काम्चिगा उलुम्बे योगाचु,
४५ द्रखारनिड्गो न्दुप्सान्चुन
द्रखोड् योकसाड् योकसाड्
यारुसालेम्बेनमाड् लासाचि ॥
४६ सुम्मेन हेकसाड् उड्
निड्वाफुमापाड्बे याहुदि धारमा
चिन्खुबाचिनुड् युडाहोड् उड्चिगा
चेऱ्या खेम्साड्, उड्चि छिम्योक
छिम्साड् चोकमास्याना तुप्साचु ॥



निड्वाफुमापाड्बे येसु
उप्पाउमाडा तुप्साचुना (२:४८)

४७ उका बुद्दि न्निसुहोड् न्हाडा उका पोलोवा ड्रखेप्सुहोड् घाक म्माकसाब्या ॥ ४८ ड्रखार्ला उड्चि च्या निसाचुहोड् उप्पा उमा चा माकसाब्याचि ॥ उमाडा छिम्दु, “आच्या, न्दा इजाड् कान्चिड् खार्ला चोगाधा? सो, म्बानुड् का आत्तेचोक्साड् न्दा योक्मासिम्मेड्चिड्हाहा ॥”

४९ उडा खार्ला लुचि, “न्जिड्दा इजाड् योड्मेकाह? का आप्पागा पाड्बे वामेड्ना बाड्ना न्जिड्दा था म्मायान्ना?” ५० ड्रखारनिड्गो उडा लुचिहा चेऱ्या उप्पा उमाडा ड्डासान्चुन ॥ ५१ न्हाडा येसु उप्पा उमानुड् नासारातपे लासाहोड् उप्पा उमागा तायेन्बे युडा ॥ उमा मारियामडा च्हेन खा घाक चेऱ्या मेमुनिले उनिड्वाबे युक्सु ॥ ५२ येसु सालुड्बे नुड् बुद्दिबे निड्वाफुमा नुड् यारमिचिगा आनुगाराहाबे पुसाड् ख्या ॥

बाप्तिस्मा पिखुबा युहान्ना

(मात्ति ३:१-१२, मारकुस १:१-८, युहान्ना १:१६-२८)

३ काइसार तिबेरिआस रोमगा तायेन्राड्बा लेक्साना एफा फिम्बिलिड् तासुनिड्, पान्तियास पिलातास याहुदिया लिड्खाम्मा खाड्खाड्बा साया ॥ ड्रखिड्बेला हेरोद गालिल लिड्खाम्मा तायेन्राड्बा सा ॥
 उनुन्छा फिलिप इतुरिया नुड् तारखोनितिस लिड्खाम्मा तायेन्राड्बा सा, न्हाडा लुसिनियास आबिलेने लिड्खाम्मा तायेन्राड्बा सा ॥ २हान्नास नुड् काइयाफा माहाड्खुबा सायाचि ॥ ड्रखिड्बेला जाकारियागा उच्या युहान्ना इसा चा मेशनिड्ना सुन्नेना ठोड्बे वायानिड् निड्वाफुमागा चेऱ्या उड्बे ताया ॥ ३न्हाडा उड् यारदान होड्मागा योखेहा लिड्खाम्बे ख्याहोड् यारमिचि खार्ला लुचि, “न्निड्दा पाप छेमा तोक्मागा पाप चोक्मा लेप्तिम्घोड् निड्वाफुमा



इहा चा मेशनिड्ना सुन्नेना ठोड्बे युहान्ना (३:६)

पोटि हिकसानि, न्हाड् बाप्तिस्मा लियाचोगानुम ॥ ४ खारला
निड्वाफुमाभाड् चेकखुबा यासाइयाडा छेप्तुहा चेत्या पुरा लेकसाराया-
खेप्सानुम, इसा चा मारनिड्ना सुन्नेना ठोड्बे एको याश्मिडा माडा
सेम्लाडा खारला कामासिम्मे, ‘हाड्बा तामाना लाम्बु तोयानुम
न्हाड् उड् लाम्माहा लाम्बुचि सिधा चोगानुम्चिम ॥

५ घाक खोल्सा-खोल्सिचि लुप्पाचि, कोड्गुचि ओटेम्मा चोकमाचि,
न्हाड् हिक्लिक वाक्लिकहा लाम्बुचि सिधा चोकमाचि ॥ लाम्मा
मेनुमाहा लाम्बुचि उचुन चोकमाचि,

६ न्हाडा घाक याश्मिचिडा निड्वाफुमाडा पाकसुना मुक्ति न्निस्वा ॥”**
७ युहान्नागाबे प्याक याश्मि बाप्तिस्मा लियाचोकसे न्दाया ॥
द्वाखारनिड्गो उडा खारला लुचि, “ए पुछाकका उच्याचि, इसाडा
न्निड्दा निड्वाफुमागा तायेना निरिक भाड् हिड्मा चिन्दिघा?
८ न्निड्दा जेप्पामाड् पाप पाहाड् लासिघोड् निड्वाफुमा पोटि निड्वा
हिकसुकसुम्माना ओम भोड् द्वाखारलामाड् चोगानि ॥ उखारनिड्गो
कानिड् आब्राहाम्गा सान्तानसिडान कामाहोड् निड्वाफुमागा तायेना
निरिक भाड् हिड्वाडाहा भोड् मितानिन ॥ इजाड्बाड्निड्
निड्वाफुमाडा खा लुड्खाक पाहाड् होड् चा आब्राहाम्गा सान्तान
चोकमा यास्वाचिहा ॥ ९ लोप्पाड् निड्वाफुमागा निरिकका फेन्दिक
सिड्गा उसाम्बे आयाब्यामा, उचुन उसा मेड्गेड्खुबा घाक सिड्गा
उथाप इम्मेहोड् मिबे लेम्नाहाड्मेहा ॥”

१० न्हाडा याश्मिचिडा युहान्ना न्छिम्दु, “द्वाखारला ओम भोड् कानिड्
इ चोगिड्?”

११ उडा खारलाना पोलोवा पिचि, “इसानुड् हिच्चि लोकि ड्वान्ने,
न्नाडा मेवाखुबा एको पिहाकसुनि, न्हाडा इसानुड् चाम्योड्बा वान्ने,
न्नाडा चा मेवाखुबा पिनि ॥”

१२ तिरो पोकखुबाचि चा बाप्तिस्मा लियाचोकसे न्दायाहोड् न्छिम्दु,
“चिन्खुबा, कानिड् इ चोगिड्?”

१३ उड्डचि खारला लुचि, “निंद्दा पोकमाह लुइघा हाविन्ड प्याक म्बोगानुम्निन ॥”

१४ किथिरिकपाचिडा न्छिम्दु, “कानिंड लो, इ चोगिंड ?”

उडा लुचि, “निंद्दा यारमिचि किसिप्पा लाप्साड्, मेन्हा आप्दिक एन्साड् उड्चिभाड् याड् म्बोगानुम्निन ॥ निंद्दा पिइघा याड्बेऱमाड् निंड्वा युक्सानुम ॥”

१५ यारमिचिडा निंड्वाफुमाडा सेगुना मुक्ति पिखुबा हाड् खिरिस्टका लाम्बु न्सोकसा ॥ उड्चिडा न्ना खिरिस्ट युहान्ना माड् लोप्पि भोड् म्मितुकसा ॥ १६ युहान्नाडा ड्खाचि खारला लुचि, “का निंद्दा माड्च्चाडा बाप्तिस्मा पिम्मे नेनिन, ड्खारनिंद्गो का हाविन्ड तौना तायेऱना, का उका लाड्खोप्का उनाम फुड्मा चा न्थेसिमेडान ॥” उडा निंद्दा पाबित्तारा आत्मा नुड् मिडा बाप्तिस्मा पिइवागा ॥ १७ थाप्माना नाड्लो उमुक्पे वान्ने, उडा गाउ थाब्वाहोड् भाखारिबे एन्द्वा, न्हाड् उसिप च्हेन मेन्सिखुबा मिबे हान्दाहाकस्वा ॥”

१८ खारला प्याक आरति पिसाड् युहान्नाडा यारमिचि नुसाला खेम्मेतुचि ॥ १९ ड्खारनिंद्गो तायेनराड्बा हेरोदडा उनुन्छा ताड्मे हेरोदियास उहिड्खुमा चोगुहोड् युक्सुकसा, न्हाड् हेकोहा चा प्याक इसिरहा काम चोगुक्साहोड् युहान्नाडा थिन्दु ॥ २० न्हाडा तायेनराड्बा हेरोदडा चोगुहा ड्खा इसिरहा काम छोड्बे युहान्ना छेकपाड्बे छेकतुहोड् हेकोना भान इसिरना काम पुसु ॥



येसुगा बाप्तिस्मा

(माति ३:१३-१७, मारकुस १:६-११
युहान्ना १:३२-३४)

२१ घाक यारमिचि बाप्तिस्मा लियान्जोकमास्यानिंड् येसुडा चा बाप्तिस्मा लियाचोगुहोड् पारथाना चोकमास्यानिंड् वालोक होसा ॥
२२ न्हाडा पाबित्तारा आत्मा ढुकुर

पाबित्तारा आत्मा ढुकुरगा रुप्पे
येसु छोड्बे युडाना (३:२२)

लोङ्वा लेकसुकसाहोड् उड्छोड्बे युडा, न्हाड् वालोक पाहाड् एको
खारला चेकताना सेस्पा ताया, “न्दा का लुड्मा तुकनेन्ना आच्यागान, का
न्दा नुड् तुकनुड् चोन्दास्यामाड्ना ॥”

येसुगा छोड्

(माति १:१-१७)

२३येसुडा उका काम तारोक्तुनिड् उड् सुम्खेड् फिम्बिलिड् हिड्
तासुकसा ॥ यार्मिचिडा येसुगा उप्पा योसेफ माड् भोड् मितामासा ॥
योसेफका उप्पा एलि सा, २४एलिगा उप्पा मातात, मातातगा उप्पा
लेबि, लेबिगा उप्पा माल्कि, माल्किगा उप्पा यान्ना, यान्नागा उप्पा
योसेफ, २५योसेफका उप्पा मात्ताथियास, मात्ताथियासका उप्पा
आमोस, आमोसका उप्पा नाहुम, नाहुमगा उप्पा इसालि, इसालिगा
उप्पा नाग्गाइ, २६नाग्गाइगा उप्पा माथ, माथका उप्पा मात्ताथियास,
मात्ताथियासका उप्पा सेमाइन, सेमाइनगा उप्पा योसेख, योसेखका
उप्पा योदा, २७योदागा उप्पा योआनान, योआनानगा उप्पा रेसा, रेसागा
उप्पा यारुबाबेल, यारुबाबेलगा उप्पा साल्तिएल, साल्तिएल्ला उप्पा
नेरि, २८नेरिगा उप्पा माल्कि, माल्किगा उप्पा आदूदि, आदूदिगा उप्पा
कोसाम, कोसामगा उप्पा एल्मादाम, एल्मादामगा उप्पा एर, २९एरगा
उप्पा याहोसु, याहोसुगा उप्पा एलिएजार, एलिएजारगा उप्पा योरिम,
योरिम्मा उप्पा मात्तात, मात्तातगा उप्पा लेबि, ३०लेबिगा उप्पा
सिमियोन, सिमियोनगा उप्पा याहुदा, याहुदागा उप्पा योसेफ,
योसेफका उप्पा योनान, योनानगा उप्पा एल्याकिम,

३१एल्याकिमगा उप्पा मालेआ, मालेआगा उप्पा मिन्ना, मिन्नागा
उप्पा मात्ताथा, मात्ताथागा उप्पा नातान, नातानगा उप्पा दाउद,

३२दाउदका उप्पा यिसाइ, यिसाइगा उप्पा ओबेद, ओबेदका उप्पा
बोआज, बोआजका उप्पा साल्मोन, साल्मोनगा उप्पा नाहासोन,
३३नाहासोनगा उप्पा आम्मिनादाब, आम्मिनादाबगा उप्पा आराम,
आरामगा उप्पा हेसारोन, हेसारोनगा उप्पा फारेस, फारेसगा उप्पा
याहुदा, ३४याहुदागा उप्पा याकुब, याकुबका उप्पा इसाहाक,
इसाहाकगा उप्पा आब्राहाम, आब्राहाम्मा उप्पा तेराहा, तेराहागा

उप्पा नाहोर, ३५नाहोरगा उप्पा सारुग, सारुगगा उप्पा रात, रातगा
उप्पा पेलेग, पेलेगगा उप्पा एबेर, एबेरगा उप्पा सेलाहा,

३६सेलाहागा उप्पा केनान, केनानगा उप्पा आरपाछेद, आरपाछेदगा
उप्पा सेम, सेमगा उप्पा नोआ, नोआगा उप्पा लेखेम, ३७लेखेमका
उप्पा मातुसेलाहा, मातुसेलाहागा उप्पा हानोक, हानोकका उप्पा येरेद,
येरेदगा उप्पा माहालालेल, माहालालेलगा उप्पा केनान, ३८केनानगा
उप्पा एनोस, एनोसका उप्पा सेत, सेतका उप्पा आदाम, आदामा
उप्पा निङ्वाफुमा सा ॥

साइतानडा येसुगा जाच चोगुना

(माल्ति ४:१-११, मारकुस १:१२-१३)

४ येसु यारदान होङ्माभाङ्ग लासा, ड्रखिंड्बेला उङ्नुङ्ग पाबित्तारा
आत्मा वाया ॥ पाबित्तारा आत्माडा उङ्ग इसा चा मेझनिङ्ना
सुन्नेना ठोङ्बे खेतु ॥ २न्नाबे नाखेङ्ग लेन साइतानडा येसुगा जाच चोगु ॥
ड्रखा लेन्चिबे उडा इहा चा न्जोन, न्हाडा नाखेङ्ग लेन म्मेन्दाहोङ्ग उङ्ग
तुक्नुङ्ग साकडा स्या ॥

३ड्रखिंड्बेलाक साइतानडा येसु खाऱ्ला लु, “न्दा जेप्पामाङ्ग
निङ्वाफुमागा उच्या ओमान भोङ्ग ना लुङ्गखाक चालेप्पा लेकसाभोङ्ग
लु ॥”

४येसुडा खाऱ्लाना पोलोवा पि, “खाऱ्ला छेप्तामा, याश्मि चालेप्पाडा
से ड्रहिंडमेन्ना ॥”*

५न्हाडा साइतानडा येसु चान्चान्ना चोम्कोङ्ग खेतुहोङ्ग मिक
सिम्मिकपे ताम्दाङ्गफुमा बेरहा घाक राज्या सोप्पेसाङ्ग खाऱ्ला लु,
६“का न्दा खा घाक राज्यागा हाङ्ग नुङ्ग खा घाक याङ्गसागा हूङ्गबा
चोकमा यामेझनेन्ना, इजाङ्गबाङ्गनिङ्ग खा घाक आमुकपे वान्नेहा, न्हाङ्ग
का इसा पिप्पा मित्वाङ्ग न्ना पिप्पा यास्वाङ्ग ॥ ७न्दा का सेमेताङ्ग न्हाङ्ग
खा घाक ड्रगा लेङ्गमेहा ॥”

* ४.४ ब्यावास्था ८:३

८येसुडा साइतान खारळाना पोलोवा पि, “खारळा छेप्तामा, नदा डूगा निड्वाफुमासे सेमेतु, न्हाडा उकासे सेवा चोगु॥”*

९न्हाडा साइतानडा येसु यारुसालेम्बे खेतु, न्हाड् निड्वाफुमापाड्गा ओछोम्बे युक्सुहोड् खारळा लु, “नदा जेप्पा निड्वाफुमागा उच्या ओम्मान भोड्, लु ना भाड् मो पुक्ता॥ १०इजाड्बाड्निड् खारळा छेप्तामा,

‘निड्वाफुमाडा उका वालोकदुतचि आग्गे पिवाचि, न्हाड्

डूखाचिडा नदा डृहिड्मेमेका॥

११ डूखाचिडा न्लाड्चि लुड्खाकपे न्लुड्सिरनिन्नि भोड् मुक्मुकपे न्दाम्सिमेकाना॥’’’*

१२येसुडा पोलोवा पि,

“खारळा चा छेप्तामा, ‘नदा डूगा हाड्बा निड्वाफुमागा जाच न्जोगुन॥’’’*

१३साइतानडा येसु घाक जाच चोगिहोड् हेकोना माउका मेन्दाले सोम्मा नारओहोड् ख्या।

येसुडा काम तारोक्त्वाहा

(मातित ४:१२-१७, मारकुस १:१४-१५)

१४येसुडा पाबित्तारा आत्मागा साक्षित तोक्तुहोड् गालिल लिड्खाम्बे लासा॥ उका उतुम्बे योखेहा घाक ठोड्चिबे चेऱ्या हिसा॥ १५उडा न्नाबे याहुदि छुम्पाड्चिबे ख्याहोड् चिन्मा तारोक्तुचि, ड्खिड्बेलाक घाक यारमिचिडा येसुगा निड् न्थेन्दु॥

* ४.८ ब्यावास्था ६:१३

* ४.११ छेम्मा छेप्ताप ६:११-१२

* ४.१२ ब्यावास्था ६:१६

येसु याहुदि छुम्पाड्बे

(माति १३:५३-५८, मारकुस ६:१-६)

१६ येसु उड् पुसाना ठोड् नासारतपे ताया ॥ न्हाड् साधाइहा लोऱवा आराम चोकमाना लेन याहुदि छुम्पाड्बे ख्याहोड् धारमासाप्ला पोढाचोकमागा चेड् पोगा ॥ १७ निड्वाफुमाभाड् चेकखुबा यात्रमि यासाइयाडा छेप्तुना छेसाप पोढाचोकमागा उड् म्बि ॥ उडा न्ना छेसाप होसुहोड् खाऱला छेप्ताना ठोड् लोन्दु, न्हाड् पोढाचोगु,



येसु धारमासाप्ला पोढाचोकसाड्
(४:१६)

१८ “निड्वाफुमागा आत्मा का
छोड्बे वान्ने,
इजाड्बाड्निड्
तुखिसुम्बाचि नुसाला
खेम्मेमागा उडा का
सेगामाड् ॥ उडा छेकपाड्बे
न्छेकताहाचि फोड्माहा
सालेन लुऱमागा, मिक
मेनिखुबाचि निमाहा सालेन
लुऱमागा,
आत्याचारबे डळायाहोड्
म्फेड्दाहाचि फोड्मागा,
१९ न्हाडा हाड्बागा फोड्माना
बेला तायामा भोड् चेऱ्या
हिमागा का
पाकसामाड्ना ॥”*

२० उडा छेसाप छुप्तु, न्हाडा न्ना याहुदि छुम्पाड्बे काम चोकखुबा लासुबिहोड् युडा ॥ न्नाबे वाखुबा घाकडा येसु न्सोनेसुकसा ॥ २१ ड्रिखिड् बेला उडा ड्रखाचि खाऱला लुचि, “धारमासाप्लाबे छेप्ताहा खा चेऱ्या न्निडदा खेप्सेहेकसुमानुड् तासुकसुहा ॥”

* ४:१६ यासाइया ६१:१,५८:६

२२ न्नाबे वाखुबा घाक यात्रमिचिडा येसुगा निड् न्थेन्दु ॥ उका उयाभाड् लोन्दाहा खुम्दुमाचेकहा चेऱ्या ड्‌खेपसुहोड् ओओड् इइड् चोकसाड् उड्चि उड्चि खार्ला ड्‌गाया, “ना गो योसेफका उच्या मेन्नाइ?”

२३ येसुडा ड्‌खाचि लुचि, “हाकु जेप्पा चा निड्दा का खार्लाना उखान लुम्मेका, ‘ओ सिधाकराड्‌बा न्दा आफाइ नुया ॥’ न्हाड् खार्ला चा लुम्मेका, ‘न्दा काफारनाहुम्बे इमिन्हा काम चोगुगा, ड्‌खार्लाहा ड्‌गा तेन्बे चा चोगु’ ॥”

२४ “ड्‌खार्निड्गो का जेप्पा निड्दा लुम्मेनेनिन, निड्वाफुमाभाड् चेकखुबा उका तेन बेरहा यात्रमिचिडा आदार न्जोगवानिन्ना ॥ २५ हेक्कोना एको चेऱ्या चा लुम्मेनेनिन, निड्वाफुमाभाड् चेकखुबा एलियागा पालोबे सुम फिम्बिलिड् या मोनाम सोम्मा वासिक न्दायान न्हाड् इजिरेल खाम्युक भोरि माडा आनिकाल आया ॥ ड्‌खिड्बेला न्ना खाम्युकपे प्याक लाड्‌निमाचि ड्‌वाया ॥ २६ ड्‌खार्निड्गो निड्वाफुमाडा एलिया सिदोन लिड्खाम्मा

सारपात* बाड्‌ना तेन्बे वाखुबा
लाड्‌निमाघे से पाकसु ॥*

२७ ड्‌खार्लामाड् एलिसा
निड्वाफुमाभाड् चेकखुबागा
पालोबे चा इजिरेलबे प्याक
कोरिचि ड्‌वाया, ड्‌खाचि इसा चा
न्नुमेतानिन ड्‌खार्निड्गो
ड्‌खाचिबे सिरिया खाम्युक बेर्ना
नामान बाड्‌ना यात्रमि से
नुमेता ॥”*

२८ खा चेऱ्या ड्‌खेपसुहोड् याहुदि
छुम्पाड्‌बे ड्‌वायाहा घाक



येसु भिरिकपाहाड् लेप्नेम्मा
न्जोगुना (४:३०)

* ४.२६ ना तेन्बे याहुदिचि मेन्ना हेकोहा जाति ड्‌वाया

* ४.२६ १ हाड् १७:७-१६

* ४.२७ २ हाड् ४:१-१४

यारमिचि लोक खोप्माडा मि न्लेकसा॥ २६न्हाडा मुथिड्गिरिक
वाथिड्गिरिक म्बोगाहोड् ड्रखाचिडा येसु न्ना साहारभाड् बाइरा
न्लोन्दु॥ न्ना साहार चोम्कोड् छोड्बे आखुबा सा॥ उड्चिडा येसु न्ना
चोम्कोड्गा भिरिक पाहाड् लेप्नेम्मागा न्जोगु, ३०ड्रखातनिड्गो उड्
यारमिलुम भाड् लोन्दाहोड् उका लाम्बु रव्या॥

इसिना मुइडा याकसुना यारमि नुयाना

(मारकुस १:२१-२८)

३१न्हाडा येसु गालिलगा एको काफारनाहुम बाड्ना साहारबे ताया॥
न्हाड् आराम चोकमाना लेन न्नाबेना याहुदि छुम्पाड्बे ख्याहोड्
यारमिचि चिम्मा तारोकतुचि॥ ३२उडा चिन्दुचिहा चेऱ्या ड्रखेप्सुहोड्
ड्रखाचि म्माकसाब्या, इजाड्बाड्निड् उडा चोकतोक नुड् चिन्दुचि॥

३३ड्रखिड्बेला याहुदि छुम्पाड्बे एको इसिना मुइडा याकसुना
यारमि चा वाया॥ न्ना यारमि ओकसाड् खाऱला काया, ३४“ओ
नासारातबेना येसु, न्दा कानिड् इचोघेकसाधा? इना कानिड् नास्टा
चोकसे तायागाना ओम? का था वान्ने, न्दा निड्वाफुमाडा
पाकसागाना पाबित्तारा यारमि ओमान॥” ३५खा खेप्सुहोड् येसुडा
च्हेन खाऱला लुसाड् थिन्दु, “स्वाक वायार, न्हाड् न्ना यारमिभाड्
लोन्दाखेब्या॥” न्हाडा इसिनामुइ न्ना यारमि घाकका उयुम्बे हुचेरेप
वाचेरेप चेप्तुहोड् लोन्दाख्या॥ ड्रखातनिड्गो न्ना यारमि एको चा चोट
डडायान॥

३६न्हाडा घाक यारमिचि म्माकसाब्याहोड् खाऱला ड्गाया, “ना
यारमिगा चेऱ्याबे इमिन्हा साक्ति वानेहा? उडा थिन्द्वाचिना सोलोक
इसिरहा मुइचि चा न्लोड् खेमेहाचि!” ३७न्हाडा येसुगा चेऱ्या
काफारनाहुम्गा योखेहा घाक तेन्चिबे हिसा॥

येसुडा प्याक तुखाबाड्चि नुमेतुचिहा

(माति ८:१४-१७ मारकुस १:२६-३४)

३८येसु याहुदि छुम्पाड्भाड् लोन्दाहोड् सिमोनगा पाड्बे रव्या॥
ड्रखिड्बेला सिमोनगा उनाम्मा तुक्नुड् जोरो तायाहोड् नेथाम

लाबाब्यामासा, न्हाडा पाड्बेरहाचिडा येसु खाऱला न्लु, “उड्नुमेताब्या”॥ ३६न्हाडा उका उयुम्बे ख्याहोड्ये सुडा जोरो थिन्दु॥ ड्खिड्बेलाक माड्ये सिमोनगा उनाम्मा जोरोडा नाओ न्हाडा उड्ये सोलोक पोगाहोड्ये उड्यचि तुसुचि॥ ४०नाम आहेकसासानिड्यारमिचिडा प्याक खाले तुखाबाड्यचि येसुगाबे न्दाचि॥ उडा उड्यचि घाक छोड्बे उमुक युक्सुहोड्ये नुमेतुचि॥ ४१प्याक यारमिचि भाड्ये इसिरहा मुइचि खाऱला ओक्साड्ये न्लोदाख्या, “न्दा निड्वाफुमागा उच्याड्गान”॥ ड्खारनिड्गो उडा ड्खाचि पोक चेक्मा म्बिन्चिन, इजाड्बाड्निड्ड्ये खाचिडा उड्ये निड्वाफुमाडा सेगुना मुक्ति पिखुबा हाड्ये खिरिस्ट ओमभोड्ये चिनान्दोक्तुक्सा॥

येसुगा काम

(मारकुस १:३४-३६)

४२भेनिक ओम लेक्साहोड्ये येसु यारमि मेतनिड्ना ठोड्बे ख्या॥ ड्खारनिड्गो प्याक यारमिचि उड्ये योक्साड्ये योक्साड्ये न्नाबे न्दाया॥ उड्यचिडा खाऱला लुसाड्ये येसु छेक्मागा न्जोगु, “कानिड्नारयाघोड्ये ड्ख्यान”॥ ४३ड्खारनिड्गो उडा ड्खाचि लुचि, “का निड्वाफुमागा राज्यागा नुसाला हेकोहा साहारचिबे चा खेमेप्माहा ड्खान्ने, इजाड्बाड्निड्ड्ये का खागा लागि माड्ये निड्वाफुमाडा पाक्सामाड्ना ओम”॥ ४४न्हाडा उडा याहुदिया लिड्खाम्बेरहा याहुदि छुम्पाड्यचिबे ख्याहोड्ये पारचार चोगु॥

येसुडा सुम्भाड्ये चेला लेड्से काचिहा

(मात्ति ४:१८-२२ मारकुस १:१६-२०)

५ इ लेन येसु गानेसारेत* बाड्ना तालगा उलाप्पे येबामासा॥ ड्खिड्बेलाक न्नाबे उका इघुरुम प्याक यारमिचि हुखुसा-हाखुसा चासाड्ये निड्वाफुमागा चेत्या खेम्से न्दाया॥ २येसुडा तालगा उलाप्पे हिच्चि होड्गारवा निसुचि, ड्खारनिड्गो जाल

* ५:१ नागा हेकोना उनिड्ड्ये गालिलगा ताल ओम॥

लेपखुबाचि च्हेन होड्गारवा न्नाओचिहोड् जाल ड्वासिरमा नस्या ॥
३न्नाबेना एको होड्गारवा च्हेन सिमोनगा सा ॥ येसु न्ना होड्गारवाबे
थाडाहोड् सिमोन खारला लु, “होड्गारवा उलाप पाहाड् मि योरोक
खेतु ॥” न्हाडा उड् होड्गारवाबे युडाहोड् याशमिचि चिम्मा
तारोक्तुचि ॥

४उडा चिन्दिचिहोड् सिमोन खारला लु, “माड्च्वा मि प्याक वेना
ठोड्-बे खेतुघोड् नासा लाप्मागा न्जाल लेप्तु ॥”

५सिमोनडा खारलाना पोलोवा पि, “आहाड्बा, कानिड् सेनामफोक
जाल लेप्तुम्चिम्डा ड्खारनिड्गो एकको चा नासा ड्डायान ड्खोड् चा
न्दा ल्याड्गानाडा जाल लेप्त्वाड्ना ॥” ६न्हाडा जाल लेप्तु,
ड्खिड्-बेला खिड् प्याक नासाचि ड्डाया, उड्-चि जालमाड् नाड्खेनमा
तारोक्तु ॥ ७उड्चिडा हेककोना होड्गारवाबे ड्वायाहा काम्निभाक्चिच
चा मुक्का चालडा फासे ड्गाचि ॥ ड्खाचि न्दायाहोड् नासा लोम्मा
न्दारोक्तुचि ॥ न्लोन्दुचिनुड् न्लोन्दुचिनुड् हिचिचि होड्गारवा नासाडा
इप्तुचिहोड् न्लुप्साखेकसाहा ॥

८खा निसुहोड् सिमोन पात्तुरुसडा येसुगा उलाड्-बे फोप फोप्ताहोड्
खारला लु, “हाड्बा का पापि याशमिडान, आयुभाड् खेब्या ॥”
९इजाड्बाड्-निड् खिड् प्याक नासाचि ड्डायाह न्निसुचिहोड् सिमोन
नुड् उकाम्निभाक्चिच घाक म्माकसाब्या ॥ १०न्हाडा ड्खारलामाड्
सिमोन नुड् काम चोकखुबा जाब्दिगा उच्याचि याकुब नुड् युहान्ना चा
माकसाब्याचि ॥ येसुडा सिमोन खारला लु, “न्दा डगिसितान, हाकु
नाहाड्-तो न्दा नासा मेन्ना, ड्खारनिड्गो याशमिचि लाब्वाचिघोड् काबे
ताखुबा लेड्मेकाना ॥”* ११न्हाडा उड्चिडा होड्गारवाचि पाखाबे
न्लोन्दुचि, न्हाड् घाकथोक न्नाओहोड् येसुनुड् ड्ख्या ॥

* ५.१० हाकुनाहाड्-तो याशमिचि नुसाला खेम्मेत्वाचिघोड् निड्वाफुमागा राज्याबे
तावाचिघा ॥

येसुडा कोरि नुमेतुना

(माति ८:१-४ मारकुस १:४०-४५)

१२इमा येसु एको साहारबे वायानिड् सालुड् भोरि कोरडा याकसुना यारमि न्नाबे ताया ॥ न्हाड् लाड् छुक्पे येबाहोड् येसु सेमेसाड् खाऱला लु, “हाड् बा न्दा मितागा भोड् का नुमेप्मा यामेड् गाना ॥” १३येसुडा न्ना यारमि छोड् बे उमुक युक्सुहोड् खाऱला लु, “न्दा नुगानि बाड् ना का मिम्मेड्, न्दा नुया ॥” ड्-खिड्-बेलाक माड् न्ना कोरि यारमि नुया ॥ १४न्हाडा येसुडा न्ना यारमि खाऱला लु, “खा चेऱ्या इसा चा ड्-योक्मेतुन्चिन ॥ ड्-खाऱनिड्-गो हाड्-खुबागाबे ख्याघोड् सोप्मेतु, न्हाडा मोसाडा चिन्दिघा लोऱवा निड्-वाफुमाबे भेटि तिसुघोड् घाकका युम्बे न्दा नुयागाना पारमान पिचि ॥”

१५ड्-खाऱनिड्-गो घाकपे उका उतुम्बे झान प्याक चेऱ्या हिसा ॥ प्याक यारमिचि उका चेऱ्या खेम्से नुड् तुक्माछाकमाभाड् नुमागा तामा न्दारोक्तु ॥ १६ड्-खाऱनिड्-गो येसु चहेन यारमि मेऱनिड्-ना ठोड् बे ख्याहोड् पारथाना चोगा ॥

येसुडा पुप्साब्याना यारमि नुमेतुना

(माति ६:१-८, मारकुस २:१-१२)



येसुगा उयुम्बे तुखाबाड्
ड्-डाएन्दुना (५:२०)

१७इ लेन येसुडा यारमिचि चिन्मास्या ॥ ड्-खिड्-बेला फारिसिचि नुड् धारमासाप्ला चिन्खुबाचि उयुम्बे ड्-युडामासा ॥ ड्-खाचि गालिल नुड् याहुदिया लिड्-खाम्बेरहा घाक तेन्चि भाड्, न्हाडा यारुसालेम साहारभाड् चा न्दायामासा ॥ येसुनुड् तुखाबाडचि नुमेऱ्माना हाड्-बा निड्-वाफुमागा साक्ति वाया ॥ १८यारमिचिडा एको पुप्साब्याना

तुखाबाड् नेथाम नुङ् न्नाबे डूखुरा॥ डूखाचिडा न्ना तुखाबाड् पाड्होड्बे येसुगा युम्बे खेतमागा न्जोगु, १६डूखारनिडंगो न्नाबे प्याक यारमिचि डूवायाहोड् पाड्होड्बे उमाना लाम्बु न्दुप्सुनिन॥ न्हाडा मोम्दालुड् छोड्बे न्थाडा डूखोड् भिड्कुटिगा मोम्दालुड् डूक्तुहोड् नेथाम नुड् न्ना तुखाबाड् येसुगा युम्बे ताम्बा डूडाएन्दु॥ २०न्हाडा येसुडा डूखाचिगा विस्वास निसुहोड् न्ना तुखाबाड् खाऱला लु, “डूगा पाप छेमा लेकसाहा॥”

२१डूखा चेत्या डूखेप्सुहोड् धारमासाप्ला चिन्खुबाचि नुड् फारिसिचि उड्चि उड्चि खाऱला छिम्खुसा न्जाया, “निड्वाफुमागा बिरुद्दाबे चेकखुबा ना इसा ओम? पापको निड्वाफुमाडा से छेमा चोक्मा यास्वा॥” यारमिडा चा पाप छेमा चोक्मा यास्वाहा लो?” २२डूखारनिडंगो येसुडा डूखाचिगा निड्वाबेरहा चेत्या था तोक्तुहोड् खाऱला लुचि, “न्निड्दा इजाड् खाऱला मितिवाघा? २३ना पुप्साब्याना यारमि ‘डूगा पाप छेमा लेकसाहा’, लुऱ्मा येम ‘पोगाघोड् लामा’ लुऱ्मा, हेना चहेन साजिलोना? २४डूखारनिडंगो का यारमिगा उच्यानुड् ताम्दाड्फुमाबे पाप छेमा चोक्माहा चोक्तोक वेरहा बाड्ना न्निड्दा निसानुम॥” न्हाडा उडा न्ना पुप्साब्याना यारमि खाऱला लु, “का न्दा लुम्मेनेन, हाकु पोगा डूखोड् न्नेथाम खुघोड् म्पाड्बे ख्या॥” २५डूखिड्बेलाकमाड् न्ना पुप्साब्याना यारमि उड्चि युम्बे पोगा, न्हाडा नेथाम खुहोड् निड्वाफुमागा निड् थेन्साड् पाड्बे ख्या॥ २६न्नाबे डूवायाहा घाक यारमिचि तुक्नुड् म्माक्साब्या॥ निड्वाफुमागा खाऱलाना माडा साक्ति न्निसुहोड् तुक्नुड् डूगिसिता॥ न्हाडा उड्चिडा निड्वाफुमागा निड् थेन्साड् खाऱला डूगाया, “हेन कानिड् इमिन्हा तोत्तेहा चेत्या निसुम्हा!”

येसुडा लेबि चेला लेड्से काना

(मातिं ६:६-१३, मारकुस २:१३-१७)

२७न्नाभाड् येसु खेप्मास्यानिड् तिरो हुड्माना पाड्बे एको
लेबि*बाड्ना यात्रमि युडामासाना निसु॥ न्हाडा येसुडा खाऱला लु,
“आका चेला लेड्से कानुड् आबा॥” २८न्हाडा लेबिडा घाकथोक
नाओहोड् येसुगा हेक्साड् हेक्साड् लाचोगा॥

२९हेक्साड् लेबिडा उपाड्बे येसुगा लागि माडा होकता एन्दु॥ न्ना
होकताबे प्याक तिरो पोकखुबाचि नुड् हेकोहा यात्रमिचि चा उड्नुड्
द्युडाहोड् न्जामास्या॥ ३०फारिसिचि नुड् धारमासाप्ला
चिन्खुबाचिडा बुजुड् बुजुड् कासाड् येसुगा चेलाचि खाऱला न्लुचि,
“न्निडा इजाड् तिरो पोकखुबा नुड् हेकोहा पापिचि नुड् युडिवाघोड्
चावाम्हा?”

३१येसुडा खाऱलाना पोलोवा पिचि, “न्दुगाब्यान्ना यात्रमिगा लागि
सिधाकराड्बा चाहाबान्जोड्मेन्ना, ड्-खाऱनिड्गो तुखाबाड्गा लागि से
चाहाबाचोड्मे॥ ३२ड्-खाऱलामाड् का चा धारमोति यात्रमिचि मेन्ना,
ड्-खाऱनिड्गो पापिचि उड्चिगा पापभाड् न्लानिभोड् कासे तायामाड्ना
ओम॥”


उपाबासका उतुम्बे छिम्योक

(मातिं ६:१४-१७, मारकुस २:१८-२२)

३३ड्-खाचिडा उड्-खाऱला न्लु, “युहान्ना नुड् फारिसिचिगा चेलाचिगो
उपाबास ड्युड्मे, पारथाना न्जोड्मे, ड्-खाऱनिड्गो ड्गा चेलाचि गो
हेशनिड् चा चासाड् उड्साड् से ड्वामेहाचि॥”

३४येसुडा खाऱला लुचि, “इना भ्याबे न्दाहया खोलोड्बाचि
थाड्स्योड्बा उड्चि नुड् वानुड् सोम्मा उपाबास वामेत्मा

* पू.२७ ना लेबि छोड् मेन्ना, ड्-खाऱनिड्गो मातिं छेप्ताप छेप्खुबा मातिंगा
हेकोना उनिड् ओम॥ मातिंगा छेप्ताप ६:६ नुड् मारकुसगा छेसाप २:१४
सोयानुम्चिम॥



हूवारिकका खेसुप (५:३१)

ओछोडा तेकका टालो छिन्वाहोड् उलिप्पा तेक न्लेप्त्वान,
इजाड्बाड्निड् न्नाडा ओछोडा तेक चा नाघाकस्वा, न्हाडा ओछोडा
टालो उलिप्पानुड् न्दोड्मेन्चा ॥

३७ इसाडा चा ओछोडा दाखमाध उलिप्पाना हूवारिकका खेसुप्पे*
ड्युकस्वान, युक्सुभोड् न्ना खेसुप नाड्खेमे, दाखमाध फोम्खेमे न्हाडा
खेसुप चा खेराखेम्मे ॥ ३८ न्हाडामाड् ओछोडा दाखमाध ओछोडाना
हूवारिकका खेसुप्पे युड्माहा ॥ ३९ इसाडा चा उलिप्पाहा चिकतुहा
दाखमाध उड्खाहोड् न्जिकतुन्हा उड्मा ड्गाड्मेन ॥ इजाड्बाड्निड्
उडा काम्मे, ‘चिकतुहा माड् खुम्दुहा’ ॥”

आराम चोकमाना लेन्गा उतुम्बे छिम्योक

(माति १२:१-८; मारकुस २:२३-२८)

६ इमा येसु नुड् उका चेलाचि याहुदिचिगा आराम चोकमाना लेन
गाउहाम लेड्साड् ड्रव्यानिड् उका चेलाचिडा गाउगा बाला
न्सेप्सुहोड् मुक्पे नुक्साड् चामा न्दारोक्तु* ॥ २ ड्रखारनिड् गो एको
हिप्पाड् फारिसिचिडा उड्चिखालाना छिम्योक न्छिम्दुचि, “इजाड्

* पू. ३७ ड्रखिड्बेला मेन्थुरलेहा पोसुचिगा हूवारिकका खेसुप्पे याड्माहा चालान
वाया ॥

* ६:१ याहुदिचिगा चालान्बे लाम्दिक्पा साकडा सिमानिड् तुमाहा चाचित्या हेडने
चा सेम्चामा तोकमाना चालान सा ॥

न्निड्दा आराम चोकमाना लेन गाउ सेप्स्वामाहोड् ब्यावास्थाडा
चोकमा न्लेड्मेन्हा कायाहा काम चोग्वाम्धा?”*

३येसुडा खार्लाना पोलोवा पिचि, “दाउद न्हाड् उड्नुड् ड्वायाहा
यात्रमिचि साकडा न्स्यानिड् उड् इ चोगाना? न्निड्दा धारमासाप्ला
पोडा न्जोगुक्सुम्मान्ना? ४उड् निड्वाफुमागा पाड्बे उयाहोड्
निड्वाफुमाबे तिसाहा चालेप्पा ताप्तुचो न्हाड् उड्नुड् ड्वायाहाचि चा
पिचि॥ ब्यावास्थाबे छेप्ताहा लोहवा भोड् डंखा चालेप्पा
हाड्खुबाचिडा से चामा लेड्माह साया॥”** ५न्हाडा येसुडा खार्ला
लुचि, “का यात्रमिंगा उच्या आराम चोकमाना लेन्ना चा
हाड्बाडान॥”

येसुडा मुक हेराब्याना यात्रमि नुमेतुना

(मात्ति १२:६-१४; मारकुस ३:१-६)

६येसु हेकोना याहुदिचिगा आराम चोकमाना लेन याहुदि छुम्पाड्बे
ख्याहोड् चिन्मास्या॥ न्नाबे छुप्ताड् मुक हेराब्याना एको यात्रमि चा
वाया॥ ७आराम चोकमाना लेन न्ना यात्रमि नुमेतुत्वाहोड् आप्दिक एम्मा
तोड्मेन्नायेम भोड् धारमासाप्ला चिन्खुबाचि नुड् फारिसिचिडा
माउका न्सोक्सा॥ ८डंखातनिड्गो येसुडा उड्चि निड्वाबेऱहा साला
थाहा तोक्तुहोड् न्ना उमुक हेराब्याना यात्रमि खार्ला लु, “आबा, न्हाड्
घाकका युम्बे चेड् येबा॥” न्हाडा न्ना यात्रमि तायाहोड् चेड्येबा॥
९न्हाडा येसुडा डंखाचि खार्ला लुचि, “का न्निड्दा एको छिम्योक
छिमेनेनिन्हा, आराम चोकमाना लेन उचुन चोकमायेम इसिसि
चोकमायेम, हिड्मेन्नायेम सिमानायेम” एड्गा ब्यावास्था आन्सार
हेऱना ठिक्ना? १०न्हाडा उडा डंखाचि घाक सोचिहोड् न्ना यात्रमि
खार्ला लु, “म्मुक सोसु॥” उडा डंखार्लामाड् चोगु, न्हाड् उमुक
नुयाब्या॥

* ६:२ ब्यावास्थाबे मिना हाक्सिड् मिना काम चा आराम चोकमाना लेन चोकमा
न्लेड्मेन्हा भोड् छेप्तामा॥

* ६:४ १ सामुएल २१:१-६; लेबि २४:६

११खा न्निसुहोड् ब्यावास्था चिन्खुबाचि नुड् फारिसिचि लोक
खोरमाडा मि न्लेकसा, न्हाड् हाकु येसु इ चोगुम भोड् साल्लाहा चोकमा
न्दारोक्तु ॥

येसुडा एहि चेलाचि सेगुचिहा

(मात्ति १०:१-४; मारकुस ३:१३-१६)

१२इलेन येसु कोड्गुबे ख्याहोड् सेऱ्नाम्फोक निड्वाफुमा नुड्
पारथाना चोगा ॥ १३भेनिक लेकसाहोड् उडा चेलाचि काचि, न्हाड्
ड्र्खाचिभाड् एहि जाना सेगुचिहोड् सेगुम्पाकिच भोड् निड् पिचि ॥
१४ड्र्खाचिबे एको सिमोन सा, न्ना येसुडा पात्तुरुस उनिड् युक्सुबि,
सिमोनगा उनुंछा आन्दिरियास, याकुब, युहान्ना, फिलिप,
बारथोलोमाइ १५मात्ति, थोमा, आलफायासका उच्या याकुब, न्हाडा
खाम्युक्भाक्ता बाड्ना सिमोन, १६याकुबका उच्या याहुदा न्हाड् याहुदा
इस्कारियोत, न्नाडा हेकसाड् येसु लेमुचो ॥

येसुडा प्याक तुखाबाड् नुमेतुचिहा

(मात्ति ४:२३-२५)

१७येसु सेगुम्पाकिचनुड् कोड्गुभाड् मो उकसा, न्हाड् एको चाउरबे
ड्येबा ॥ न्नाबे प्याक उका चेलाचि नुड् हेकोहा यारमिचि न्छुप्सामासा ॥
ड्र्खा यारमिचि याहुदिया लिड्र्खाम्गा घाक ठोड् भाड्, यारुसालेम
साहारभाड् न्हाड् सामुन्दारागा युम्बेझा दुरोस नुड् सिदोन
लिड्र्खाम्भाड् न्दायामासा ॥ १८ड्र्खाचि येसुगा चेझा खेम्से नुड् उड्चि
तुक्माभाड् नुमागा न्दायामासा ॥ न्नाबे इसिझहा मुझडा याक्सुचिहोड्
तुखि न्जायाहाचि चा न्नुया ॥ १९न्हाडा घाक यारमिचिडा उड्
तोक्निमागा न्जोगु, इजाड्बाड्निड् उड्भाड् लोन्दाहा साक्तिडा घाक
न्नुया ॥

येसुडा पिचिहा उपादेस

(मात्ति धः१-१२)

२० न्हाडा येसुडा उका चेलाचि सोसाड् खारला लुचि, “तुखिसुम्बाचि निड्वाफुमाडा निड्दा आसिक पिइवागा, इजाड्बाड्निड् निड्वाफुमागा राज्या निड्गामाड् ओम ॥

२१ लोप साकडा सिखुबाचि, निड्वाफुमाडा निड्दा आसिक पिइवागा, इजाड्बाड्निड् निड्दा खासिरवागा ॥ लोप हाप्खुबाचि, निड्वाफुमाडा निड्दा आसिक पिइवागा इजाड्बाड्निड् निड्दा युतुचाइवाघा ॥

२२ “का यात्रमिगा उच्याबे बिस्वास चोगाघाडा यात्रमिचिडा इसितिरवागानिड्, यात्रमिलुम्भाड् लोन्धाकिसरवागानिड्, लुचाइवागानिड् न्हाड् डोन्सिप्पाबे आमेतिरवागानिड् निड्वाफुमाडा निड्दा आसिक पिइवागा ॥ २३ डंखिड्बेला निड्दा चोन्सिसाड् पुक्तानि, इजाड्बाड्निड् निड्दा वालोकपे माडा इनाम तोक्त्वाम्गाना ॥ निड्दा तुखि पिखुबाचिगा पुरखाचिडा चा निड्वाफुमाभाड् चेक्खुबाचि ड्खारलामाड् तुखि म्बिकसाचि ॥

२४ ड्खारनिड्गो धिक्कार, निड्दा थुडुहाचि! इजाड्बाड्निड् निड्दा सुखा तोक्तिकसुम्गा ॥

२५ धिक्कार, निड्दा लोप खाखुबाचि! इजाड्बाड्निड् निड्दा साकडा सिइवागा ॥ धिक्कार, लोप निड्दा युन्चाखुबाचि! इजाड्बाड्निड् निड्दा तुखि तोक्त्वाम्गाहोड् हाबिरवागा ॥

२६ धिक्कार, खिड्बेला यात्रमिचि भाड् उचुन निड् ला तोक्खुबाचि! इजाड्बाड्निड् उड्चि पा पुम्चिडा चा निड्वाफुमाभाड् चेक्खुबाडान कासाड् लेन्चाखुबाचि ड्खारलामाड् उचुन न्जोगुक्साचि ॥”

सात्तुरचि चा लुड्मा तुक्तानुम्चिम

(मात्ति ४:३८-४८; ७:१२)

२७“द्रूखारनिड्गो आचेऱ्या खेम्खुबाचि का न्निड्दा लुम्मेनेनिन, सात्तुरचि लुड्मा तुक्तानुम्चिम, न्हाड् न्निड्दा इसिरखुबाचि उचुन चोगानुम्चिम॥ २८न्निड्दा साराप पिखुबाचि आसिक पियानुम्चिम॥ इसाडा न्निड्दा इसिसि चोगिरवागा, ड्रूखाचिगा लागि पारथाना चोगानि॥ २९न्दा एकपोटि नाम्छेड्बे मफेकतागाभोड् हेकोना नाम्छेड् चा ताप्तुबिचि॥ ड्रूगोट नाम्खेखुबा न्लोकि चा खेप्मापिचि॥ ३०न्दा नुड् नाकखुबाचि पिचि, न्हाडा ड्रूगा युबाकथिड्रूखाक खेखुबाचि न्नाक्तुनचिन॥ ३१यारमिचिडा न्निड्दा इमिन चोकिन मितिरवागा, न्निड्दा चा उड्चि ड्रूखारलामाड् चोगानुम्चिम॥

३२“न्निड्दा लुड्मा तुक्तुबाचि से लुड्मा तुक्तुम्चिम्मा भोड्, इ माडा काम चोगुमाना लेक्साना? ड्रूखारला गो पापिचि चा न्जोड्मे॥ ३३न्निड्दा उचुन चोक्खुबाचि से उचुन चोग्वाम्चिम्मा भोड्, इ माडा काम चोगुमाना लेक्साना? ड्रूखारला गो पापिचि चा न्जोड्मे॥

३४न्निड्दा हुड्मा याखुबाचि से नार्वा पिवाम्चिम्मा भोड्, इ माडा काम चोगुमाना लेक्साना? हुड्मा याखुबाचि गो पापिचिडा चा म्बिवाचि॥

३५ड्रूखारनिड्गो न्निड्गा सात्तुरचि लुड्मा तुक्तानुम्चिम न्हाड् ड्रूखाचि उचुन चोगानुम्चिम॥ हेक्साड् लाम्बिरनिभोड् आस मेन्जोक्ले नार्वा पियानुम्चिम, न्हाडा वालोक्पे न्निड्गा माडा इनाम लेड्मे, न्हाड् घाक हाक्निड् तो वालोक्पे वाखुबा निड्वाफुमागा सान्तान लेक्सिरवाघा॥ इजाड्बाड्निड् उडा गो बाइगुनि नुड् इसिरहा घाक यारमिचि उचुन चोग्वाचि॥ ३६न्निड्वाफुमा इमिन लुड्माराड्बाना ड्रूखारलामाड् न्निड्दा चा लुड्माराड्बा लेक्सानि॥”

यारमिचि आप्दिक ड्रूडेन्दानुम्चिम्निन

(मात्ति ७:१-५)

३७“यारमिचिगा निरिक न्जोगानुम्निन, न्हाडा निड्वाफुमाडा चा न्निड्गा निरिक न्जोग्वान॥ यारमिचि आप्दिक ड्रूडेन्दानुम्चिम्निन,

न्हाड् निड्वाफुमाडा चा न्निड्दा आप्दिक डडेन्दिरवागान ॥ यारमिचि
छेमा पियानुम्चिम, न्हाडा निड्वाफुमाडा चा न्निड्दा छेमा पिइवागा ॥
३८यारमिचि पियानुम्चिम न्हाड् निड्वाफुमाडा चा न्निड्दा पिइवागा ॥
उडा सोकसाड् सोकसाड् चोम्चोम चोगवाहोड् फोम्खेरनुड् पिइवागा ॥
इजाड्बाड्निड् हेझा नाष्डा न्निड्दा पिवाम्चिमा, न्ना नाष्डामाड्
न्निड्दा चा तोकत्वाम्धा ॥”

३९न्हाडा येसुडा ड्खाचि एको खारलाना ताप्चेरया लुचि,
“मिकसुरुम्बा यारमिडा मिकसुरुम्बा तिकमायास्वानाइ? ड्खाचि
हिपापाड् होत्लुम्बे डुडामेन्चिन्हा? ४०चेला चिन्खुबा हाविंड् मा
न्लेड्मेन, ड्खारनिड्गो उड् उचुन चिन्दिमेहोड् चिन्खुबा लोरवा
लेड्मेरना ॥

४१इजाड् न्नुन्छागा मिकपेझा मिना सिड्का निस्वागा, ड्खारनिड्गो
ड्गा मिक पेझा मुडा निस्वागान्ना? ४२न्दा ड्गा मिक पेझा मुडा
निस्वागान्ना भोड्, न्नुन्छा, ‘आनुन्छा मिक पेझा सिड्का
लोम्बिमेनेन्ना’ भोड् इमिन लुर्मा यास्वागाना? ओ किहि काप्खुबा,
ओन्दाड् ड्गा मिक पेझा मुडा लोन्धाकसु, ड्खोड् से न्दा न्नुन्छागा
उमिकपेझा सिन्का लोन्नाहाड्मागा उचुन निमा यास्वागाना ॥”

सिड् नुड् न्नागा उसा

(मात्रि ७:१६-२०; १२:३३-३५)

४३“उचुन्ना सिड्डा इसिरहा उसा डगेकस्वान, ड्खारलामाड् इसिरहा
सिड्डा चा उचुन्हा उसा डगेकस्वान ॥ ४४घाक सिड् न्नागा उसाभाड्
चिनाचोड्मे, इजाड्बाड्निड् तिड्गिभाकका उथाप पाहाड् इसाडा चा
वेपु न्सेप्स्वान, ड्खारलामाड् खाम्बुर्माड्गा उथाप पाहाड् सिम्लेर्माड्
न्सेप्स्वान ॥ ४५उचुन्ना यारमिडा उनिड्वा होड्बेरहा उचुनुहा चेत्याभाड्
उचुनुहा काममाड् चोगवा ॥ ड्खारलामाड् इसिरहा यारमिडा चा
उनिड्वा होड्बेरहा इसिरहा चेत्याभाड् इसिरहा काममाड् चोगवा,
इजाड्बाड्निड् उनिड्वा होड्बे इमिन्हा चेत्या वान्ने, ड्खामाड् न्ना
यारमिडा चेकत्वा ॥”

हिच्चि पाड़गा ताप्चेत्या

(माति ७:२४-२७)

४६ “का लुनेनिन्हा चेत्या येन्वाम्घाना भोड़ इजाड़ का ‘हाड़बा, हाड़बा, ‘लुम्मेकाहा? ४७ आचेत्या खेप्स्वाहोड़ ड्रखारला चोकखुबा यात्रमि इमिन्ना साम्मेन्ना, हाकु का न्निडा लुम्मेनेनिन्हा॥ ४८ न्ना घाइरो चाहारि खोन्दुहोड़ लुड़ख्वाक छोड़बे पाड़ चोकखुबा यात्रमि लोत्वाना ओम॥ न्हाड़ माडा भोल तायानिड़ भोलडा न्ना पाड़ लुक्तु, ड्रखोड़ चा न्ना पाड़ इडा चा ड्रहान, इजाड़बाड़निड़ न्ना पाड़ चात्तुनुड़ चोगामासा॥ ४९ ड्रखारनिड़गो आचेत्या खेप्स्वाहोड़ चा ड्रखारला मेन्जोकखुबा यात्रमि चहेन चाहारि मेड़खोन्ले खाम छोड़बे पाड़ चोकखुबा लोत्वाना ओम॥ न्हाड़ माडा भोल तायानिड़ न्ना भोल न्ना पाड़बे लुक्तास्या, लुक्तास्याहोड़ सोलोक न्ना पाड़ काकसाख्या न्हाड़ नास्टा लेक्सा॥”

रोमि केप्टेनगा बिस्वास

(माति ८:५-१३)

७ येसुडा खा घाक चेत्या यात्रमिचि खेम्मेतिचिहोड़ उड़ काफारनाहुम साहारबे ख्या॥ २ न्नाबे एको रोमि केप्टेनडा तुकनुड़ उलुड़मा तुक्तुना उनोकार तुगाहोड़ सेहेक्सा सा॥ ३ जोबो केप्टेनडा येसुगा उतुम्बे खेप्सु, न्हाड़ ‘उड़ हानि आप्होड़ आनोकार नुमेतुनि’ भोड़ लुसे याहुदि हाड़गुम्बाचि येसुगाबे पाकसुचि॥ ४ ड्रखा हाड़गुम्बाचि येसु वायानाबे न्दायाहोड़ सेमेसाड़ खारला न्लु, “हाड़बा, न्ना केप्टेन ड़गा साहायाता तोक्मा लाइक्ना यात्रमि ओम, ५ इजाड़बाड़निड़ उडा एड़गा याहुदि जातिचि तुकनुड़ लुड़मा तुड़मे, न्हाड़ उडामाड़ एड़गा लागि छुम्पाड़ चा चोकताब्यामाहा॥”

६ खारलाहा चेत्या खेप्सुहोड़ येसु ड्रखाचि नुड़ ख्या॥ पाड़बे तामाहाक्निड़ ओन्दाड़ केप्टेन्डा उकाम्निभाक्चि येसुगाबे खारलाना सालेन पिसे पाकसुचि, “हाड़बा तुखि न्जोगान, इजाड़बाड़निड़ का लोत्वाना माड़चुमाड़ना यात्रमिगा पाड़होड़बे उमा न्दा न्थेन्सिमेकान॥

७ का आफाइ चा ड़गा युम्बे तामा न्थेन्सिमेडान ॥ ड़खारनिड्गो नदा हेझने वेझका न्नाभाड् नुमेझमाना चेझया से चेकताब्याड् न्हाड् आका नोकार नुन्दिमेझना । ८ का आफाइ चा का हाकिन्ड तोहा यारमिचिंगा तायेन्बे वेझडा, आका तायेन्बे चा प्याक किथिरिकपाचि ड़वान्ने ॥ एको ‘रव्या’ ल्वाड्, न्हाड् न्ना खेम्मे, हेकोना ‘आबा’ ल्वाड्, न्हाडा न्ना आम्मे ॥ ड़खारलामाड् आनोकार चा खारला ‘चोगु’ ल्वाड्, न्हाड् न्नाडा चोग्वा ॥”

९ ड़खा चेझया खेप्सुहोड् येसु माकसाब्या, न्हाड् उका हेकसाड् लाम्खुबा प्याक यारमिचि पोटि हिकसाहोड् सोसाड् खारला लुचि, “का न्निड्दा लुम्मेझेनिन, खिड् माडा बिस्वास चोकखुबा यारमि गो का इजिरेलि यारमिचि माध्येबे इसाचा न्निसुकसुडान्ना ॥” १० न्हाडा केप्टेन्डा पाकसुचिहा ड़खा यारमिचि न्लासाहोड् पाड् न्दासुनिड् न्ना नोकार नुयाब्यामासाना न्दुप्सु ॥

येसुडा लाड्निमागा उच्या हिड्मेतुना

११ वान्दिकना लेन येसु नाइन बाड्ना साहारबे रव्या, ड़खिड्बेला उका चेलाचि नुड् प्याक यारमिचि चा उड्नुड् ड़र्व्या ॥ १२ येसु साहारगा गेट्र्पे* तायाब्यानिड् एको लास ड़खुहोड् मालामिचि ड़खेप्पास्या ॥ न्ना सिखुबा यारमि एको लाड्निमागा एकोसेझना उच्या बाबु सा ॥ न्ना लाड्निमा नुड् मालामि खेखुबा साहारबेझा प्याक यारमिचि चा ड़वाया ॥ १३ न्हाड्बा येसुडा लाड्निमागा तुखि निसुहोड् उलुड्मा तुकतुगेतु, न्हाड् खारला लु, “न्दा ड़हाबान ॥” १४ न्हाडा उयुम्बे रव्याहोड् उडा ताप्चि तोकित, ड़खिड्बेला खुखुबाचि ड़येबा ॥ न्हाडा येसुडा लु, “ओ बाबु, का लुमेनेन, ‘न्दा पोगा ॥’” १५ ड़खिड्बेलाक माड् न्ना स्याना बाबु पोगाहोड् युडा, न्हाड् चेकता ॥ ड़खोड् येसुडा न्ना बाबु उमा पिहाकसु ॥

१६ निड्वाफुमागा खारलाना साकित न्निसुहोड् घाक ड़गिसिता, न्हाड् निड्वाफुमागा निड् थेन्साड् खारला ड़गाया, “एको माडा

* ७.१२ न्ना साहार चान्चान्ना गारोडा फाडामासा न्हाडा साहारबे उमा लोम्मागा गेट युक्सामासा ॥

निड्वाफुमाभाड् चेकखुबा एड्गा लुम्बे ओतामाना ॥” न्हाडा खारला चा ड्गाया, “निड्वाफुमा उका यात्रमिचि तुप्से तायामाना ओम ॥” १७ खा सालेन याहुदिया घाकपे नुड् न्नागा योखेहा लिड्खाम्चिबे हिसा ॥

येसुनुड् बाप्तिस्मा पिखुबा युहान्ना

(मात्ति ११:२-१४)

१८ बाप्तिस्मा पिखुबा युहान्नागा चेलाचिडा चा येसुडा चोगुहा खा घाक कामगा उतुम्बे उड्चि चिन्खुबा ड्खेम्मेतु ॥ न्हाड् युहान्नाडा उका हिप्पाड् चेलाचि काचिहोड्, १९ हाड्बा येसुगाबे खारला छिम्से पाकसुचि, “कानिड् आस चोगुम्डाना मुक्ति पिखुबा हाड् खिरिस्ट न्दा गान्येम कानिड् हेकोना यात्रमिगा लाम्बु सोर्मानायेम?”

२० न्हाडा ड्खाचि येसुगाबे तायाचिहोड् छिम्दाचु, “कानिड् आस चोगुम्डाना खिरिस्ट न्दागान माड् येम कानिड् हेकोना यात्रमिगा लाम्बु सोर्म्डायेम? ना चेत्या छिम्से कान्चिड् बाप्तिस्मा पिखुबा युहान्नाडा पाकसाहा ॥”

२१ ड्खिड्बेला येसुडा प्याक यात्रमिचि तुकमाभाड् नुड् इसिरहामुइभाड् नुमेतुचि न्हाड् प्याक मिकसुरुम्बाचि चा निमा याखुबा न्लेकसा ॥ २२ येसुडा युहान्नागा चेलाचि लुचि, “न्जिड् दा इहा निसाचुगा नुड् खेप्साचुगा, ख्याचिघोड् युहान्ना योकमेताचु, मिकसुरुम्बाचिडा न्निस्वा, लाम्मा मेयाखुबाचि न्लाम्मे, कोरिचि न्नुमे, नाभाक मेखेम्खुबाचिडा ड्खेप्स्वा, न्स्याहा यात्रमिचि हिड्गिलिक न्लेड्मे, न्हाडा तुखिसुम्बाचि निड्वाफुमागा नुसाला ड्खेम्मेमे ॥” २३ कानुड् निड्वा मेन्दुकमेखुबा, का साड्का मेन्जोकखुबा यात्रमि जेप्पागा आसिक तोकखुबा ओम ॥”

२४ युहान्नागा चेलाचि लासाख्याचिहोड् येसुडा न्नाबेहा यात्रमिचि युहान्नागा उतुम्बे लुचि, “न्जिड् दा इसा चा मेशनिड् ना सुन्नेना ठोड्बे इना सोसे खेइधा? इना हिरवाडा योड्मास्याना एड्खेलेक सोसे? २५ इना उचुन्माचेकहा तेक वाखुबा सोसे? उचुन्हा उचुन्हा तेक वाखुबाचि नुड् खुम्दु खुम्दु चाखुबा उड्खुबाचिगो हाड्पाड्बेले ड्वामे ॥” २६ ड्खारनिड् गो निड् दा इहा सोसे खेइमिसिधा? इना

निंद्वाफुमाभाड् चेकखुबा सोसे? जेप्पा कामाभोड् न्निंद्दा
निंद्वाफुमाभाड् चेकखुबा याश्मि हाकिन्द् चा एको माडा याश्मि
निसुकसुमा॥ २७इजाङ्बाङ्बाङ्निंद् युहान्नागा उतुम्बे धारमासाप्लाबे
खाऱला छेप्तामा, ‘न्दा हाकिन्द् ओन्दाङ्ड् ओन्दाङ्ड् आका सालेन
खेम्मेखुबा पाकस्वाड्, न्हाडा उडा डगा लाम्बु त्यार चोग्वा॥’*

२८का न्निंद्दा लुम्मेनेनिन, ‘कायुड्लेन बेर्हा याश्मिचि माध्येबे
युहान्ना हाकिन्द् माडा इसा चा मान्ना॥ ड्खोड् चा निंद्वाफुमागा
राज्याबे इसा घाक हाकिन्द् मिना, उड् युहान्ना हाकिन्द् चा माडा
लेड्मेना॥’”

२९न्हाडा घाक याश्मिचि नुड् तिरो पोकखुबाचिडा ड्खेप्सुहोड्
निंद्वाफुमागा आग्गे जेप्पागा ठिक ओम डगाया, इजाङ्बाङ्बाङ्निंद्
ड्खाचिडा युहान्नाभाड् बाप्तिस्मा लियान्जोगुक्सा॥ ३०ड्खारनिंद्गो
फारिसिचि नुड् धारमासाप्ला चिन्खुबाचिडा च्हेन युहान्नाभाड्
बाप्तिस्मा लियाचोक्मा डगाक्सानिन्होड् उडचिगा लागि
निंद्वाफुमाडा चोगुना योजाना इन्कार न्जोगु॥

३१“ना पुस्तागा याश्मिचि का इ नुड् तोकसुड्चिड्? ड्खाचि
इमिन्हाचि? ३२ड्खाचि गो बाजारबे वाखुबा पिछानाछा लोरवाहाचि,
उड्चि उड्चि उड्चि खाऱला डगाम्मे, ‘कानिंद् न्निंद्गा लागि फुलुलुबा
मुम्बिनेनिन, ड्खारनिंद्गो न्निंद्दा न्लाक्तिगान॥ कानिंद् तुखिगा
चेया चोगुम्डानिंद् न्निंद्दा ड्हाबिगान॥’

३३बाप्तिस्मा पिखुबा युहान्नाडा दाखमाध डुडुडुन॥ उड् उपाबास
युड्साड् ताया, ड्खारनिंद्गो न्निंद्दा ‘उड् इसिना मुइडा
याकसुकसुना’ लुम्गा॥ ३४का याश्मिगा उच्या चासाड् नुड् उड्साड्
तायाड्, न्हाडा न्निंद्दा लुम्मेका, ‘सोयानुम, एको थेकखुबा,
सिंध्गोखुबा, तिरो पोकखुबा नुड् पापिचिगा काम्निभाक!’
३५ड्खारनिंद्गो निंद्वाफुमाभाड् बुद्दि न्दोकत्वाहोड् ड्खाऱला
चोकखुबाचिडा माड् उका बुद्दि ठिक ओम भोड् पारमानित
न्जोग्वा॥”

* ७.२७ मालाकि ३:१

येसुडा पापिनि मामु छेमा पिना

३६ एको फारिसिडा येसु चामा चासे का ॥ न्हाडा येसु फारिसिगा पाड्बे ख्याहोड् चासे युडा ॥ ३७ न्ना साहारबे एको पाप चोकखुमा मामु यात्रमि वाया ॥ उडा येसु फारिसिगा पाड्बे चामा चासे तायामाना बाड्ना खेप्सु, न्हाड् छेड्गोरोकका एको बात्तालबे खुम्दुनुड् नाम्खुबा किवा ताहोड् न्नाबे ताया ॥ ३८ न्हाडा हेकसाड् भाड् तायाहोड् येसुगा लाड्युम्बे युडा, न्हाडा हाप्साड् येसुगा उलाड्चि उमिरवाडा वासितुबि उताम्फोकडा तुकसाड् उम्मा चोगुचि न्हाड् ड्खा खुम्दुनुड् नाम्खुबा किवाडा नेकतुबि ॥

३९ खा निसुहोड् पाड्बे काखुबा फारिसिडा उनिड्वा उनिड्वाबे खारला काया, “ना निड्वाफुमाभाड् चेकखुबा यात्रमि सायानिड्बि उड् तोकिनखुबा इसा, इमिन्ना मामु ओम्भोड् था तोकतुबि, इजाड्बाड्निड् ना मामु गो पापिनि ओम ॥”

४० ड्खिड्बेला येसुडा न्ना फारिसि लु, “सिमोन, का न्दा एकोहिच्चि चेत्या लुमाहा ड्वान्नेहा ॥”

उडा लु, “चिन्खुबा, का लुयाड् ॥”

४१ न्हाडा येसुडा लु, “एको नाऱ्वाराड्बागा हिप्पाड् आसामिचि ड्वाया ॥ एकोडा फा होम्बोक युप्पा याड् न्हाड् हेकोनाडा फाखेड् युप्पा याड् खेतामासाचु ॥ ४२ ड्खारनिड्गो ड्खाचि नुड् हुड्माहा इहा चा म्मायान्होड् नाऱ्वाराड्बाडा हिपापाड् नाऱ्वा लेतुबिचि ॥ हाकु काया, हेना च्हेन्डा नाऱ्वाराड्बा प्याक लुड्मा तुकत्वाना लोप्पि?”

४३ सिमोनडा लु, “का मिमेड्, प्याक माफ तोकखुबाडा ॥”

येसुडा लु, “न्दा ठिक कायागाना ॥”

४४ न्हाडा उड् मामुपोटि हिकसाहोड् सिमोन खारला लु, “ना मामु निस्वागाना? का म्बाड्बे तायाड्, न्दा आलाड् वासिप्माहा माड्च्वा चा म्ब्याड्गान ॥ ड्खारनिड्गो ना मामुडा गो आलाड्चि उमिरवाडा वासिताब्याड्होड् उताम्फोकडा तुकताब्याड् ॥ ४५ न्दा का उम्मा न्जोगाड्गान, ड्खारनिड्गो नाडा गो का न्हे तायाड्ना नाहाड्तो आलाड्बे उम्मा चोकमासिम्मेड् ॥ ४६ न्दा आतुखुरुकपे किवा

न्नेकताब्याड्गान, ड्रखारनिड्गो ना मामुडा गो आलाड्बे खुम्दुनुड् नाम्खुबा किवा नेकताब्याड्॥ ४७न्हाडमाड् का न्दा लुम्मेनेन, ना मामुगा प्याक पाप छेमा लेकसामा, न्हाडमाड् ना मामुडा प्याक लुड्मातुकताड्॥ ड्रखारनिड्गो मिसे पाप छेमा तोकखुबाडा मिसेऱमाड् लुड्मा तुड्मे॥” ४८न्हाडा येसुडा न्ना मामु लु, “ड्गा घाक पाप छेमा लेकसाब्यामाहा॥”

४९न्नाबे चासे युडखुबाचि उडचि उडचि खारला कामा न्दारोक्तु, “पाप छेमा चोकखुबा ना इसा ओम?”

५०ड्रखारनिड्गो येसुडा न्ना मामु लु, “ड्गा बिस्वासडा न्दा हिड्मेतामागा, हाकु उचुनुड ख्या॥”

येसु फाखुबा मामुचि

८ न्हाडा येसुडा निड्वाफुमागा राज्यागा उतुम्बे नुसाला खेम्मेसाड् साहार साहार नुड् तेन तेन कोर्मातारोक्तु॥ एहि चेलाचि चा उड्नुड् ड्रख्या॥ २उड्नुड् खेखुबाचिबे मामुचि चा ड्रवाया, ड्रखाचि उडा इसिरहा मुइ नुड् तुकमाभाड् नुमेतुकसाचि॥ ड्रखाचि मारियाम मागदालिनि, उड् भाड् ला ओटा इसिरहा मुझचि न्लोन्दाख्यामासा, ३योआन्ना, उड् च्हेन हाड् हेरोदका पाड्बेरहा घाकथोक सोखुबा खाड्खाड्बा खुजासका उहिड्खुमा साया, सुसान्ना न्हाड् हेकोहा चा प्याक मामुचि ड्रवाया॥ ड्रखाचिडा येसु नुड् चेलाचि याड्सा म्बिचिहोड् म्फातुचि॥

याड्लि हूवेखुबागा ताप्चेऱ्या

(माति १३:१-६; मारकुस ४:१-६)

४इलेन प्याक साहारचिभाड् प्याक याशमिचि येसुगाबे न्दाया, न्हाडा उडा ड्रखाचि एको खारलाना ताप्चेऱ्या लुचि, ५“एको याशमिडा लाम्धाड्बे ख्याहोड् याड्लि हूवेतु॥ हूवेतुनिड् इखिड् याड्लि लाम्बुबे आया॥ लाम्बुबे आयाहा ड्रखा याड्लि याशमिचिडा म्बाताहाक्सु न्हाड् न्वाकिच न्दायाहोड् ड्गोबुचोड॥ ६हेकोहा इखिड् याड्लि च्हेन लुड्खाक्सेना खाम्बे आया, न्नाबे पोकमा गो पोगा ड्रखारनिड्गो



याड्लि ह्येरखुबा (८:८)

हेराब्या, इजाड्बाड्निड् न्नाबे खाम
चिनुड् न्सायान॥ ७इखिड् याड्लि
च्हेन तिड्गिभाक हाम्बे आया, न्हाड्
ड्खा याड्लिनुड् तिड्गिभाक चा
पुसाक्या, न्हाडा ड्खा याड्लि पुमा
म्बिन॥ ८ड्खारनिड्गो इखिड् च्हेन
उचुन्ना खाम्बे आया, ड्खा उचुनु
पोगाहोड् होम्बोक गुना उसा
केकसु॥” खिड् लुइचिहोड् उडा
ओकसेह्हाडा खारला लुचि, “ओ
खेम्खुबाचि, का चिन्नेनिन्हा चेऱ्या
निड्वा पिम्घोड् खेप्सानुम!”

ताप्चेऱ्यागा तुम्बिला

(मात्ति १३:१०-२३; मारकुस ४:१०-२०)

९येसुगा चेलाचिडा उड् ना ताप्चेऱ्यागा तुम्बिला इनाओम भोड्
न्छिम्दु॥ १०उडा ड्खाचि खारला लुचि, “न्निड्दा च्हेन निड्वाफुमागा
राज्यागा होड्चेऱ्या आमाना निड्वा तोक्तुक्सुम्मा, ड्खारनिड्गो
हेकोहा यारमिचि गो खा चेऱ्या ताप्चेऱ्याभाड् माड् न्लुम्मे, ‘न्हाडामाड्
ड्खाचिडा सोऽमागो न्स्वा ड्खारनिड्गो न्निस्वानिन, खेम्मा गो
ड्खेप्स्वा ड्खारनिड्गो ड्डास्वानिन॥’

११“ना ताप्चेऱ्यागा तुम्बिला ना ओम, याड्लि च्हेन निड्वाफुमागा
चेऱ्या ओम॥ १२लाम्बुगा उलाप्पे आयाहा याड्लि च्हेन ड्खा यारमिचि
ओम, ड्खाचिडा निड्वाफुमागा चेऱ्या खेम्मा गो ड्खेप्स्वा
ड्खारनिड्गो निड्वाबेयुड् युड्मा ड्यास्वानिन, इजाड्बाड्निड् बिस्वास
न्जोगवाहोड् हिड्मा न्दोक्तुनिन्नि भोड् साइतानडा ड्खाचिगा
निड्वाबेहा निड्वाफुमागा चेऱ्या कोभेतिश्वा॥ १३लुड्ख्वाक सेऱ्ना
खाम्बे आयाहा याड्लि च्हेन ड्खा यारमिचि ओम, ड्खाचिडा
निड्वाफुमागा चेऱ्या चोन्सिसाड् ड्खेप्स्वाहोड् लियान्जोगवा,
ड्खारनिड्गो ड्खा चेऱ्या उचुनुड् निड्वाबेयुड्सुनिन्नाडा एहिलेन

बिस्वास न्जोगवा, न्हाडा जाच आन्दाराम्भेनिंद् बिस्वास न्लेप्तिवा ॥
 १४तिङ्गिभाक हाम्बे आयाहा याङ्ग्लि चहेन ड्रूखा यारमिचि ओम,
 ड्रूखाचिंडा ड्रूखेप्स्वा, ड्रूखारनिंद्गो ना हिङ्गलुङ्गा चिन्ताडा, याङ्ग्ला
 नुंद् चामाउङ्गाडा विस्वासपे पुमा न्दोक्त्वानिन, न्हाड् ड्रूखाचिंगा उसा
 तुम्मा न्दोक्त्वान ॥ १५उचुन्ना खाम्बे आयाहा याङ्ग्लि चहेन उचुन्ना
 निंद्वा काप्खुबा यारमिचि ओम, ड्रूखाचिंडा निंद्वाफुमागा चेऱ्या
 ड्रूखेप्स्वाहोड् उचुन निंद्वाबे ड्रूयुक्स्वा न्हाड् ड्रूखारलामाड् न्जोड्मे ॥
 न्हाड् इखिङ्ग तुखि आन्दारा होड्चा केड्माना बेलाबे प्याक उसा
 ड्गेक्स्वा ॥”

कुण्ठिगा ताप्चेऱ्या

(मारकुस ४:२१-२५)

१६“इसाडा चा कुण्ठि हान्द्वाहोड् पाथिंडा म्फोप्त्वान, खाट होड्बे
 चा य्युक्स्वान, ड्रूखारनिंद्गो पाहोड्बे ताखुबाचि ओम ओतुचिनि भोड्

चान्चान्ना ठोड्बे युक्स्वा ॥

१७ड्रूखारलामाड् चुमाहोड्

युक्साहा चेऱ्या घाक

होम्भोड्मे न्हाड्

आमामेयामाहा चेऱ्या घाक

आमायामाहा लेड्मे, न्हाडा

घाकडा डुडास्वा ॥

१८न्हाडामाड् निंद्दा


थाड्थाड् वायानि, निंद्दा

खेप्सुम्घा चेऱ्याबे उचुन

निंद्वा पियानुम,

हान्दाना कुण्ठि (८:१८)

इजाड्बाड्निंद् इसानुड् वान्ने, न्ना हाकुचा पिम्मे, ड्रूखारनिंद्गो
 इसानुड् मान, न्नाडा कानुड् वेऱ्हा मितुहा चेऱ्या चा न्नाभाड्
 नाप्निमे ॥”



येसुगा उमा नुङ्ग उनुन्छाचि

(मातिं १२:४६-५०; मारकुस ३:३१-३५)

१६न्हाडा येसु तुप्से उमा नुङ्ग उनुन्छाचि न्नाबे न्दाया ॥ ड्रूखारनिङ्गो प्याक यारमिचि ड्रूवायानाडा उयुम्बे खेऱ्मा ड्रूयासानिन ॥ २०एको यारमिडा येसु खाऱ्ला लु, “म्मा नुङ्ग नुन्छाचिडा न्दा नुङ्ग तुप्पाभोड् बाइरा ड्रूगुसानेसागाना ॥”

२१ड्रूखारनिङ्गो येसुडा ड्रूखाचि लुचि, “निङ्गाफुमागा चेऱ्या ड्रूखेप्स्वाहोड् ड्रूखार्ला चोकखुबाचिमाड् आमा नुङ्ग आनुन्छाचि ओम ॥”

येसुडा कुहिक लामेतुना

(मातिं ८:२३-२७; मारकुस ४:३५-४१)

२२इलेन येसुडा उका चेलाचि खाऱ्ला लुचि, “कानिङ्ग ना ताल्गा योना उलाप्पे खेइ ॥” न्हाडा उड्चि होड्गार्वाबे न्थाडाहोड् ड्रूख्या ॥



येसु नुङ्ग चेलाचि (८:२४)

२३होड्गार्वाबे न्थाडाहोड् ड्रूखेमास्यानिङ्ग येसु इप्साख्या ॥ ड्रूखिङ्गेला थाप्थुम्बे माडा कुहिक वासिक तामा तारोकतु ॥ होड्गार्वाबे माड्च्वा थोम्साड् ख्या, न्हाडा उड्चि तुक्नुङ्ग आप्ठेरोबे ड्रूदाया ॥ २४न्हाडा उका चेलाचिडा उयुम्बे न्दायाहोड् खाऱ्ला लुसाड् म्बोगु, “चिन्खुबा, चिन्खुबा, कानिङ्ग लुप्सिखेइहेकिसडाहा ॥”

खा चेऱ्या खेप्सुहोड् येसु पोगा न्हाडा कुहिक नुङ्ग छाल थिन्दुचि, ड्रूखिङ्गेलाकमाड् कुहिक लासाख्या न्हाड् छाल चा स्वाक वायाब्या ॥

२५उडा ड्रूखाचि लुचि, “निङ्गा बिस्वास हेत्नाइ?”

डऱ्खाचि घाक म्माकसाब्याहोड् किसिसाड् उड्चि उड्चि खाऱला
कामा न्दारोकतु, “ना इसा ओम? उडा थिन्द्वाचिहोड् कुहिक वासिक
नुड् छालडा चा ओचेऱ्या य्येन्वाहा!”

इसिना मुइडा याकसुना याश्मि नुयाना

(मात्ति ८:२८-३४, मारकुस ५:१-२०)

२६येसु नुड् उका चेलाचि गालिल तालगा योप्पारिक गेरासेनास
बाड्ना ठोड्-बे न्दासु॥ २७न्हाडा येसु होड्गाऱ्वाभाड् पाखाबे
लोन्दानिड् एको इसिना मुइडा याकसुना याश्मि उड् तुप्से ताया॥ न्ना
याश्मिडा प्याक ओन्दाड् न्हाड्तो तेक डऱ्वान, न्हाड् उड् पाड्-बे मेवाले
सियापाड्खाबे वायाघोन्दा॥ २८न्नाडा येसु निसुहोड् तुकनुड् ओकता



न्हाडा येसुगा ओन्दाड् फोप
फोप्ताहोड् ओकसेम्लाडा खाऱला
लु, “ओ घाक हाकिनड् तो
वालोकपे वाखुबा निड्वाफुमागा
उच्या येसु, कानुड् ड्गा इहा चा
साम्बान्धा मान्हा, न्दा सेमेऱमेनेन,
का तुखि म्ब्याड्गान॥”

२९इजाड्बाड्निड् येसुडा इसिना
मुइ न्ना याश्मिभाड् लोड्खेऱमाना
आगे पिकसा॥ न्ना प्याक चोटि
इसिना मुइडा लाबुकसा॥

साड्लिडा उलाड् उमुक

न्थुन्दुहोड् ड्युकसुनिड् चा इसिना मुइगा साकितडा साड्लि
पुरेहेतुचिहोड् इसाचा मेरनिड्ना सुन्नेना ठोड्-बे खेतु॥

३०येसुडा उड् छिम्दु, “न्निड् इना ओम?”

उडा लु, “आनिड् फाउज ओम॥” इजाड्बाड्निड् न्ना याश्मिबे प्याक
मुइचि डुङ्यामासा॥

३१डऱ्खा इसिन्हा मुइचिडा येसु सेमेसाड् खाऱला न्लु, “कानिड्
लोम्मामाड् मेयामाना घाइरोना होत्लुम्बे म्बाकसाहाकसान॥” ३२न्ना

कोड्गुगा पाखाबे प्याक फाकिच चारान्जोकमास्या ॥ ड्रखा इसिरहा
मुइचिडा येसु सेमेसाड् कानिड् ड्रखा फाकिचबे उमा प्याभोड् न्लु,
न्हाडा येसुडा लुचि, “र्ख्यानि” ॥ ३३ ड्रखा इसिरहा मुइचि न्ना
यात्रमिभाड् न्लोन्दाहोड् फाकिचबे ड्रदुया ॥ ड्रखिड्-बेलाक ड्रखा
फाकिच उडमालाड्ना पाखाभाड् मो लुकसाड् ड्रख्याहोड् तालबे
न्लुप्सास्या ॥

३४ खा घाक न्निसुहोड् फाक कोप्खुबाचि लुकसाड् ड्रख्याहोड्
साहारबे न्हाड् योखेहा तेन्चिबे खा सालेन य्योकमेतुचि ॥ ३५ न्हाडा
प्याक यात्रमिचि इहा लेकसाहा ओम भोड् सोसे येसुगाबे न्दाया,
ड्रखिड्-बेला उड्चिडा ओन्दाड् इसिरहा मुइचिडा तुखि म्बिना यात्रमि
लोप उचुन नुयाहोड् तेक वाहोड् येसुगा उलाड्युम्बे युडामासाना
न्निसु ॥ खा न्निसुहोड् ड्रखाचि घाक ड्रगिसिता ॥ ३६ न्हाडा न्ना यात्रमि
नुयाना निखुबाचिडा इमिन नुयानाभोड् ड्रखाचि घाक चेऱ्या
य्योकमेतुचि ॥ ३७ गेरासेनास उयुम्बेरहा घाक तेन्बेरहा यात्रमिचिडा येसु
सेमेसाड् नाभाड् खेब्याभोड् न्लु, इजाड्बाड्निड् ड्रखाचि तुकनुड्
ड्रगिसितामा सा ॥ न्हाडामाड् येसु लामागा होड्गारवाबे थाडा ॥
३८ ड्रखिड्-बेला न्ना नुयाना यात्रमिडा येसु सेमेसाड् ‘का चा न्दानुड्
खेऱ्मा तोकतुड्नि’ भोड् लुर्मा तारोकतु ॥

ड्रखाड्निड्गो येसुडा उड् खारला लुहोड् उपाड्बे पाकसु, ३९ “न्दा
म्बाड्-बे लासार्ख्या, न्हाड् निड्वाफुमाडा ड्गा लागि इखिड् माडा काम
चोगुहा, ड्रखा घाक चेऱ्या हेककोहा यात्रमिचि खेम्मेतुचि ॥” न्हाडा उड्
र्ख्या न्हाड् येसुडा उका लागि इ चोगुहा ड्रखा कामगा उतुम्बे
साहारभोरि खेम्मेसाड् लामा ॥

याइरासका उच्या नुड् तुखामाड्

(मात्ति ६:१८-२६; मारकुस ४:२१-४३)

४० येसु ताल्गा खेप्पारिक तायाब्यानिड् प्याक यात्रमिचिडा उड्
स्वागात न्जोगु, इजाड्बाड्निड् ड्रखाचि घाकडा उड् डगुसुकसा ॥
४१ ड्रखिड्-बेला याहुदि छुम्पाड्गा एको हाड्गुम्बा याइरास बाड्ना
यात्रमि नाबे ताया ॥ उडा येसुगा उलाड्बे सेमेसाड्, आपाड्बे

आबाभोड् लु, ४२ इजाड्बाड्निड् उका एको सेऱना उच्यामामु सेहेकसासा, उड् एहिच फिम्बिलिड्गा सा ॥ येसु खेऱमास्यानिड् प्याक यारमिचिडा उड् न्जोमास्या ॥

४३ न्नाबे एको एहि फिम्बिलिड् ओन्दाड् न्हाड्तो हेलि लोन्खुबा तुखामाड् चा वाया ॥ उड् इसाडा चा नुमेऱमा य्यासुकसानिन ॥ ४४ न्ना मामु येसुगा हेकसाड्भाड् तायाहोड् उका तेकका उलाप तोक्ति, न्हाडा तोक्तिहोड् सोलोक उका हेलि लोन्मा लेप्ति ॥

४५ न्हाड् येसुडा छिम्दुचि, “का इसाडा तोक्तियाड्ना?”

ड्खाऱनिड्गो घाकडा ड्गाया, “कागो न्दोक्तिनुड्नेन्ना ॥”

न्हाडा पात्तुरुसडा लु, “चिन्खुबा, न्दा प्याक यारमिचिडा म्बुसामागाहोड् न्जोमासिम्मेकाना ॥”

४६ ड्खाऱनिड्गो येसुडा लुचि, “मेन्ना, का तोक्तियाड्ना ओम, इजाड्बाड्निड् काभाड् साक्ति लोन्दारव्याहा का था तोक्तुड्हा ॥”

४७ न्ना मामुडा चा हाकु का चुम्दिर्मा ड्यामेडान्ना बाड्ना था तोक्तुहोड् किसिर्माडा योड्साड् ताया, न्हाड् येसुगा उलाड्बे फोप फोप्ता ॥ न्हाडा उडा येसु इजाड् तोक्तिना, न्हाड् तोक्तिहोड् सोलोक इमिन नुयाना, खा चेऱ्या घाक यारमिचिगा युम्बे योक्मेतु ॥ ४८ येसुडा न्ना मामु खाऱला लु, “आच्या मामु, ड्गा बिस्वासडा न्दा नुमेतामागा, हाकु उचुनुड् रुव्या ॥”

४९ येसुडा खाऱला कामास्यानिड् याइरासका पाड्भाड् एको यारमि तायाहोड् याइरास खाऱला लु, “ड्गा न्ज्या मामु गो सेब्याना, हाकु चिन्खुबा तुखि म्बिन ॥”

५० ड्खाऱनिड्गो येसुडा खा चेऱ्या खेप्सुहोड् याइरास लु, “ड्गिसितान, बिस्वास से चोगु, न्ज्या मामु हिड्मेना ॥” ५१ येसु याइरासका पाड्बे तासुहोड्, उडा पात्तुरुस, याकुब, युहान्ना नुड् मामुगा उण्पा उमा से पाहोड्बे उड्नुड् खेऱमा पिचि ॥ ५२ न्नाबे न्घुप्साहा घाक यारमिचि इब्बेबे निड्वातुक्मेसाड् ड्हाप्मास्या, ड्खाऱनिड्गो येसुडा लुचि, “ड्हाबानिन, उड् न्स्यामान्ना, इप्सामाना से ओम ॥” ५३ खा चेऱ्या ड्खेप्सुहोड् ड्खाचिडा येसु ड्युतुचो, इजाड्बाड्निड् ड्खाचि घाकडा न्ना मामु सेब्यानाभोड् था वाया ॥ ५४ ड्खाऱनिड्गो उडा

न्ना मामु उमुक्पे लाबुहोड् खारला लु, “नानि, पोगा ॥” ५५ ड्रिंखिड्बेलाक माड् उका ओसोक्मा लासाराया, न्हाडा सोलोक पोगा ॥ न्हाड् येसुडा मामुगा उप्पा उमा, ‘ना मामु मित्याड् चामेड्बा पियानुम’ भोड् लुचि ॥ ५६ मामुगा उमा उप्पा माक्साब्याचि, ड्रिंखारनिड्गो येसुडा उड्चि खा चेत्या इसाचा योक्मेतान्चुन्चिन भोड् आगे पिचि ॥

येसुडा एहि चेलाचि पाक्सुचिहा

(मात्ति १०:५-१५; मारकुस ६:७-१३)

६ येसुडा एहि चेलाचि काचि, न्हाड् ड्रिंखाचि घाक इसिरहामुइचि लोम्माहा न्हाडा तुखाबाड्चि नुमेऱ्माहा साक्षित नुड् चोक्तोक पिचि ॥ २ न्हाडा उडा ड्रिंखाचि निड्वाफुमागा राज्यागा उतुम्बे खेम्मेसे नुड् तुखाबाड्चि नुमेसे पाक्सुचि ॥ ३ पाक्सुचिनिड् उडा ड्रिंखाचि खारला लुचि, “निड्दा खेइगानिड् इह्या चा ड्रिंखेतानुम्निन ॥ डाड्गाक, खेसुप, चामेड्बा, याड् न्हाड् लेक्माहा तेक चा ड्रिंखुयानुम्निन ॥ ४ निड्दा हेऱ्ना पाड्बे स्वागात चोगिऱ्वागा, न्ना साहार मेनाऱ्नाले सोम्मा न्ना पाड् बेऱ्माड् वायानि ॥ ५ हेऱ्नाबे निड्दा स्वागात न्जोगिऱ्वान, न्ना साहारभाड् लोन्दिस्खेइवागानिड् ड्रिंखाचिगा बिरुद्दाबे गाबाहिंगा लागि निड्लाड्बेऱ्हा धुलो आप्साब्याआनुम्चिम ॥” ६ न्हाडा चेलाचि नुसाला खेम्मेसाड्, घाक ठोड्बे तुखाबाड्चि नुमेसाड् तेन तेन्बे ड्रिंख्या ॥

हेरोद तोप्सास्याना

(मात्ति १४:१-१२; मारकुस ६:१४-२६)

७ येसुडा चोगुहा खा घाक कामगा उतुम्बे खेप्सुहोड् गालिलगा तायेनराड्बा हेरोद एन्टिपास तोप्सास्या, इजाड्बाड्निड् इसिड्डा “बाप्तिस्मा पिखुबा युहान्ना स्यानाभाड् हिड्गिलिक लेक्साक्यामाना” भोड् ड्रिंखाया ॥ ८ इसिड्डा च्छेन, “उइलेना एलिया बाड्ना निड्वाफुमाभाड् चेक्खुबा यातमि हिड्गिलिक लेक्साक्यामाना” भोड् ड्रिंखाया ॥ न्हाड् इसिड्डा च्छेन “उइलेहा निड्वाफुमाभाड् चेक्खुबाचि माध्येबे एको स्यनाभाड् हिड्गिलिक लेक्साक्यामाना” भोड् ड्रिंखाया ॥ ९ ड्रिंखारनिड्गो तायेनराड्बा हेरोदडा च्छेन खारला काया, “युहान्नागा उतुक्खुरुक्को

का माड् खोकमेतुडचिडाहा ओम, डखारनिड्गो ना इसा ओम, न्नागा उतुम्बे का खारलाहा चेऱ्या खेम्मासिम्मेड्ना?” न्हाडा उड् येसुनुड् तुप्मा मिता ॥

येसुडा फा माहोम्बोक यारमिचि चामेतुचिहा

(मात्ति १४:१३-२१; मारकुस ६:३०-४४; युहान्ना ६:१-१४)


१० येसुडा पाकसुचिहा एहि सेगुम्पाक्चि न्लासारायाहोड् उडचिडा न्जोगुहा घाक कामगा उतुम्बे उड् य्योकमेतु ॥ न्हाडा इसा चा था मेम्बिरले उडा चेलाचि से खेतुचिहोड् बेथ्सेदा बाड्ना साहारपोटि ख्या ॥ ११ डखारनिड्गो खा चेऱ्या था न्दोकतुहोड् प्याक यारमिचि उका हेकसाड् हेकसाड् लान्जोगा ॥ येसुडा डखाचि आप्मा पिचि, न्हाड् निड्वाफुमागा राज्यागा उतुम्बे खेम्मेतुचि न्हाडा तुखाबाडचि नुमेतुचि ॥

१२ नाम आहेकसासानिड् डखा एहि चेलाचि न्दायाहोड् येसु खारला न्लु, “हाड्बा खा यारमिचि पाकसाहाकसुचि, योखेहा तेन्चिबे डखेहोड् उडचि चामाउड्मा, वामाना तारतुम्बि न्दोकसुनि ॥ इजाड्बाड्निड् न्ना गो इहा चा मेऱनिड्ना सुन्नेना ठोड् ओम ॥”

१३ डखारनिड्गो हाड्बा येसुडा लुचि, “खाचि न्निड्दामाड् चामेड्बा पियानुम्चिम ॥”

डखाचिडा खारलाना पोलोवा म्बि, “हाड्बा कानिड् नुड् गो फा ओटा चालेप्पा नुड् हिच्चि नासाचि से ड्वान्ने, इना कानिड् खिडाहा यारमिचिगा लागि चामेड्बा इन्दारारमाहाइ?” १४ न्नाबे वेम्फा यारमिचि से फा माहोम्बोक हिड् ड्वाया ॥

येसुडा चेलाचि लुचि, “खा यारमिचि फाखेड्, फाखेड्



हिड्गा छुम चोगानुम्चिम्घोड् युडमेतानुम्चिम ॥” १५ न्हाडा

उडचिडा डखारलामाड् घाक यारमिचि ड्युडमेतुचि ॥ १६ न्हाडा येसुडा फा ओटा चालेप्पा नुड् हिच्चि नासा याडुचिहोड् वालोक पोटि सोसाड् निड्वाफुमानुड्

हिच्चि नासा नुड् फा चालेप्पा
(६:१४)

आसिक नाकतु, न्हाडा उडा चालेप्पा नुङ् नासा एगानुम्चिम्घोङ् यारमिचि हाप्साब्यानुम्चिम भोङ् चेलाचि पिचि॥ १७उङ्गचि घाकडा खानुङ् न्जोहोङ्गचा, चेलाचिडा डौन्दाहा टुकरा न्छुप्सुनिङ् एहि डालो लेकसामासा॥

मुक्ति पिखुबा हाङ् खिरिस्ट

(मात्ति १६:१३-२३; मारकुस ८:२७-३३)

१८इलेन येसु ओतोखुमाक पारथाना चोकमास्यानिङ् ओचेलाचि चा न्नाबे न्दाया॥ उडा ड्रखाचि छिम्दुचि, “यारमिचिडा का इसा ओम भोङ् लुम्मेहा?”

१९ड्रखाचिडा न्लु, “इखिङ्डा बाप्तिस्मा पिखुबा युहान्ना न्लुम्मेका, इखिङ्डा निङ्वाफुमाभाङ् चेकखुबा एलिया, न्हाङ् हेकोहाचिडा च्हेन, उइलेहा निङ्वाफुमाभाङ् चेकखुबाचि माध्येबे एको स्यानाभाङ् हिडाक्यामाना भोङ् न्लुम्मेकाना॥”

२०येसुडा ड्रखाचि छिम्दुचि, “ड्रखारनिङ्गो न्निङ्दा च्हेन का इसा ओम लुम्मेकाहा?”

पात्रुसडा खारलाना पोलोवा पि, “न्दा निङ्वाफुमाडा सेगागाना मुक्ति पिखुबा हाङ् खिरिस्टगान!”

२१येसुडा ड्रखाचि खा चेऱ्या इसाचा लुऱ्माइ न्लुयानुम्चिम्निन भोङ् आगे पिचि॥ २२न्हाडा उडा लुचि, “यारमिगा उच्याडा प्याक तुखि आङ्मा पोराचोङ्मे॥ याहुदि हाङ्गुम्बा, खाङ्खाङ् हाङ्खुबा नुङ् धारमासाप्ला चिन्खुबाचिडा ड्रिसित्वा न्हाङ् न्सिस्वा, ड्रखारनिङ्गो सुळेन हेकसाङ् स्यानाभाङ् हिङ्मेहोङ् पोङ्मे॥

येसुगा जेप्पागा चेला

(मात्ति १६:२४-२८; मारकुस ८:३४-६:?)

२३न्हाडा येसुडा घाक यारमिचि लुचि, “इसा आका चेला लेड्मा मिम्मे, न्नाडा उका हिङ्लुङ् उलुङ्मा न्दुक्तुन्नि, न्हाडा लेन्लेन उका कुरुस खुहोङ् आका हेकसाङ् ला चोकिन॥ २४इजाङ्बाङ्निङ् इसाडा उका हिङ्लुङ् हिङ्मेन्मा योगवा न्नाडा मासित्वा, ड्रखारनिङ्गो इसाडा

उका हिड्लुड् आका लागि पिवा, न्नाडा उका हिड्लुड् हिड्मेत्वा ॥ २५ इजाड्बाड्निड् यारमिडा कायुड्लेन बेरहा घाकथोक तोकतुहोड् चा उका आत्मा नास चोगवानाभोड् इहा फाइदा लेक्साहा? २६ इसा का नुड् का चिन्नेनिन्हा चेऱ्या भाड् न्डोन्सिमे, न्ना नुड् का यारमिगा उच्या चा आका, निड्वाफुमा पागा नुड् पाबित्तारा वालोकदुतचिगा माहिमाबे तामेड्निड् डोन्सिमेड् ॥ २७ ड्र्खारनिड्गो जेप्पा का निड्दा लुम्मेनेनिन, न्हे डयेबाहा माध्येबे इग्विड् च्हेन निड्वाफुमागा राज्या मेनिले सोम्मा न्सिमेनिन्हा ॥”

येसुगा उनाचिक हेकोना लेक्साना

(मात्ति १७:१-८; मारकुस ६:२-८)

२८ खा चेऱ्या लुचिहा ता लेन हेक्साड् पात्तुरुस युहान्ना नुड् याकुब खेतुचिहोड् येसु पारथाना चोक्से कोड्गुबे थाडा ॥ २९ उड् पारथाना चोक्मास्यानिड् उका उनाचिक हेकोना लेक्सा न्हाड् उका तेक्चिच चा बिजुलि चाम्काचोगाना लोर्वा छेरेरेड् लेक्साराया ॥ ३० न्हाडा थाप्थुम्बे हिप्पाड् यारमिचि मोसा नुड् एलिया माहिमित रुप्पे ओताचिहोड्, ३१ उड्चि येसु सिहेक्सानागा उतुम्बे साला न्लेम्मास्या ॥ खा घाक चेऱ्या येसुडा यारुसालेम्बे पुराचोक्माहा साया ॥



मोसा, एलिया नुड् येसु (६:३१)

३२ पात्तुरुस नुड् उकाम्निभाक्चिच
ड्डिप्साख्यामासा ॥ उड्चि
युप्माभाड् न्जेन्दाक्यानिड् येसुगा
माहिमा न्हाडा उड्नुड् येबाचिहा
हिप्पाड् यारमिचि न्सिसुचि ॥
३३ ड्र्खा हिप्पाड् यारमिचि
येसुभाड् फोक्साखेक्सासाचिनिड्
पात्तुरुसडा येसु लु, “चिन्खुबा,
कानिड् न्हे वामा उचुन लेड्मेहा ॥
कानिड् सुम्चि वामाहा ठोड्
चोगुम्चिम, एको ड्गा लागि,
एको मोसागा लागि न्हाड् एको

चहेन एलियागा लागि ॥” [ड़खारनिड्गो उडा का इहा चेकमासिमेड्ना भोड् थामाड् म्मायान ॥]

३४ पात्तुरुसडा खा चेऱ्या चेकमास्यानुड् खिम्फुरुम्मा तायाहोड् उड्चि एप्तेहेतुचि, न्हाडा चेलाचि तुकनुड् डगिसिता ॥ ३५ न्हाडा खिम्फुरुम्माहोड्भाड् खार्ला चेकताना सेम्ला खेप्सा, “ना का सेगुड्ना आच्या ओम ॥ निड्दा नागा चेऱ्या खेप्सानुम ॥” ३६ चेकताब्याहोड् चेलाचिडा न्नाबे येसु से न्निसु ॥ डखिड्बेला उड्चिडा न्निसुहा चेऱ्या इसा चा ड्योकमेतुन्चिनिन ॥

येसुडा इसिर्ना मुइ याकसुना बाबु नुमेतुना

(माति १७:१४-१८; मारकुस ६:१४-२७)

३७ वान्दिकना लेन येसु सुम्भाड् चेलाचिनुड् चोम्कोड्भाड् मो उक्सा न्हाडा प्याक याश्मिचि उड् तुप्से न्दाया ॥ ३८ डखा प्याक याश्मिचि लुम्भाड् एको याश्मि खार्ला कासाड् ओकता, “चिन्खुबा, आका आच्याबाबु सोताब्याड्गानिभोड् का सेमेमेनेन्ना, ना एको सेना आच्या ओम ॥ ३९ उड् एको इसिर्ना मुइडा घारि घारि लाब्वा, डखिड्बेला उड् थाप्थुम्बे ओड्मे न्हाडा इसिर्ना मुइडा काकराककुकरुक चोग्वा ॥ उयाभाड् ओखोकमा लोन्साड् काड्गुलिड् वाड्गुलिड् चोड्मे न्हाडा हूवा मेलेड्ले सोम्मा उड् नारनामाइ न्नारवान ॥ ४० का ड्गा चेलाचि इसिर्ना मुइ लोन्धाकताब्यानुम लुड्चिड्, डखारनिड्गो डखाचिडा य्यासुनिन ॥”

४१ न्हाडा येसुडा खार्ला लुचि, “इमिन्हा बिस्वास मेणिड्हा नुड्, इसिर्हा निड्वा वाखुबा याश्मिचि, का हेशनिड् सोम्मा न्निड्दानुड् वाडा, न्हाड् का हेशनिड् सोम्मा न्निड्दा साहाचोकनेनिन? न्ज्या न्हे आप्तु ॥” ४२ न्ना बाबु आश्मास्यानुड् इसिर्नामुइडा हुच्रेप चेप्तु, न्हाड् पेन्दारव्या ॥ डखारनिड्गो येसुडा न्ना इसिर्नामुइ थिन्दु, न्हाडा न्ना बाबु नुमेतुहोड् उप्पा पिहाकसु ॥ ४३ निड्वाफुमागा खिड् माडा साक्ति न्निसुहोड् घाक म्माकसाब्या ॥

येसुडा चेलाचि का इमिन सिम्मेहा भोड् फेरि लुचिहा

(माति १७:२२-२३; मारकुस ६:३०-३२)

घाक यात्रमिचि येसुडा चोगुहा काम न्निसुहोड् म्माकसाब्यामासानिड् उडा ओचेलाचि खाऱला लुचि, ४४“का इ लुन्हेड्नेनिन खा चेया म्मुन्दियानुम्निन, इजाड्बाड्निड् यात्रमिगा उच्या लाम्मेहोड् यात्रमिचिगा मुक्पे पिम्मे” ४५ ड्खावानिड्गो चेलाचिडा खा चेया ड्डासुनिन ॥ इजाड्बाड्निड् ड्खा चेया उड्चिभाड् चुमियामासा ॥ न्हाडा ड्खाचि उड्नुड् न्नागा उतुम्बे छिम्मा चा ड्गिसिता ॥

घाक हाकिनड् माडा इसा?

(माति १८:१-५; मारकुस ६:३३-४०)

४६ ड्खिड्बेला चेलाचिबे घाक हाकिनड् माडा इसा ओम भोड् सालापुला लेकसा ॥ ४७ ड्खावानिड्गो येसुडा ड्खाचिगा निड्वाबेत्तहा चेया था तोक्तुहोड् एको पिछा ता न्हाड् उयुम्बे युक्सु, ४८ न्हाडा ड्खाचि लुचि, “इसाडा आनिड्बे ना पिछा स्वागात चोग्वा, न्नाडा का स्वागात चोड्मेड्, न्हाड् इसाडा का स्वागात चोड्मेड् न्नाडा का पाड्खुबा स्वागात चोग्वा ॥ न्निड्दा माध्येबे इसा घाक हाकिनड् मिना, न्नामाड् घाक हाकिनड् माडा लेड्मेना ॥”

४९ युहान्नाडा येसु लु, “चिन्खुबा, कानिड् एको यात्रमि ड्गा निड्बे इसित्तहा मुझचि लोन्मास्याना निसुम्डा, न्हाड् कानिड् उड् ड्खाऱला चोकमा म्बिम्डान, इजाड्बाड्निड् उड् कानिड् नुड् लाम्खुबा यात्रमि म्मेतासान ॥” ५० ड्खावानिड्गो येसुडा ड्खाचि खाऱला लुचि, “उड् खाऱला न्जोगान न्लुयानुम्निन, इजाड्बाड्निड् इसाडा न्निड्गा बिरोध न्जोग्वान न्ना न्निड्गा पोटिक्नामाड् ओम ॥”

सामारिबेत्तहा यात्रमिचिडा येसु स्वागात न्जोगुनिन्ना

५१ येसुगा वालोक्पे खेऱमाना बेला लेकसेहेकसानाडा उड् यारुसालेम्बे खेऱमा मिता ॥ ५२ न्हाडा उड् खेऱमाहाकिनड् ओन्दाड् सालेन खेखुबा यात्रमिचि पाकसुचि ॥ ड्खाचि खेऱमाहोड् येसुगा लागि घाक तारतुम्बि

तोड्मागा सामारिया लिड्खाम्गा एको तेन्बे डुऱ्या ॥ ४३ ड्रखारनिड्गो सामारि यारमिचिडा येसु यारुसालेम खेरमासिम्मेना बाड्ना था न्दोकतुहोड् उड् न्नाबे तामा म्बिनिन ॥ ४४ खा न्निसुहोड् उका चेलाचि याकुब नुड् युहान्नाडा येसु खारला लुयाचु, “हाड्बा, वालोकपाहाड् कान्चिड् मि आरनेन्चुड्होड् ड्रखाचि छुबुक न्लेड्नि बाड्ना न्दा मिम्मेकाना?”

४५ ड्रखारनिड्गो येसु खिरिक हिकसाहोड् ड्रखाचि थिन्दुचि ॥ ४६ न्हाडा येसु नुड् उका चेलाचि हेककोना तेन्बे ड्रव्या ॥

येसुगा चेलाडा छिकमाहा ओमेन

(मात्ति ८:१६-२२)

४७ येसु नुड् उका चेलाचि लाम्बुबे ड्रखेरमास्यानिड्, एको यारमि तायाहोड् येसु खारला लु, “हाड्बा, न्दा हेने खेम्मेका का चा ड्गा हेकसाड् हेकसाड् लाम्मेड्ना ॥”

४८ उडा न्ना खारलाना पोलोवा पि, “स्यालचिगा युड्माहा लुड्ढाड् ड्रवान्ने, न्वाकुच्याकिचिगा ओहोप ड्रवान्ने, ड्रखारनिड्गो का यारमिगा उच्यागा लागि गो टुखुरुक युड्माना ठोड् चा मान ॥”

४९ येसुडा हेककोना यारमि लु, “आहेकसाड् बे लामा ॥”

ड्रखारनिड्गो न्नाडा काया, “चिन्खुबा, ओन्दाड् आप्पागा लास हुम्मा प्याड् ॥”

५० येसुडा न्ना यारमि खारला लु, “मुरदाचि मुरदाचिडामाड् ड्रहम्दुचिनि ॥ ड्रखारनिड्गो न्दा च्हेन ख्याघोड् निड्वाफुमागा राज्यागा नुसाला खेम्मेतुचि ॥”

५१ हेककोना एको यारमिडा चा येसु खारला लु, “हाड्बा, का ड्गा हेकसाड् लाम्मेड्, ड्रखारनिड्गो ओन्दाड् आपाड् बेरहाचिनुड् बिदा नाकमा प्याड् ॥”

५२ येसुडा न्ना खारला लु, “इसाडा उमुक आन्नाउबे युक्स्वाहोड् हेकसालाड् पोटि स्वा, न्ना यारमि निड्वाफुमागा राज्यागा लागि काम लान्जोड् मेन्ना ॥”

येसुडा लाखेडूचेला पाकसुचिहा

१० न्हाडा हाड्बा येसुडा हेकोहा लाखेडू* चेलाचि सेगुचिहोडू उडू खेहेकसासाना तेन नुडू साहारचिबे उडू खेऱमाहाकिनडू ओन्दाडू हिप्पाडू हिप्पाडू चोगुचिहोडू पाकसुचि॥ २उडा डूखाचि खाऱला लुचि, “तुमाहा चाचिर्या खोम्माहा गो प्याक वान्ने, डूखाऱनिडूगो खोम्खुबा याऱमि मिसे डूवान्ने॥ न्हाडामाडू न्निडूदा चाचिर्यागा हूवाड्बा प्याक खोम्खुबा याऱमिचि पाड्बिऱनि भोडू पारथाना चोगानि॥ ३हाकु न्निडूदा रुयानि, डूखाऱनिडूगो सोयानुम, का न्निडूदा किबाचिगा लुम्बे सामुडूचि लोरवा पाड्मासिम्मेऱनेनिन॥ ४न्निडूदा याडू, खेसुप, लाडूखोप इह्या चा डूखुयानुम्निन, न्हाडा लाम्बुबे याऱमिचिनुडू प्याक साला न्लेन्दानिन॥

५न्निडूदा हेऱना पाडूबे खेइवागा न्ना पाडूबे उमाहाकिनडू ओन्दाडू “ना पाडूबे हाड्हाडू लेडूनि” भोडू आसिक पियानुम्चिम॥ ६न्ना पाडूबेरहा याऱमिचि हाड्हाडू साप थाकखुबा न्साभोडू डूखाचिडा हाड्हाडू न्दोकत्वा॥ डूखाऱनिडूगो डूखाचि हाड्हाडू साप मेन्थाकखुबा न्सा भोडू डूखा आसिक न्निडूदाबेऱमाडू लान्दारामे॥ ७न्निडूदा हेऱना पाडूबे बास याकमा पिइवागा ज्ञा पाडूबेरमाडू वायानि, हेकोहा पाडूचिबे बास यागाघोन्दानिन, न्हाडा डूखाचिडा इहा चामेड्बा पिइवागा, डूखा चायानुम, इजाड्बाडूनिडू काम चोकखुबाडा उका ओमेन तोकमा थेन्दिसिर्वाहा॥

८डूखाऱलामाडू न्निडूदा साहारचिबे खेइगानिडू चा न्नाबेऱहा याऱमिचिडा स्वागात चोगिगाहोडू पिइघा चामेड्बा चायानुम॥ ९न्ना बेऱहा तुखाबाडूचि नुमेतानुम्चिम, न्हाडू ‘हाकु निडूवाफुमागा राज्या न्निडू युम्बे तायाब्यामाना’ भोडू लुयानुम्चिम॥ १०डूखाऱनिडूगो न्निडूदा खेइगाना साहारबेऱहा याऱमिचिडा स्वागात न्जोगिगान्भोडू न्ना साहारगा चोक चोकपे लोन्दिघोडू खाऱला लुयानुम्चिम, ११‘कानिडू आनिडूगा लाडूबे केप्तुहा न्निडूगा साहारबेऱहा धुलो चा न्निडूगा

* १०:१ लाखेडू इखिडूबे लाहि सेगुचिहा भोडू छेसामा॥

बिरुद्दाबे आप्स्वाआम्डाहा॥ ड्रवारनिंद्गो न्निंद्दा आसानुम
निंद्वाफुमागा राज्या न्निंद्य युम्बे तायाब्यामाना’॥’ १२का न्निंद्दा
लुम्मेनेनिन, निरिक्का लेन्बे न्ना साहारबेऱ्हा यारमिचिगा तुखि सादोम
साहारबेऱ्हा पापि यारमिचिगा हाकिंड्प्याक लेड्मेहा॥

बिस्वास मेन्जोक्खुबा साहारबेऱ्हा यारमिचिगा तुखि

(मात्ति ११:२०-२७; १३:१६-१७)

१३“ओ खोराजिन नुङ्ग बेथसेदा साहारबेऱ्हा यारमिचि, धिक्कार
न्निंद्दा! न्निंद्लुम्बे चोगाहा तोत्तेहा काम दुरोस नुङ्ग सिदोन साहारबे
चोगानिंद्बि न्नाबेऱ्हा यारमिचि प्याक ओन्दाड्माड्भाड्भाड्गा* ड्रवाहोड्ड
छुबुकपे ड्रयुडाहोड्ड उड्चि पापभाड्ड न्लासाबि॥ १४निरिक्का लेन्बे
न्निंद्गा तुखि दुरोस नुङ्ग सिदोन साहारबेऱ्हा यारमिचिगा तुखि
हाकिंड्ड आड्मामेयामाहा लेड्मे॥ १५न्हाडा ओ काफारनाहुम्बेऱ्हा
यारमिचि! न्निंद्दा वालोक तास्वाम्डाना मितिमिघा? न्निंद्दा गो मो
नाराकपे तास्वाम्गाना॥”

१६येसुडा चेलाचि लुचि, “इसाडा न्निंद्गा चेऱ्या खेप्स्वा, न्नाडा
आका चेऱ्या खेप्स्वा॥ इसाडा न्निंद्दा इसितिरवागा, न्नाडा का
इसिम्मेड्ड, न्हाडा इसाडा का इसिम्मेड्ड न्नाडा का पाड्खुबा चा
इसित्वा॥”

लाखेड्ड चेलाचि न्लासाराह्या

१७येसुडा पाकसुचिहा ड्रवा लाखेड्ड चेलाचि न्लासारायाहोड्ड
चोन्सिसाड्ड येसु खारला न्लु, “हाड्बा, ड्गा न्निंद्बे चेकितरवाड्निंद्ड
इसिरहा मुझचि चा आनिंद्गा तायेन्बे न्दाम्मेहा॥”

१८येसुडा ड्रवाचि खारला लुचि, “का साइतान वालोकभाड्ड बिजुलि
लोरवा आनुड्मास्याना निसुड्ड॥ १९खेप्सानुम, का न्निंद्दा पुछाक,
बिच्छि तुसाड्ड लाम्माना साकित नुङ्ग न्निंद्गा सात्तुरचिगा घाक साकित
छोड्बे चोक्तोक पिन्नुड्नेनिन, न्निंद्दा इहाडा चा हानि चोक्मा

* १०:१३ भाड्गा मेन्धोक्का उमुड्गा आगाना याप्ना तेक॥

द्यासिरवागान ॥ २० ड्रखारनिंदगो इसिरहा मुझचि निंदगा तायेन्बे
ड़जोरह्या भोड़ न्जोन्दास्यानिन, ड्रखारनिंदगो निंदगा निंद वालोकपे
छेप्तामाना भोडमाड़ चोन्दास्यानि ॥”

येसुडा निंदवाफुमा नुनिंद्वा पिना

(माति ११:२५-२७; १३:१६-१७)

२१ डंखिङ्डबेलाकमाड़ येसु पाबित्तारा आत्माडा भोरिपुरना लेकसाहोड़ खारला काया, “ओ निंद्वाफुमा आप्पा, वालोक नुड़ ताम्दाड़फुमागा हळवाड़बा, का नुनिंद्वा पिम्मेनेन, इजाड़बाड़निंद खा चेत्या चेन्ना निंद्वा वाखुबा नुड़ प्याक पोढाचोकखुबाचि भाड़ चुमुघोड़ इहाचा मेनिखुबा मिमिहा पिछाचि लोरहा यारमिचि चिन्दुचिगा ॥ निंद्वाफुमा आप्पा न्दा खारला चोकमामाड़ उचुन एतागा ॥”

२२ “आप्पाडा का घाकथोक जिम्मा प्यामाड़ ॥ का उच्या इसा ओम्डान भोड़ निंद्वाफुमा पाडा से चिनाचोडमेड़, ड्रखारलामाड़ निंद्वाफुमा पा इसा ओम भोड़ का उच्या नुड़ का चिनाचोकमेतुडचिडाह यारमिचिडा से चिनान्जोग्वा ॥”

२३ न्हाडा येसु उका चेलाचि पोटिक हिकसाहोड़ ड्रखाचि स्वाक खारला लुचि, “खा घाक चेत्या निमातोकखुबा निंद्दा इखिङ्ड प्याक आसिक तोकखुबा सिगान ॥ २४ इजाड़बाड़निंद का निंद्दा लुम्मेनेनिन, प्याक निंद्वाफुमाभाड़ चेकखुबाचि नुड़ हाड़चिडा निंद्दा निसुम्धा खा चेत्या निमा नुड़ खेम्मा मितुकसा, ड्रखारनिंदगो ड्रखाचिडा न्दोकतुनिन ॥”

उचुन्ना पाड़निवाक

(माति २२:३४-४०)

२५ इलेन एको याहुदि धारमासाप्ला चिन्खुबा येसुगा जाच चोकमागा चेड़ पोगाहोड़ खारलाना छिम्योक छिम्दु, “चिन्खुबा, मेन्सिखुबा हिड्लुड़ तोकमागा का इ चोकडा?”

२६न्हाडा येसुडा खारला लु, “निड्वाफुमाडा याहुदिचि पिचिहा नियाम्बे* मेन्सिखुबा हिड्लुड्गा उतुम्बे इहा छेप्तामाहा? न्दा ड्खागा उतुम्बे इ मिम्मेकाना?”

२७न्नाडा काया, “न्दा ड्गा हाड्बा निड्वाफुमा घाक लुड्माडा, घाक हिड्लुड्डा, घाक निड्वाडा न्हाड् घाक साकितडा लुड्मा तुक्तु, न्हाडा ड्गा पाड्निवाकिच चा न्दा लोऱवामाड् लुड्मा तुक्तुचि ॥”

२८येसुडा लु, “न्दा ठिक पोलोवा पियाड्गाना, हाकु न्दा ड्खारलामाड् चोगा न्हाडा मेन्सिखुबा हिड्लुड् तोक्त्वागाना ॥”

२९ड्खारलाभोड् आका पाड्निवाक इसा ओम्चि?”

३०येसुडा लु, “इलेन एको यारमि यारुसालेम* साहारभाड् यारिहोबे* उड्मास्या ॥ ड्खिड्बेलाक खुसुबाड्चिडा न्दुप्सु, न्हाड् घाक ओतेक न्लेप्ताहाकतुबिहोड् सिमानाहिड्मा लेड्नुड्गा म्मोक्तोओ ॥

३१ड्खिड्बेलाक थाप्थुम्बे एको हाड्खुबा न्ना लाम्बु लेड्साड् खेऱ्मास्या ॥ उडा न्ना सिमानाहिड्मा लेकसाना यारमि निसुहोड् यो यो लामाख्या ॥ ३२ड्खारलामाड् एको लेबि छोड्गा यारमि चा न्ना लाम्बु खेऱ्मास्या ॥ उडा चा न्निसुन्ना लोऱवा चोकसाड् हेकोना लाम्बु इक्तेहेतु ॥

३३ड्खारनिडंगो न्ना लाम्बु लेड्साड् एको सामारि* छोड्गा यारमि चा ताया, उडा न्ना यारमि निसुहोड् उलुड्मा तुक्तुगेतु ॥ ३४न्हाडा न्ना यारमिगा हूवाबे जाइतुनगा किवा नुड् सिस्त्रेमाड्गा उवा* एन्दुबिहोड् तेकडा थुन्दुबि ॥ न्हाडा उका गाधा छोड्बे थाड्मेतुहोड् होटेलबे खेतु ॥

उडा सेऱ्नाम्फोक कुसु ॥ ३५वान्दिकडा न्ना होटेलगा हूवाड्बा हिच्चि युप्पा याड् पिसाड् खारला लु, “ना यारमि उचुन सोताब्याड् ॥ खा

* १०.२६ निड्वाफुमाडा याहुदिचिगा लागि मोसा पिहा ५ ओटा छेप्ताप्चि ॥

* १०.३० इजिरेलगा निड् हिसाना एको साहार ॥

* १०.३० एरुशलेम भाड् २७ किलो मिटार माड्दु फेकसालाड् नाम्लोन बेऱना साहार ॥

* १०:३३ सामारि याहुदि यारमिचिडा ड्डिसितुचिहा यारमिचि ॥

* १०.३४ सिधाकका लागि



सामारिडा सिधाकपाड्धाक
चोड्बिरमा सिम्मेना (१०:३५)

याड्डा ड्रवोतुन भोड्
लात्तनाम्मेड्निडा पिम्मेनेन्हा ॥”

३६खा चेत्या लुइहोड् येसुडा न्ना
यात्तमि छिम्दु, “ड्रवा सुम्भाड्
यात्तमिचिबे खुसुबाड्चिडा
म्मोक्तुना यात्तमिगा पाड्निवाक
इसा लेक्साना लोप्पि?”

३७न्हाडा न्ना यात्तमिडा काया,
“उड् लुड्मा तुकखुबा ॥” न्हाडा
येसुडा लु, “ख्यार, न्दा चा
ड्रवारलामाड् चोगा ॥”

येसु मारथा नुड् मारियामगा पाड्बे

३८येसु नुड् उका चेलाचि ड्रखेत्तमास्यानिड् एको तेन्बे न्दासु ॥ न्नाबे
एको मारथा बाड्ना मामुडा उड्चि उपाड्बे स्वागात चोगुचि ॥ ३९उका
एको उनुच्छा मामु वाया न्नागा उनिड् मारियाम सा ॥ मारियाम हाड्बा
येसुगा उलाड्युम्बे युडाहोड् उडा चिन्दुचिहा चेत्या खेम्मातारोक्तु ॥
४०ड्रवारनिड्गो मारथा च्छेन पाड्बेत्तहा काम चोक्मास्या ॥ घाक काम
उडा से चोक्मा आयानाडा तुकनुड् यागास्या न्हाडा येसुगा उयुम्बे
ख्याहोड् खारला लु, “हाड्बा, पाड्बेत्तहा घाक काम कासे
चोक्मासिम्मेड्, आनुच्छाडा च्छेन इहा चा न्जोग्वान, न्दा न्निस्वागान्ना?
न्ना फातुभोड् लुताब्याड् ॥” ४१हाड्बा येसुडा खारलाना पोलोवा पि,
“मारथा, न्दा प्याक चेत्यागा चिन्ता चोड्मेका, ४२ड्रवारनिड्गो
चाहाचोगाना चेत्या एको सेत्तना, न्ना उचुन्ना चेत्यामाड् मारियामडा
सेगुक्सु ॥ न्ना उचुन्ना चेत्या उड्भाड् न्नामेन्ना ॥”

येसुडा चिन्दुचिहा पारथाना

(मात्ति ६:६-१३; ७:७-११)

११ इलेन हाड्बा येसु एको ठोड्बे पारथाना चोक्मास्या ॥ उडा
पारथाना चोगाब्याहोड् उका एको चेलाडा खारला लु,

“हाड्बा, युहान्नाडा उका चेलाचि पारथाना चोकमा चिन्दुचिहा लोऱवा कानिंड् चा पारथाना चोकमा चिन्दा ॥”

२येसुडा ड्रखाचि लुचि, “न्निंडदा खाऱला पारथाना चोगानि-

ओ निंडवाफुमा आप्पा, डगा निंड पाबित्तारा लेड्नि, डगा राज्या तानि,

३ आनिंडगा लेन लेनगा चामेड्बा कानिंड प्या ॥

४ कानिंड चोगुम्डाहा पाप छेमा चोकताब्या, कानिंड चा आनिंडगा बिरुद्दाबे पाप चोकखुबाचि छेमा चोगुकसुम्चिम्डा ॥ न्हाडा कानिंड आड्मा मेयामाहा जाचपे आमेरमा म्ब्यान ॥”

५ न्हाडा उडा ड्रखाचि लुचि, “मितानि, न्निंडदाबे एकोगा एको काम्निभाक वान्ने ॥ न्दा न्ना काम्निभाककाबे सेतनिलुम्बे खेमेकाहोड्ल्वागा, “ओ, काम्निभाक, का मिर्याड् चामेड्बा लोकमा प्याड् ॥ ६ इजाड्बाड्निंड आपाड्बे एको काम्निभाक माड्दुभाड् तायामा, न्हाडा उड् पिरमाहा चामेड्बा कानुड् इहा चा मान्हा ॥” ७ न्ना डगाम्निभाकडा पाड्होड् भाड् कामे, “का तुखि म्ब्याडान ॥ वालाम्बुड् चा छेक्तिकसुड् न्हाडा आका पिछानाछाचि का नुड् नेथाम न्लाबाब्यामा ॥ का पोड्मेड्होड् न्दा लोप इहा चा पिरमा ह्यामेरनेन्हा ॥” ८ ड्रखाऱनिंडगो का न्निंडदा लुम्मेरनेनिन, “उडा न्दा काम्निभाकका नाताडा इहा चा म्बिरकान लोप्पि, ड्रखाऱनिंडगो नाकतुघा नाकतुघा चोगुकसागाभोड् उड् पोड्मेहोड् न्दा नाकतुघाहिड् पिमेकाहा ॥”

९ “ड्रखोड्माड् का न्निंडदा लुम्मेरनेनिन, नाकतानुम न्हाडा न्निंडदा तोकत्वाम्मा, योगानुम न्हाडा न्निंडदा तुप्स्वाम्मा, वालाम्बुड् द्वाकद्वाक चोगानुम न्हाडा न्निंडगा लागि वालाम्बुड् होमे ॥ १० इजाड्बाड्निंड इसाडा नाकत्वा, न्नाडा तोकत्वा, न्हाडा इसाडा योग्वा, न्नाडा तुप्स्वा, न्हाड् इसाडा वालाम्बुड् द्वाकद्वाक चोग्वा, न्नागा लागि वालाम्बुड् होमे ॥ ११ न्निंडदा माध्येबे हेत्ना पा लोप्पि, उका उच्याडा नासा नाकत्वानिंड पुछाक पिवानाइ? १२ मानुड् वागिन नाकत्वानिंड बिच्छि पिवानाइ? १३ न्निंडदा पापि लेक्सिंगाहोड् चा न्निंडगा च्याचि उचुन्हा थोक पिरमा निस्वाम्निघा भोड्, वालोकपे

वाखुबा न्निड्गा पाडा उड्नुड् नाकखुबाचि इखिड् प्याक पाबित्तारा आत्मा पिवाचिहा ॥”

येसु नुड् बालजिबुल

(मात्ति १२:२२-३०; ४३-४५; मारकुस ३:२०-२७)

१४ इलेन येसुडा एको लेम्सुरुम्बा यारमिभाड् इसिर्ना मुइ लोन्नाहाड्मा स्या ॥ येसुडा न्ना यारमिबे वायाना इसिर्ना मुइ लोन्धाकसुहोड् न्ना यारमि चेकमा तारोकतु, न्हाडा खा न्निसुहोड् घाक यारमिचि म्माकसाब्या ॥ १५ ड्र्खारनिड्गो ड्र्खाचिमाध्येबे इखिड्डा डग्याया, “नाडा गो इसिर्हा मुइचिगा खाड्र्खाड्बा बालजिबुलगा साक्तिडा इसिर्हा मुइ लोन्दवाचिहा ॥”

१६ इखिड्डा च्छेन उका जाच चोकमागा खारला न्लु, “खा काम जेप्पा निड्वाफुमागा साक्तिडा चोगुधा ओम भोड् कानिड् वालोकभाड् एको चिड्गो सोश्मेता ॥”

१७ ड्र्खारनिड्गो येसुडा ड्र्खाचिगा निड्वाबेहा चेऱ्या था तोकतुहोड् खारला लुचि, “हेर्ना राज्या बेरहा यारमिचि म्फोड्मे, ड्र्खिमे न्दुमे न्ना राज्या नास लेड्मे ॥ हेर्ना पाड्बेहा यारमिचि उड्चि उड्चि ड्र्खिमे न्दुमे न्ना पाड् चा नास लेड्मे ॥ १८ ड्र्खारलामाड् साइतानगा राज्याबे चा उड्चि उड्चि म्फोड्मेहोड् ड्र्खिमे न्दुमेहोड् इमिन ड्र्खाचिगा राज्या वान्नुड्मा याम्मेहा? इजाड्र्खाड्निड् निड्दा का इसिर्हा मुइगा खाड्र्खाड्बा बालजिबुलगा साक्तिडा इसिर्हा मुइ लोन्दवाचिहा भोड् लुम्मेका ॥ १९ का बालजिबुलगा साक्तिडा इसिर्हा मुइचि लोन्द्वाड्चिडाहा भोड्, न्निड्गा चेलाचिडा च्छेन इसागा साक्तिडा न्लोन्द्वाच्याहा? ड्र्खचिडामाड् न्निड्दा चोगुम्धा गाल्ति काम सोश्मेतिमिगा ॥ २० ड्र्खारनिड्गो का निड्वाफुमागा साक्तिडा इसिर्हा मुइ लोन्द्वाड्चिडाहा भोड्, निड्वाफुमागा राज्या न्निड्दाबे तायाब्यामाना ॥ २१ एको चातुना यारमिडा प्याक आप्चेड् नुड् उपाड् कुसु भोड् न्नागा इहा चा युबाक थिड्र्खाक म्मान्दिमेन ॥ २२ ड्र्खारनिड्गो उड् हाकिनड् चातुना यारमि चुड्से तायाहोड् हेचोभोड्, उड् हेखा आप्चेड्बे भोर पोराचोगामासा ड्र्खा घाक

नाप्तेहेत्वा, न्हाडा न्नागा युबाक थिंडखाक चा नाप्तेहेत्वाहोड् उकाम्चिनुड् हाप्स्वा॥ २३हेखा यारमिचि आका काम्निभाक मेनिन, ड्खाचि आका सात्तुरचि ओम, न्हाडा इसा कानुड् काम न्जोड्मेन न्नाडा छुप्साहा चा हिसाहाकस्वा॥”

इसिर्ना मुइ लामेना

(मात्ति १२:४३-४५)

२४“यारमिभाड् इसिर्ना मुइ लोड्खेमेहोड् आरामनुड् वामाना फुककोना ठोड् योकसाड् खेम्मे॥ ड्खारनिड्गो ड्खारलाना ठोड् न्दोकत्वान्होड्, ‘एन्छो वायाड्ना पाड्बे लाड्खेमातायाना’ भोड् न्ना लान्दारामे॥ २५न्नाबे तामेरनिड् उडा ओन्दाड् वायाना पाड् फेकताहोड् उचुन्माचेक तोकसाना तुप्स्वा॥ २६खा निस्वाहोड् उडा उड्हाकिन्ड् चा इसिर्हा ला ओटा इसिर्हा मुइ कारावाचि न्हाडा उड्चिघाक न्ना यारमिहोड्बे डुडुमेहोड् न्नाबे ड्खामे॥ न्हाड्तो न्ना यारमिगा तुखि ओन्दाड्हा हाकिन्ड् भान प्याक किसिर्मालुलु लेड्मे॥”

जेप्पागा आसिक तोकखुबा

२७येसुडा खा चेऱ्या चेकमास्यानिड् प्याक यारमि लुम्भाड् एको मामुडा ओकसेम्लाबे खारला काया, “न्दा तोकखुमा नुड् नु उड्मेखुमा मामु इखिड् आसिक तोकखुमा ओम!” २८खा खेप्सुहोड् येसुडा खारलाना पोलोवा पि, “ड्खारला मेन्ना, ड्खारनिड्गो निड्वाफुमागा चेऱ्या ड्खेप्स्वाहोड् ड्खारलामाड् चोकखुबाचि चहेन आसिक तोकखुबा ओम्चि॥”

योनागा चिड्गो

(मात्ति १२:३८-४२)

२९येसुगा ओरिपोरि प्याक यारमिचि छुम्साड् ड्रव्या॥ ड्खिड्बेला येसुडा लुचि, “हेन्सेन्हा यारमिचि इखिड् इसिर्हाचि!* ड्खाचिडा

* ११:२६ दुस्टा

चिंडगो ड्योगवा, ड्रखारनिंडगो ड्रखाचि निंडवाफुमाभाड् चेकखुबा योनागा चिंडगो हाकिनड् हेकोना चिंडगो म्बिमेनिन्हा॥ ३० योना निनाबे साहारबेरहा यात्रमिचिगा लागि इमिन चिंडगो लेकसामासा ड्रखारलामाड् का यात्रमिगा उच्या चा हेन्सेन्हा यात्रमिचिगा लागि चिंडगो लेड्मेड्॥ ३१ निरिकका लेन्बे सेबा बाडना खाम्युकका हाडमा हेन्सेन्हा यात्रमिचिगा बिरुद्धाबे पोड्मेहोड् उड्चि आप्दिक एन्द्रवाचि, इजाड्बाड्निंड् उड् ताम्दाड्फुमागा योना उलाप्पाहाड् हाड् सोलोमान्ना बुद्दिगा चेऱ्या खेम्से तायामासा॥ हाकु सोयानुम, न्हे सोलोमान हाकिनड् चा एको माडा यात्रमि वान्ने, ड्रखारनिंडगो न्निंडदा उका चेऱ्या ड्रखेप्स्वामान॥ ३२ निरिकका लेन्बे निनाबे साहार बेरहा यात्रमिचि ड्र्येम्हेहोड् हेन्सेन्हा यात्रमिचि आप्दिक डुड्हेन्द्रवाचि, इजाड्बाड्निंड योनाडा चोगुहा पारचार ड्रखेप्सुहोड् ड्रखाचि पाप चोकमाभाड् न्लासा॥ ड्रखारनिंडगो सोयानुम, योना हाकिनड् चा एको माडा यात्रमि नाबे वान्नेहोड् चा न्निंडगा न्निंडवा ड्रहिकस्वामान॥

हिंडलुडगा ओमा

(मात्ति ५:१५; ६:२२-२३)

३३ इसाडा चा कुप्पि हान्द्रवाहोड् पाथिडा म्फोप्त्वान न्हाडा न्जुमिर्वान॥ ड्रखारनिंडगो पाहोड्बे उखुबाचि ओम ओतुचिनि भोड् चान्चान्नाबे युक्स्वा॥ ३४ न्निंडगा सालुडगा कुप्पि न्निंडगा मिकिच ओम॥ न्निंडगा म्मिक ठिकहाचि भोड् न्निंडगा घाक सालुड् चा ओम लेड्मे, ड्रखारनिंडगो न्निंडमिक ठिक मेनिन्हाभोड् न्निंडगा घाक सालुड् चा कुइम लेड्मे॥ ३५ न्हाडामाड् थाड्थाड् वायानि, न्निंडदा बेरना ओमा कुइम न्लेड्निन्नि॥ ३६ न्निंडगा घाक सालुड् हेन्ने चा कुइम मान्नाभोड्, कुप्पिगा ओमा न्निंडदाबे चाम्काचोगाना लोरवा न्निंडगा घाक हिंडलुड् चा ओम लेड्मे॥”

येसुडा फारिसिचि नुङ् धारमासाप्ला चिन्खुबाचि चेतावानि पिचिहा

(माति २३:१-३६; मारकुस १२:३८-४०)

३७ येसुडा खा चेत्या लुइचिहोड् एको फारिसि यारमिडा उड् उपाड्-बे चामा चासे का ॥ न्हाडा येसु न्ना फारिसिगा उपाड्-बे रुयाहोड् चामा चासे युडा ॥ ३८ ड्रूखारनिड्-गो येसुडा उमुक मेवासिर्ले चाम्योड्-बा चोहा निसुहोड् न्ना काखुबा फारिसि माकसाब्या ॥ ३९ न्हाडा हाड्-बाडा न्ना फारिसि खारला लु, “न्निड्-दा फारिसिचि न्निड्-गा थाल नुङ् खोरेक ओछोड्-पोटि गो नान्दवाम्चिमा, ड्रूखारनिड्-गो न्निड्-गा निड्-वाबे च्हेन पोहोड् नुङ् इसिरहा चेत्याडा इप्तिमिगा ॥ ४० ओ मुरखा यारमिचि, इसाडा ओछोड्-पोटि बानाचोगु न्नाडामाड् ओहोड् पोटि चा बानाचोगुना मेन्नाइ? ४१ ड्रूखारनिड्-गो न्निड्-गा थाल खोरेक्पे इहा वान्ने ड्रूखा घाकथोक तुखिसुम्बाचि पियानुम्चिम न्हाड् न्निड्-गा लागि घाक चेत्या चोकखो लेड्-मेहा ॥

४२ धिककार! न्निड्-दा फारिसिचि, पाधेना, आरुद नुङ् हेककोहा घाक सिधाक पाड्-धाकका एखेड्-गाए निड्-वाफुमा पिवाम्मा, ड्रूखारनिड्-गो निरिक नुङ् निड्-वाफुमा लुड्-मा तुकमाना चेत्या च्हेन वास्ता न्जोगवामान्न ॥ खा चेत्यागा सोरिसोरि न्निड्-दा निरिक नुङ् लुड्-मा तुकमाहा काम चा चोकमाहा साया ॥

४३ “न्निड्-दा फारिसिचि धिककार! याहुदि छुम्पाड्-चिबे खाड्-खाड्-बाचि युडमाहा युकथाम्चिबे युडमा मितिरवागा, न्हाड्-बाजारबे यारमिचिडा सेमेन्नि भोड् मितिरवागा ॥ ४४ न्निड्-दा धिककार! इजाड्-बाड्-निड् न्निड्-दा चिनामेन्दोकमाहा सियापाड् लोश्वा सिगान ॥ ड्रूखारलाहा मेनिमाहा सियापाड् छोड्-बेको यारमिचि थाइ मेन्जोक्ले न्लाम्मेहा ॥”

४५ एको धारमासाप्ला चिन्खुबाडा येसु खारला लु, “चिन्खुबा खा चेत्या चेकतुगाहोड् न्दा गो आनिड्-गा चा आप्क लेम्नाहाड्-मा सिम्मेका ॥”

४६ येसुडा खारलाना पोलोबा पि, “न्निड्-दा ब्यावास्था चिन्खुबाचि चा धिककार! इजाड्-बाड्-निड् न्निड्-दा खुर्मा मेयामाहा भारि यारमिचि

खुमेत्वाम्चिमा ॥ ड्रखारनिंद्गो न्निंद्दा चहेन भारि पोकमा गो मेन्ना,
एको मुक खेरवाडा चा न्दोक्तिवाम्मान ॥

४७न्निंद्दा धिक्कार! न्निंद्गा पुरखाचिडा न्सिसुचिहा
निंद्वाफुमाभाड् चेकखुबाचिगा उचुन्माचेकहा सियापाड्
चोगवाम्चिमा ॥* ४८खार्ला न्निंद्दा न्निंद्गा पुरखाचिडा खार्लाहा
काम न्जोगुकसुहा भोड् सुइकार चोगवाम्मा ॥ ड्रखाचिडा निंद्वाफुमाभाड्
चेकखुबाचि न्सिसुचि न्हाडा न्निंद्दा चहेन ड्रखाचिगा सियापाड्
चोगवाम्चिमा ॥ ४९न्हाडामाड् घाक चेऱ्या निखुबा निंद्वाफुमाडा
ओन्दाड्माड् कायामासा, का ड्रखाचिगाबे निंद्वाफुमाभाड् चेकखुबा
नुड् सेगुम्पाकिंच पाकस्वाड्चिड् ॥ ड्रखारनिंद्गो ड्रखाचिडा इखिड् तुखि
म्बिवाचि न्हाड् इखिड् न्सिस्वाचि ॥ ५०न्हाडामाड् कायुड्लेन्ना
उथुकपाहाड् खिड्बेला सोम्मा न्सिसुचिहा निंद्वाफुमाभाड्
चेकखुबाचिगा हेलिगा लेखा ना पुस्ताचिडा पिर्मापोराचोड्मे ॥ ५१ओम,
का न्निंद्दा लुमेनेनिन, हाबिल न्सिसुनाहाड्तो निंद्वाफुमापाड् नुड्
थान्ना उलुम्बे न्सिसुना जाकारिया* निंद्वाफुमाभाड् चेकखुबा सोम्मागा
हेलिगा लेखा ना पुस्तागा यारमिचिभाड् लियाचोड्मेहा ॥

५२“न्निंद्दा ब्यावास्था चिन्खुबाचि धिक्कार! इजाड्बाड्निंद्
निंद्दानुड् निंद्वाफुमा चिनाचोकमाना वालाम्बुड्गा साचो वान्ने,
ड्रखारनिंद्गो न्निंद्दा आफाइ चा डुडुइमिगान, न्हाडा हेकोहाचि चा
उमा म्बिकसुम्चिमान ॥”

५३येसु न्नाभाड् लोन्दाख्याहोड्, ब्यावास्था चिन्खुबाचि नुड्
फारिसिचिडा विरोध चोकसाड्, प्याक उतुम्बे छिम्योक छिम्मा
न्दारोक्तु ॥ ५४उडा पोलोवा पिवाचिनिंद् चेऱ्या खोकिसर्वाहोड् लाप्मा
तोड्मेनामभोड् माउका सोर्मा न्दारोक्तु ॥

* ११:४७ सियापाड् चोगवाम्चिमा ॥ ड्रखाचिडा निंद्वाफुमाभाड् चेकखुबाचिगा
स्मिरतिगा लागि सियापाड् न्जोगुचि ड्रखारनिंद्गो उड्चिडा न्जिन्दुचिहा चेऱ्या
चहेन ड्येनुनिन ॥

* ११:५१ जाकारिया ना एको हाड्खुबा साया ॥ उडा निंद्वाफुमागा चेऱ्या पारचार
चोगुहाडा न्सिसु ॥

येसुडा किहि काप्खुबाचि चेतावानि पिचिहा

(मात्ति १०:२६-२७)

१२ डंखिड्बेला न्नाबे निरमाइ मेयामानुङ्ग माहोम्बोक हाकिन्डू प्याक यारमिचि न्छुप्सानाडा एकोडा हेककोना चोसाडू तुसाडू न्जोघेकसा सा॥ डंखिड्बेला येसुडा ओन्दाडू उका चेलाचि खाऱला लुचि, “न्निडूदा फारिसिचिगा खामिरभाडू थाडूथाडू वायानि॥ न्ना खामिर बाडूना किहि काप्माना निडूवा ओम॥ २एप्ताहा चेऱ्या इखिडू वान्ने, डंखा घाक होम्भोडूमे न्हाडू चुमाहा चेऱ्या इखिडू वान्ने, डंखा घाक था लेडूमे॥ ३न्हाडामाडू इहा न्निडूदा स्वाक काइमिगा, डंखा चेऱ्या घाकडा खेम्मे॥ पाडूहोडूबे स्वाक स्वाक चेक्तिघा चेऱ्या पाडूगा मोम्दालुङ्गभाडू पारचार लेडूमे॥”

इसानुङ्ग किसिरमाहा

(मात्ति १०:२८-३३; १२:३२)

४येसुडा खाऱला लुचि, “काम्निभाविच, का न्निडूदा लुम्मेनेनिन, यारमिचिनुङ्ग डंगिसितानिन॥ डंखाचिडा न्निडूगा सालुङ्ग सिमा य्यासु होड्चा न्निडूगा आत्मा इचा चोकमा ड्यास्वानिन॥ ५डंखारनिडूगो इसानुङ्ग किसिरमाहा, का न्निडूदा लुम्मेनेनिन, इसानुङ्ग सालुङ्ग सिस्वाहोडू नाराकपे लेम्नाहाडूमाना साक्ति वान्ने न्नानुङ्गमाडू किसितानि॥ ६इना याडू हिच्चिबे फा ओटा मिमिर्हा न्वाकिच न्छुडूमेनाहाचि? डंखारनिडूगो डंखाचिबे एकको चा निडूवाफुमाडा म्मुन्दिरवान॥ ७उडा न्निडूगा गो भान एको एको ताम्फोक चा निरुक्सु, न्हाडामाडू डंगिसितानिन, न्निडूदा प्याक न्वाकिच हाकिन्डू चा प्याक ओमेन आखुबा सिगान॥

येसु सुइकार चोकमाना

(मात्ति १०:३२-३३; १२:३२; १०:१६-२०)

८का न्निडूदा लुम्मेनेनिन, इसाडा का यारमिचिगा युम्बे आका हाडूबा ओम्भोडू सुइकार चोडूमेडू, न्ना का यारमिगा उच्याडा चा

निंद्वाफुमागा वालोकदुतचिगा युम्बे सुइकार चोगवाड् ॥ ६ ड्रखारनिंद्गो इसाडा का यारमिगा युम्बे चिनान्दोकत्वाडान्ना लुमेड्, न्ना का चा निंद्वाफुमागा वालोकदुतचिगा युम्बे चिनान्दोड्मेनेन्ना ल्वाड् ॥ १० इसा का यारमिगा उच्यागा बिरुद्दाबे चेड्मे, न्नाडा छेमा तोकत्वा, ड्रखारनिंद्गो इसाडा पाबित्तारा आत्मागा बिरुद्दाबे इसिरहा चेय्या चेकत्वा, न्नाडा च्हेन हेरनिंद् चा छेमा न्दोकत्वान्ना ॥

११ यारमिचिडा न्निंद्दा लाबिरवागाहोड् याहुदि छुम्पाड्चिबे, खाड्रखाड्बाचि नुड् तायेन्नाड्बाचिगा उयुम्बे खेतिरवागा ॥ १२ न्निंद्दा पाबित्तारा आत्माडा ड्रखिंद्बेलामाड् चिन्दिरवाघा ॥”

मुरखा थुड्दुना यारमिगा ताप्चेया

१३ प्याक यारमिलुभाड् एको यारमिडा येसु खारला लु, “चिन्खुबा, ‘नुन्छागा आड्साबान्डा फोकसुबि’ भोड् आफु लुताब्याड्, न्हाड् उडा आका आड्सा फोड्बिरडानि ॥”

१४ येसुडा न्ना यारमि खारला लु, “काम्निभाक का इसाडा न्जिंद्गा आड्सा हाम्बिखुबा, नुड् निरिक चोड्बिखुबा चोगाघा?” १५ न्हाडा उडा न्नाबे न्छुप्साहा यारमिचि लुचि, “थाड्थाड् वायानि, याड्सा लुड्मा डंगिसानुम्निन, इजाड्बाड्निंद् याड्सा इखिड् प्याक वाहोड्चा ड्रखाडा यारमि हिड्लुड् म्बिवान्ना ॥”

१६ न्हाडा येसुडा ड्रखाचि एको खारलाना ताप्चेया लुचि, “एको थुड्दुना यारमिगा रोपाबे प्याक चाचिर्या केकसा ॥ १७ न्नाडा उनिंद्वाबे मिमातारोकतु, ‘खा घाक चाचिर्या हेरने युड्माह लोप्पि? कानुड् ठोड्माड् मान, हाकु का इ चोकडा?’ १८ न्हाडा न्नाडा काया, ‘का हाकु खारला चोड्मेड्ना, आका मिमिर्हा चाचिर्याराड् होराहाकस्वाड्चिड्होड् माम्माहा चोगवाड्चिड् न्हाडा न्नाबेड्माड् घाक चाचिर्या नुड् युबाक शिड्रखाक युकस्वाड्हा ॥ १९ न्हाडा का आफाइ कान्चामेड्, न्दा इखिड् तुवाराड्बागान! न्दानुड् प्याक फिम्बिलिड् सोम्मा खोखुबा याड्सा वान्ने, हाकु खुम्दु खुम्दु चासाड् नुड् उड्साड् चोन्दास्या ॥’

२० ड्र्खारनिंद्गो निंद्वाफुमाडा न्ना लु, ‘ओ मुरखा, हेन सेरनिमाड् न्सोकमा खेम्मे न्हाड् न्दा ओप्तुघोड् युकसुधा खा घाक याड्सा इसागा लेड्मेहा?’ २१ न्हाडा येसुडा ना ताप्चेया यारनिसाड् खारला लुचि, “आफाइगा लागि च्हेन प्याक याड्सा ओप्खुबा, ड्र्खारनिंद्गो निंद्वाफुमाबे थुड्दुना मेलेड्खुबा यारमि खारला माड् लेड्मेऱना ॥”

चिन्ता मेन्जोकमाहा

(मात्रि ६:२५-३४)

२२ न्हाडा येसुडा उका चेलाचि लुचि, “का निंद्दा लुम्मेऱनेनिन हिड्मागा लागि इहा चाम्डा नुड् इहा वाम्डा भोड् चिन्ता न्जोगानिन ॥ २३ चामेड्बा हाकिनिड् हिड्लुड् न्हाड् तेफेन हाकिनिड् सालुड् माड् माडा ओम ॥ २४ आरवाचि सोयानुचिम! ड्र्खाचिडा याड्लि चा ड्डोहेत्वानिन, ड्र्खोप्स्वानिन चा, चाचिर्यादाड् चा मानिन, ड्र्खोड् चा निंद्वाफुमाडा ड्र्खाचि चामेत्वाचि ॥ निंद्दा गो ड्र्खा न्वाकिच हाकिनिड् प्याक ओमेन्गा सिगान ॥ २५ निंद्दा माध्येबे इसाडा चिन्ता चोड्मेहोड् उका हिड्लुड्बे मिर्याड् आयु पुमा यास्वाना? २६ खिड् मिना काम चा चोकमा ड्यास्वाम्गान्ना भोड् इजाड् हेकोहा चेऱ्यागा चिन्ता चोगिर्वाघा?

२७ पुड्दाबेऱ्हा लिलिफुड् सोयानुम, ड्र्खा इमिन पुम्याहा, ड्र्खाचिडा काम चा न्जोगवानिन, तेक चा ड्डागवानिन ॥ ड्र्खारनिंद्गो का निंद्दा लुम्मेऱनेनिन, सोलोमान हाड्नुड् ड्र्खिडाहा याड्सा वायाहोड्चा ड्र्खा फुड्लोर्वा उचुन्हा तेक ड्र्वाकसान ॥ २८ हेन उचुन्माचेक ओखुबा वान्दिकडा चोम्दिमेहोड् मिबे हुन्नाहाड्माहा याकसाड् चा निंद्वाफुमाडा खारला सिड्गारा चोगवाना भोड्, निंद्दा गो भान वारमाहा तेक म्बिइवाघानाइ? हेऱ्नाइ निंद्गा बिस्वास? २९ न्हाडामाड् इहा चाम्डा इहा उडुम्डा भोड् चिन्ता न्जोगानिन ॥ ३० निंद्वाफुमा चिनामेन्दोकखुबाचिडाले खारलाहा चेऱ्यागा चिन्ता न्जोड्मे ॥ खा घाकथोक निंद्दा चाहाबा चोगिर्वाघा बाड्ना निंद्गा निंद्वाफुमा पा था वान्ने ॥ ३१ ड्र्खारनिंद्गो ओन्दाड् निंद्वाफुमागा राज्या योगानुम न्हाडा खा घाक चेऱ्या निंद्दा पिइवाघा ॥”

वालोकपेत्हा याड्सा

(माति ६:१६-२१)

३२“आका चेलाचि, न्निड्दा मिऱ्याड् सामुड्चि लोर्वा सिगान॥
ड्र्खारनिड्गो ड्र्गिसितानिन! इजाड्बाड्निड् न्निड्गा वालोकपेत्हा
पाडा न्निड्दा उका राज्या पिर्मा मितिमिगा॥ ३३न्निड्दानुड् वेत्हा
घाकथोक इनुचायानुम न्हाड् तुखिसुम्बाचि याड् पियानुम्चिम॥ न्निड्गा
लागि हेत्तनिड्चा उलिप्पा मेलेड्खुबा नुड् मेनाड्खेखुबा खेसुप
चोगानुम्चिम न्हाड् हेत्तनिड् चा नास मेलेड्माहा याड्सा वालोकपे
छुप्सानुम॥ न्नाबे खुसुबाड्चिडा चा ड्र्खुस्वानिन, न्हाडा फिबाकिंचिडा
चा न्ज्वानिन॥ ३४इजाड्बाड्निड् हेत्तने न्निड्गा याड्सा वान्ने,
न्नाबेड्माड् न्निड्गा निड्वा चा वाम्मे॥”

मेइम्ले चेन्चेन वायानि

(माति २४:४५-५१)

३५“न्निड्गा फोखिमा उचुन छिकसानुम्चिम न्हाड् न्निड्गा कुप्पि
हान्दामासानुम्चिम॥ ३६न्निड्दा थाड्छेड्गा होकताभाड् लान्दाराखुबा
पाड्ह्वाड्बागा लाम्बु सोनुड्खुबा नोकारचि लोर्वा लेकसानि॥
ड्र्खाचिडा पाड्ह्वाड्बा तामेहोड् वालाम्बुड् ढोकढोक चोगवाना
सोलोक वालाम्बुड् ड्र्होसुबिवा॥ ३७पाड् ह्वाड्बा तामेत्तनिड् मेइम्ले
चेन्चेन वाखुबा ड्र्खा नोकारचिडा सेब्बास न्दोक्त्वाहोड् न्जोन्सिमे॥
जेप्पा का न्निड्दा लुम्मेत्तेनिन, न्ना पाड् ह्वाड्बाडा ड्र्खा नोकारचि
खोलोड्बाचि लोर्वा चामा उड्माबे तुमागा त्यार लेड्मे, न्हाड् ड्र्खा
नोकारचि उचुनुड् युड्मेत्वाचिहोड् चाम्योड्बा पिवाचि॥

३८ड्र्खारलामाड् न्ना पाड्ह्वाड्बा सेत्तनिलुम्बे ताहोड्चा, भेनिक
ताहोड् चा उड् तामेत्तनिड् उका नोकारचि मेइम्ले तुप्सुचि भोड्, उडा
भान प्याक सेब्बास पिवाचि न्हाड् ड्र्खा नोकारचि भान तुक्नुड्
न्जोन्सिमे॥

३९ड्र्खारनिड्गो ना चेया आसानुम, खुसुबाड् हेत्तनिड् तामेत्तना भोड्
पाड्ह्वाड्बाडा था तोक्तुनिड्बि उड् मेइम्ले चेन्चेन वायाबि, न्हाड्

खुसुबाड् खुड्खेमा म्बिन्बि॥ ४० ड्रवारला माड् न्निड्दा चा चैन्येन वायानि, इजाङ्बाड्निड् न्निड्दा म्मितुमान्ना बेलाकपे का यात्रमिगा उच्या ताम्मेड्॥”

४१ न्हाडा पातुरुसडा येसु छिम्दु, “हाड्बा ना तापचेऱ्या आनिड्गा लागि से लयाघायेम, घाकका लागि येम?”

४२ हाड्बाडा पोलोवा पि, “बुद्दिमान नुड् निड्वाडा चोना बुद्दिमानि भान्डारे इमिन्ना यात्रमि लोप्पि? पाड् ह्वाड्बाडा उपाड्गा घाक तारतुम्बि तोड्माहा जिम्मा पिइवाहोड् बुद्दिमानि नुड् निड्वाडा चोना नोकारडा हेकोहा उका नोकारचि बेलाबे चामा उड्मागा तारतुम्बि तोक्सुबिवाचि॥ ४३ पाड् ह्वाड्बा लान्दारामेऱनिड् न्ना भान्डारे ड्रवारलामाड् काम चोक्मास्याना तुप्स्वानिड् न्ना भान्डारे इखिड् प्याक आसिक तोक्खुबा यात्रमि लेड्मेऱ्ना॥ ४४ जेप्पा का न्निड्दा लुम्मेऱनेनिन, न्ना भान्डारे पाड् ह्वाड्बाडा उका घाक याड्सा छोड्बे चा चोक्तोक पिवा॥ ४५ ड्रवारनिड्गो न्ना भान्डारेडा उनिड्वाबे ‘आहाड्बा ताम्बा लान्दारामेऱ्ना’ मिमेहोड्, उड् चासाड्, उड्साड् चोड्मे न्हाड् सिस्वाहोड् हेकोहा नोकार नोकारनिचि मोक्मातारोक्तुचि भोड्, ४६ न्नागा ह्वाड्बा न्नाडा म्मितुन्ना नुड् आस न्जोगुन्ना लेन्बे तान्दिमेहोड् न्ना प्याक दान्डा पिवा न्हाड् न्नागा तुखि निड्वाफुमागा चेऱ्या मेयेन्खुबाचिगा लोऱ्वा लेड्मे॥

४७ पाड् ह्वाड्बागा उनिड्वा था तोक्त्वाहोड् चा पाड् ह्वाड्बागा उनिड्वाबे मितुहालोऱ्वा काम मेन्जोक्खुबा नोकार च्हेन पाड् ह्वाड्बाडा तुक्नुड् दान्डा पिवा॥

४८ ड्रवारनिड्गो पाड् ह्वाड्बागा निड्वा था मेन्दोक्ले दान्डा तोक्माहा काम चोक्खुबाडा मिऱ्याड् से दान्डा तोक्त्वा॥ इसा प्याक पियामा, न्ना भाड् प्याक माड् नाड्मे, ड्रवारलामाड् इसा प्याक जिम्मा पियामा न्नाभाड् भान प्याक लियाचोड्मे॥”

तोङ्से मेन्ना फोड्से

(माति १०:३४-३६)

४६न्हाडा येसुडा खारला लुचि, “का ताम्दाड़फुमाबे मि तिसे* तायाड्ना ओम, न्ना मि ओन्दाड् न्हाड्तोमाड् हान्दुकसानिड्बि उचुन लेकसाबि ॥ ४०का चा एको तुखिंगा बाप्तिस्मा लियाचोकमाना वात्रे ॥ न्ना लियामेन्जोकले सोम्मा आसोकमा हिप्सिसेहेकसु ॥ ४१इना, का कायुड्लेन्बे हाड्हाड् पिसे तायाड्ना भोड् मितिर्वाघाइ? मैन्ना, का गो फोड्से तायामाड्ना ॥ ४२हाकु न्हाड्तो फा यार्मि ड्खान्नेना पाड्बे सुम्भाड् घ्योड्मेहोड् म्फोड्मे ॥ ४३उण्पा उच्याबाबुगा बिरुद्दाबे पोड्मे, ड्खारलामाड् उच्याबाबु उण्पागा बिरुद्दाबे पोड्मे ॥ न्हाडा उमा उच्या मामुगा बिरुद्दाबे ड्खारलामाड् उच्या मामु उमागा बिरुद्दाबे पोड्मे ॥ न्हाडा उनाम्मा उताड्मेकका बिरुद्दाबे, न्हाड् उताड्मेक उनाम्मागा बिरुद्दाबे पोड्मे ॥”

चिड्गो सोयानुम्घोड् आसानुम

(माति १६:२-३)

४४न्हाडा येसुडा न्नाबे ड्खायाहा प्याक यार्मिचि लुचि, “न्निड्दा नामयुड् पोटि खिम्फुरुम्मा पोगाक्याहा निसुम्माभोड् सोलोक काइवागा ‘हाकु वासिक तामेन्ना’ न्हाडा ड्खारला माड् वासिक चा तामे ॥ ४५छुप्तालाड्भाड् हिर्वा फेम्मेनिड् काइवागा ‘हाकु हृवाड्मा पोक्त्वाना’ न्हाड् ड्खारलामाड् लेड्मे ॥ ४६ओ न्निड्दा किहि काप्युबाचि! खारला ताम्दाड़फुमा नुड् ताड्खेड् स्वाम्माहोड् वासिक तामेन्नाम न्दामेन्नाम भोड् कामा गो यासिर्वागा, ड्खारनिड्गो खिड्बेलाक लेकसेहेकसाह चेऱ्यागा चिड्गो च्हेन इजाड् ड्डास्वाम्घाना?

* १२:४६ मि तिसे यार्मिचि खिमेन्माहोड् फोड्मेसे ॥

४७न्निड्दा न्निड्गा लागि इ चोकमा उचुन लेड्मेहा भोड् इजाड् इङ्गास्वाम्घाना? ४८“न्निड्दा आप्दिक एन्दिघोड् निरिकपाड्बे खेतिगा भोड् लाम्बुबेरमाड् न्नानुड् तोडाब्यानि॥ मानुड् न्नाडा न्निड्दा निरिकराड्बागा ओन्दाड् येप्मेतिवागा न्हाड् न्ना निरिकराड्बाडा किथिरिकपाचिबे जिम्मा लाचोगिरवागा न्हाड् ड्रखाचिडा न्निड्दा खेतिरवागाहोड् छेकपाड्बे छेकितरवागा॥ ४९का न्निड्दा लुम्मेनेनिन, न्निड्दा हुडमाहा घाक याड् मेहुड्ले सोम्मा न्नाभाड् लोन्मा ड्रयासिरवागान्हा॥”

पाप चोकमाभाड् लासानि

१३ ड्रखिड्बेला न्नाबे न्छुप्साहा एको हिप्पाड् यारमिचिडा येसु गालिलि यारमिचिगा उतुम्बे खारला न्लु, “बोलि न्जोकमास्याहा इखिड् गालिलि यारमिचि रोम खाम्युकका तायेनराड्बा पिलातासडा सिमेतुचि न्हाडा ड्रखाचिगा हेलि बोलिदान न्जोकमास्याहा पोसुचिगा हेलिनुड् फासा॥” २येसुडा ड्रखाचि लुचि, “ड्रखा न्सिसुचिहा यारमिचि हेकोहा गालिलि यारमिचि हाविनिड् प्याक पाप चोकखुबा न्सायाहोड् खारला तुखि आड्साड् न्स्याहाभोड् मितिरवाघाइ? ३ड्रखारला मेन्ना, का लुम्मेनेनिन, न्निड्दा चा पाप चोकमाभाड् न्लासिगान भोड् ड्रखारलामाड् तुखिआड्साड् सिइवाघा॥ ४न्हाडा न्ना सिलोआम्बेन्ना धाराहारा लेकसुकसानिड् एता* यारमिचि फेड्दिसिचि, ड्रखा यारमिचि यारुसालेम साहारबे वाखुबा हेकोहा यारमिचि हाविनिड् प्याक पाप चोकखुबा न्सायाहाभोड् मितिरवाघाइ? ५ड्रखारला मेन्ना, का न्निड्दा लुम्मेनेनिन, न्निड्दा चा पाप चोकमाभाड् न्लासिगान्भोड् घाक ड्रखारलामाड् सिइवाघा॥”

उसा मेड्गेड्रखुबा वेकपुगा उथाप

६न्हाडा येसुडा ना ताप्चेऱ्या लुचि, “एको यारमिडा उका सिम्लेऱ्माड्हहाम्बे एको वेकपुगा उथाप लितुकसा॥ उड् न्ना वेकपुगा

* १३:४ आठारो जाना

उथाप्पे उसा केकसुहायेम भोड् बेला बेलाबे सोसे तायामासा, ड्रखारनिङ्गो एको चा न्दोकतुन ॥ ७न्हाडा उडा सिम्लेमाड्हाम सोखुबा खारला लु, ‘सो, का सुम फिम्बिलिड् न्हाड्तो ना वेकपुगा उथाप्पे उसा केडमेहायेम्भोड् लाम्बु सोड्, ड्रखारनिङ्गो केडमाइ ड्गेकसुन, नाडा बित्थाबे खाम से ओगाटे चोगुक्सु हाकु इम्दाहाक्सु ॥’ ८न्ना सिम्लेमाड्हाम सोखुबाडा लु, ‘हाड्बा हाकु ए फिम्बिलिड् वान्सोरनि, का नागा उसाम खिरिरि खोन्द्वाड्होड् मोल एन्द्वाड्हा ॥ ईकेड्दिमेनायेम, केकसुभोड् उचुन्माड् लेकसा, ड्गेकसुन भोड् इम्दाहाक्स्वाड्ना ॥”

येसुडा उगाब्याना मामु नुमेतुना

१०इमा आराम चोकमाना लेन्बे येसुडा एको याहुदि छुम्पाड्बे चिन्मास्या ॥ ११न्नाबे एता फिम्बिलिड् ओन्दाड् नाहाड्तो इसिरना मुइडा याकसुकसाहोड् उमिसिड् उगाब्याना एको मामु वाया ॥ उड् उगाब्याहोड् चेड्येप्मा मेयाखुमा लेकसामासा ॥ १२येसुडा न्ना मामु यारमि निसुहोड् ओन्दाड् काहोड् खारला लु, “ओ मामु, न्दा तुकमाभाड् नुयागाना ॥” १३न्हाडा न्ना मामुगा पुप्साब्याना उमिसिड्बे उमुकडा तोकित ॥ ड्रखिड्बेलाकमाड् न्ना मामु चेड् येबाहोड् निड्वाफुमागा उनिड् थेन्मा तारोकतु ॥

१४न्ना मामु यारमि आराम चोकमाना लेन्बे नुमेतुना निसुहोड् याहुदि छुम्पाड्बेन्ना तायेन्राड्बागा उछिक एकता न्हाड् न्नाबेरहा यारमिचि लुचि, “काम चोकमागा या लेन ड्वे ॥ ड्रखा या लेन्चिबे ताइघोड् नुयानि, ड्रखारनिङ्गो आराम चोकमाना लेन्बे मेन्ना ॥”

१५येसुडा न्ना खारलाना पोलोवा पि, “ओ किहि काप्खुबाचि, इना आराम चोकमाना लेन्बे न्निङ्गा गोरु कि गाधा फुकस्वाम्चिम्गाहोड् माड्च्वा उड्मेसे ड्रखेत्वाम्चिम्गानाइ? १६ना आबराहामा उच्या साइतानडा एता फिम्बिलिड् नाहाड्तो तुखि पिनेसुकसा, इना आराम चोकमाना लेन ओम्भोड् साइतान्ना उमुकभाड् मेम्फोड्मानाइ?” १७येसुगा खारलाना पोलोवा ड्रखेप्सुहोड् उका घाक बिरोधिचि

डोन्सिरमाबे डडाया॥ डखारनिंदगो हेकोहा यारमिचि चहेन उडा
चोगुहा खा तोत्तेहा काम न्निसुहोड न्जोदास्या॥

यारोगा याडलि नुड खामिर

(मात्ति १३:३१-३३; मारकुस ४:३०-३२)

१८न्हाडा येसुडा डखाचि लुचि, “निंदवाफुमागा राज्या खारलाना
ओम्भोड का इनुड तोकसुड? १९न्ना यारोगा एको याडलि लोरवाना
ओम, एको यारमिडा उलाम्धाडबे हवेतुभोड न्ना पोडमेहोड पुमे, न्हाड
न्ना एको माडा सिड लेडमेहोड न्नागा हवाकिचबे न्वाकिचडा होप
डगावाचि॥”

२०येसुडा फेरि लुचि, “निंदवाफुमागा राज्या का इनुड तोकसुड?”
२१न्ना गो खामिर लोरवाना ओम॥ एको मामुडा मिऱ्याड खामिर सुम
डालो खोरमुडबे फास्वा न्हाडा डखा घाक खोरमुड होम्दवा॥”

छुरछुना वालाम्बुड

(मात्ति ७:१३-१४, २२-२३; द:११-१२)

२२येसु यारुसालेम साहारबे खेरमास्यानिंद लाम्बुबे डडायाहा साहार
नुड तेन्चिबे चिन्साड ख्या॥ २३डखिडबेला एको यारमिडा उड छिम्दु,
“चिन्खुबा, मिऱ्याड यारमिचिडा से मुक्ति न्दोकत्वानाइ?” २४येसुडा
पोलोवा पिसाड लुचि, “छुरछुना वालाम्बुडभाड उमागा योगानि॥
इजाडबाडनिंद का न्निंदा लुम्मेनेनिन, प्याक यारमिचि छुरछुना
वालाम्बुडभाड उमा डयोडमे, डखारनिंदगो उमा ड्यामेनिन्हा॥
२५खिडसोम्मा गो वालाम्बुड होसामा, डखारनिंदगो इलेन
पाडहवाडबाडा वालाम्बुड छेकितवा, न्हाडा न्निंदा चहेन
बाइरान्धाड खारला कासाड वालाम्बुड ढोकढोक चोगवामा, ‘हाडबा
वालाम्बुड होसाब्याघाइ॥’ उडा लुइवागा, ‘न्निंदा इसासिगान? न्हाड
हेनाहाड ताइघा? का चिनान्दोडमेनेनिन्हा॥’ २६डखिडबेला न्निंदा
काइवागा, ‘कानिंद न्दानुड युडिडहोड, चाम्डा उडुम्डा न्हाड न्दा
आनिंदगा तेन्कुबे चिन्दागा॥’ २७डखारनिंदगो उडा फेरि न्निंदा
लुइवागा, ‘न्निंदा इसासिगान? हेनाहाड ताइघा? जेप्पा का

चिनान्दोडमेनिन्हा, ओ इसिरहा काम चोकखुबाचि आयुम्भाड् खेब्यानि ॥’ २८ ड्खिड्बेला न्निड्दा आब्राहाम, इसाहाक, याकुब बाड्हा यारमिचिनुड् निड्वाफुमाभाड् चेकखुबाचि निड्वाफुमागा राज्याबे निस्वाम्चिम्गा न्हाडा न्निड्दा च्हेन पाखा लेसाहाकिसरवागानिड् निड् केड् चिम्साड् हाबिरवागा ॥ २९ यारमिचि नास्त्रोन, नास्युड्, फेकसालाड्, छुप्तालाड्, योखे तोमो घाक भाड् न्दामेहोड् निड्वाफुमागा राज्या उड्नुड् चासे ड्युड्ने ॥ ३० ड्खारनिड्गो लोप हेकसाड् आखुबाचि ओन्दाड् ड्डामे, न्हाड् लोप ओन्दाड् आखुबाचि हेकसाड् ड्डामे ॥”

यारुसालेम मितुहोड् येसुगा उनिड्वा तुगाना

(मात्रि २३ः३७-३८)

३१ ड्खिड्बेलाकमाड् एको हिप्पाड् फारिसिचि येसु वायानाबे न्दायाहोड् खारला न्लु, “न्दा नाभाड् लोन्दाघोड् हेकोना ठोड्बे खेब्या, इजाड्बाड्निड् हाड् हेरोद एन्टिपासडा न्दा सिमागा योकमासिम्मेकाना ।”

३२ येसुडा ड्खाचि लुचि, “ख्यानिघोड् न्ना स्याल खारला लुयानुम, ‘का लोप च्हेन इसिरहामुइ लोन्नाहाड्माहा नुड् तुखाबाड्चि नुमेमाहा काम चोग्वाड्, न्हाडा का चोकमाहा आकाम हानि याइवाडाहा ॥ ३३ ड्खारनिड्गो हेन, वान्दिकडा नुड् उचुम्फाक का आकाम चोकसाड् यारुसालेम्बे खेमेड्, इजाड्बाड्निड् यारुसालेम बाझरा हेना चा निड्वाफुमाभाड् चेकखुबा निस्वानिन्ना ॥

३४ “यारुसालेम्बेहा यारमिचि, ओ यारुसालेम्बेहा यारमिचि! न्निड्दा निड्वाफुमाभाड् चेकखुबाचि सिस्वाम्चिम्गा, न्हाडा न्निड्दाबे म्बाकसाहाचि निड्वाफुमागा चेय्या ताखुबा यारमिचि लुड्खाकडा लेप्त्वाम्चिम्गा ॥ वागुमाडा उच्याचि छुप्स्वाचिहोड् कुप्त्वाचिहा लोर्वा का चा इखिड्खेप न्निड्गा च्याचि चोकमागा चोगुड्चिड्, ड्खारनिड्गो न्निड्दा ड्गाकिसगान ॥ ३५ सोयानुम, निड्वाफुमाडा न्निड्गा घाक साहार नासिरवा ॥ न्हाडा हाकु हेनिड् सोम्मा न्निड्दा ‘निड्वाफुमागा उनिड्बे ताखुबा आसिक तोकखुबा ओम’ ड्गाइवागान ड्खिड्बेला सोम्मा का निमेकान्हा ॥”

आराम चोकमानालेन येसुडा तुखाबाड् नुमेतुना

१४

इमा येसु आराम चोकमाना लेन फारिसिचिगा हूवाड्गुम्बागा
पाड्बे चामा चासे ख्या ॥ न्नाबेहा यात्रमिचिडा उका चियो
न्जोकमास्या ॥ २न्नाबे एको उलाड् उमुक होम्दुना यात्रमि येसुगा युम्बे
युडामासा ॥ ३येसुडा धारमासाप्ला चिन्खुबा नुड् फारिसिचि छिम्दुचि,
“आराम चोकमाना लेन्बे तुखाबाड् नुमेत्रमा लेड्मेत्रनायेम न्लेड्मेत्रायेम?
व्यावास्थाबे इहा छेष्टामाहा?” ४ड्खारनिड्गो ड्खाचिडा इनाचा
पोलोवा म्बिनिन, न्हाडा उडा न्ना तुखाबाड् तोकितहोड् नुमेताहाकसु ॥
५न्हाडा येसुडा लुचि, “न्निड् च्याचि, कि गोरुपिक आराम चोकमाना
लेन्बे पार्वा होड्बे ड्डुयाख्याभोड् न्निड्दा सोलोक
न्लोन्दवामान्नाइ?” ६ड्खारनिड्गो ड्खाचिडा इना चा पोलोवा
पिरमा ड्यासुनिन

खोलोड्बाचिगा ताप्चेत्या

७न्हाडा होकताबे न्दायाहा खोलोड्बाचिडा उचुन्हा उचुन्हा युकथाम
न्सेगुचिहा निसुचिहोड् येसुडा ड्खाचि एको खार्लाना ताप्चेत्या लुचि,
८“न्निड्दा थाड्छेड्गा होकताबे खेइगानिड् उचुन्हा युकथाम्चिबे
ड्युडानिन, इजाड्बाड्निड् न्निड्दा हाक्निड् माडा यात्रमि चा ड्गाक्सु
लोप्पि ॥ ९ना यात्रमि तायाब्याभोड् न्निड्दा काखुबा यात्रमि तामेहोड्
‘ना ठोड् लेतुबिघोड् मो माड्चुमाड्ना युकथाम्बे युडा’ लुडगाभोड्
न्निड्दा डोन्सिरमाबे आइवागा ॥ १०ड्खारनिड्गो न्निड्दा होकताबे
खेइगानिड् मो माड्चुमाड्हा युकथाम्चिबे युडानि, न्हाडा न्निड्दा
काखुबा यात्रमि तामेहोड् ‘मेन्ना हाओ काम्निभाक, तो उचुन्ना
युकथाम्बे युडाघाइ’ लुडगाभोड्, न्नाबे घाकका युम्बे न्निड्गा आब्रुक
माडा लेड्मे ॥ ११इजाड्बाड्निड् इसा मा लेड्मा योड्मे, न्ना मि लेड्मे,
न्हाड् इसा मि लेड्मा योड्मे, न्ना मा लेड्मे ॥”

१२न्हाडा येसुडा न्ना उड् काखुबा यात्रमि खार्ला लु, “न्दा
होकतानाम्दा एन्द्वागानिड् ड्गाम्निभाक्विचि, म्फुनुन्छाचि, ड्गा
डाफान्ताचि नुड् शुड्दुहा पाड्निवाक्विचि से ड्गान्चिन ॥ ड्खाचिडा

पाइचो हुड्से नदा चा डगाशनिड्गो नदा होकता एन्द्वागानिड्ग तुखिसुम्बाचि, उलाड्मुक मेन्दाखुबाचि नुड्मिकसुरुम्बाचि काचि॥ १४ डखारला चोगागभोड्नदा आसिक तोकत्वाघा, इजाड्बाड्निड्ग डगा पाइचो हुड्मा डखाचिनुड्इहा चा म्मामेन॥ डखारनिड्गो धारमोति यारमिचि न्स्याहाभाड्हिड्गिलिक न्लेड्मेनिड्निड्वाफुमाडा नदा इनाम पिम्मेका॥”

माडा होकतागा ताप्चेऱ्या

(मात्रि २२:१-१०)

१५येसुगा चेऱ्या खेप्सुहोड्ड उड्नुड्ड चासे युड्खुबा एको यारमिडा खारला काया, “निड्वाफुमागा राज्याबे होकता चामा तोकखुबाचि इखिड्प्याक आसिक तोकखुबा ओम्चि॥”

१६येसुडा न्ना यारमि खारला लु, “एको यारमिडा माडा होकता एम्मा मितुहोड्प्याक यारमिचि कारमेतुचि॥ १७चामेड्बा चामाना बेला लेकसाहोड्ड उडा होकताबे काचिहा यारमिचि खारला लुसे उका नोकारचि पाकसुचि, ‘तायानि घाकथोक लोकिसऱ्यामाहा॥’ १८डखारनिड्गो डखा यारमिचि मेन्हा मेन्हा चेऱ्या बानाचोकसाड्ड आप्मा डगाकसानिन॥ एकोडा खारला लु, ‘का रोपा इनुकसुड्चिड्ड डखाचि इमिन्हाचि हेन फेड्सोरमाचि बाड्ना॥ छेमा प्याड्ड, का आप्मा डयामेडान्ना॥’ १९हेकोनाडा लु, ‘का फा हाल गोरु इनुकसुड्चिड्ड डखाचि इमिन्हाचि हेन फेड्सोरमाचि बाड्ना॥ छेमा प्याड्ड, का आप्मा डयामेडान्ना॥’ २०हेकोनाडा लु, ‘का थाड्छेडाड्ना इखिड्चा न्लेकसामाडान न्हाडामाड्का आप्मा डयामेडान्ना॥’

२१न्ना नोकार लासारायाहोड्घाक चेऱ्या पाड्हवाड्बा खेम्मेतु॥ न्हाडा पाड्हवाड्बाडा तुकनुड्ड ओलोक खोसाड्ड उका नोकार खारला लु, ‘लोप्माड्साहारबेऱ्हा माम्माहा, मिमिर्हा लाम्बुचिबे रव्या, न्हाडा न्नाबेऱ्हा तुखिसुम्बाचि, लाड्मुक मेन्दाखुबाचि, मिकसुरुम्बाचि न्हे काराचि॥’

२२न्हाडा डखारलामाड्नोकारडा घाक काम चोगिहोड्हवाड्बा खारला लु, ‘आहाड्बा, नदा लुयाड्गाह लोर्वा घाक यारमिचि

काराड्चिड्, ड्रखारनिड्गो हाकुचा प्याक युकथाम खालि वेऱहा ॥’
 २३पाड् हवाड्बाडा नोकार लु, ‘साहारगा योखेहा मिमिहा लाम्बुचिबे
 ख्याघोड् यारमिचि इमिन्होड् चा खेइ लुचिघोड् नाबे ताचि न्हाडा
 आपाड् इप्तुनि! २४का निड्दा जेप्पा लुम्मेनेनिन, ओन्दाड्
 डगायाहाचि इसाडा चा आका होकताबे चामा न्दोक्त्वानिन्हा ॥”

चेलाडा आड्माहा तुखि

(मात्ति १०:३७-३८)

२५इमा प्याक यारमिचि येसुनुड् ड्रखेऱमास्या ॥ येसुडा ड्रखाचिपोटि
 हिक्साहोड् खारला लुचि, २६“आका हेक्साड् लाम्मा मिखुबा यारमिडा
 उण्पा उमा, उच्याचि, उफुनुन्छा, उनानुन्छा नुड् उड् आफाइ हाकिन्ड्
 चा का प्याक लुड्मा तुक्ताड् भोड्से न्ना आका चेला लेड्मा यामेन्ना ॥
 २७इसाडा उका कुरुस ख्वाहोड् आका हेक्साड् लाम्मे, न्ना आका
 चेला लेड्मेन्ना ॥

२८“निड्दाबे कोइडा एको धारारा बानाचोकमा मितुम्गा भोड् याड्डा
 खोत्वाहायेम ड्रखोत्वाहानायेम, इखिड् याड् चाहाबाचोड्मेहा, ड्रखा
 घाक चेऱ्यागा तारतुम्बि ओन्दाड्माड् न्दोक्स्वान्हाइ? २९मानुड् उडा
 धारारागा चाहारि से खोन्दुहोड् यारनिमा ड्र्यासुन भोड्, निखुबा घाकडा
 खारला कासाड् खिजे न्जात्वा, ३०‘ना यारमिडा तारोकमा गो तारोक्तु,
 ड्रखारनिड्गो यारनिमामाड् य्यासुन्ना ॥’

३१हेन्ना हाड् लोप्पि ‘एखेड् माहोम्बोक* काड्बाचि खेत्वाड्चिड्होड्
 हेक्कोना हिखेड् माहोम्बोक काड्बा वाखुबा हाड्नुड् काड्मा
 यामेड्नायेम ड्र्यामेडान्ना’ भोड् ओन्दाड्माड् उचुनु मित्वान्हा?
 ३२न्नाडा हेन्चामा ड्र्यास्वाडान्ना बाड्ना थातोक्तुभोड् हेक्कोना हाड्
 माड्दु वानुड् तोड्भोड् लुसे हाड्लाम्बा पाक्स्वाचि ॥ ३३ड्रखारलामाड्
 निड्दा चा उचुन मितानुम इसाडा आका लागि घाक चेऱ्या नान्सिन्मा
 यास्वा, न्ना से आका चेला लेड्मा यामेन्ना ॥”

* १४:३१ एखेड् हाजार

युमा ताप्चेन्या

(मात्ति ४:१३; मारकुस ६:५०)

३४ “युम उचुन्हा थोक ओम, ड्रूखारनिंद्गो युमा लाकना मासाब्या भोड् ड्रूखा फेरि इडा लाकनुड् चोकमाहा? ३५ ड्रूखा गो लाम्धाड्बे मोल चा न्लेड्मेन, यात्रमिचिडा ड्रूखारला न्लेसाहाकस्वा॥ इसागा नाभाक डूवे, न्नाडा खेप्सुनि॥”

मासाब्याना सामुङ्गा ताप्चेन्या

(मात्ति १८:१२-१४)

१५ इलेन प्याक तिरो पोकखुबाचि नुड् हेकोहा पापिचि येसुगा चेन्या खेम्से न्दाया॥ २ ड्रूखारनिंद्गो फारिसि नुड् धारमासाप्ला चिन्खुबाचि बुजुड्बुजुड् कामा न्दारोक्तु, “ना यात्रमिडा गो पापिचि चा स्वागात चोगवाचि न्हाडा ड्रूखाचिनुड् च्वाहा॥”

३ न्हाड्माड् येसुडा एको खारलाना ताप्चेन्या लुचि, ४ “न्निंद्दा माध्येबे इसा यात्रमि लोप्पि, उका ए होम्बोक सामुङ्गचिबे एको मान्दिमेनिंद् पापा सामुङ्गचि पुड्दाबे नाऱवाचिहोड् न्ना मासाब्याना एको सामुड् मेन्दुम्ले सोम्मा डंयोगवान्ना? ५ जोबो उडा न्ना सामुड् तुप्स्वा, उडा चोन्सिसाड् उफाकताड्बे खुवाहोड् पाड्बे तावा॥ ६ न्हाडा उकाम्निभाक्चि नुड् पाड्निवाक्चि कावाचिहोड् खारला ल्वाचि, ‘कानुड् चोन्दास्यानि, इजाड्बाड्निंद् आका मासाब्याना सामुड् का तुप्सुकसुड्ना॥’ ७ का न्निंद्दा लुम्मेनेनिन, पाप भाड् लामापोरामेन्जोकखुबा पापा* धारमोति यात्रमिगा लागि हाक्किंड् पाप पाहाड् लाखुबा एको पापि यात्रमिगा लागि वालोक्ये प्याक आनान्दा लेड्मे॥”

* १५:७ उनान्साय

मासाब्याना युप्पा याड्

“हेरना मामु लोप्पि, उका एखेड् युप्पा याड्-बे* एको मासिभोड् कुप्पि हान्दवाहोड् उडा न्ना युप्पा याड् मेन्दुस्ते सोम्मा पाड् फेकसाड् ओकिखपिकिच ड्योगवान्ना? मासिना युप्पा याड् तुप्स्वाहोड् उडा उकाम्चि नुड् पाड्-निवाकिच कावाचिहोड् खारला ल्वाचि, ‘कानुड् चोन्दास्यानि, इजाड्-बाड्-निड् आका मासाब्याना युप्पा याड् का तुप्सुकसुड्ना॥’ १०का निड्दा लुम्मेनेनिन, ड्खारलामाड् पापभाड् लाखुबा एको यात्रिगा लागि निड्वाफुमागा वालोकदुतचिंगा युम्बे प्याक आनान्दा लेड्मे॥”

मासाब्याना च्याबाबुगा ताप्चेऱ्या

११येसुडा हेकोना एको खारलाना ताप्चेऱ्या चा लुचि, “एको यात्रिगा हिप्पाड् उच्या बाबुचि ड्वाया॥ १२इलेन पक्नाडा उप्पा खारला लु, ‘आप्पा, आका तोकमाहा घाक आड्सा का फोकसाब्याड्॥’ न्हाडा उप्पाडा चा ड्खा हिपापाड् उच्याचि उड्नुड् वायाहा घाक याड्सा हाप्सुबिचि॥

१३ए हि लेन हेकसाड् न्ना पाक्नाडा तोकतुहा घाक याड्सा खेतुहोड्



फाक कोप्मा सिम्मेना (१५:१६)

माडुना खाम्युकपे र्ख्या, न्नाबे उडा उनिड्वाबे इमिन चोकमा मिता ड्खारला चोकसाड्, खुम्दु खुम्दु चासाड् उड्साड् घाक याड्सा याइ॥ १४ड्खिड्बेला न्ना खाम्युकपे माडा आनिकाल पोकतु न्हाडा उडा चामा उड्मा इहा चा न्दोकतुन॥ १५न्हाडा एको यात्रिगा पाड्-बे काम योकसे भोड् र्ख्या, न्ना यात्रिडा फाक

* १५:८ इलेन काम चोगाहागा उमेन एको युप्पायाड् साया॥

कोप्पाना कामबे एन्दु॥ १६उडा न्नाबे फाकका चामेड्बाडा होड् चा
आफोक इप्तुड्बि मिता, ड्खारनिड्गो इसाडाचा उड् इहा चा
चामेड्बा म्बिनिन॥

१७ड्खिड्बेलाले उका ओचेत न्दाया न्हाडा खाऱला काया, ‘आप्पागा
इखिड् प्याक नोकारचि ड्वान्ने, न्नाबे उड्चिडा फोक खानुड् न्ज्वा
होड् चा ड्डोन्दवा, का च्हेन नाबे साकडा सेहेकसाड्॥ १८हाकु का
आप्पागाबे खेमेड्होड् ल्वाड्, आप्पा का निड्वाफुमानुड् ड्गा
विरुददाबे तुकनुड् इसिरहा पाप चोगुकसुड्॥ १९हाकु का न्ज्या लुऱ्मा
चा न्थेन्सिमेडान्न, का एको न्नोकार लोरवा मिताड्घोड् युकसाड्॥’

२०न्हाडा उड् पोगाहोड् उप्पागाबे लासा ख्या॥ उप्पाडा उड् माडदु
तायेना निसुहोड् उलुड्मा तुकतुगेतु, न्हाडा लुकसाड् ख्या न्हाड्
हेप्तुहोड् उम्मा चोगु॥ २१उच्याडा खाऱला लु, ‘आप्पा, का निड्वाफुमा
नुड् ड्गा बिरुद्दाबे प्याक पाप चोगुकसुड्॥ हाकु का न्ज्या लुऱ्मा चा
न्थेन्सिमेडान्ना*॥’

२२ड्खारनिड्गो उप्पाडा च्हेन काम चोकखुबाचि काचिहोड् खाऱला
लुचि, ‘हानि घाक हाकिनड् उचुन्हा तेक तायानुम्घोड् वाप्पेतानुम॥
उमुक खेऱवाबे आड्गुठि नुड् उलाड्बे लाड्खोप वाप्पेतानुम॥
२३न्हाडा होकता एम्मागा चात्तुना जिवात सिसानुम, कानिड् घाक
चासाड् उड्साड् चोन्दिसिइ॥ २४इजाड्बाड्निड् ना स्यामासाना आच्या
हाकु हिडामा, मासाब्यामासा, ड्खारनिड्गो लोप तुप्सामा॥’ न्हाडा
उड्चि चोन्सिसाड् चामाउड्मा न्दारोकतु॥

२५ड्खिड्बेला तुम्ना उच्याबाबु रोपाबे ख्यामासा॥ लासानिड्
पाड्युम्बे तायाब्या, ड्खिड्बेलाक उडा पाड्बे छेम लुसाड् लाकसाड्
न्जोकमास्याहा खेप्सुचि॥ २६न्हाडा उडा ‘खा इ लेड्मासिम्मेहा?’ भोड्
एको काम चोकखुबा नोकार छिम्दु॥ २७न्ना नोकारडा खाऱला लु,
‘नुन्छा नुउड्माड् तायाब्याहोड् म्बाडा चात्तुना जिवात सिसुहोड्
होकता एन्दुकसुना॥’ २८खा चेऱ्या खेप्सुहोड् ओलोक खोर्माडा
पाहोड्बे उमा ड्गाकसान॥ न्हाड् उप्पाडा तायाहोड् उड् लेमु॥

* १५:२१ का ड्गा एको नोकार लोरवा मिताड्घोड् युकसाड्॥

२६ ड्र्खारनिंद्गो उप्पा खारलाना पोलोवा पि, ‘खिंड्ना फिंबिलिंड् सोम्मा का नोकार लोर्वा लेकसाड्होड् काम चोगुड्, ड्गा चेरया हेरनिंड् चा ड्र्खोक्तुडान, ड्र्खोड् चा काम्निभाक्तिच नुड् चामा उड्मागा एको मेन्धवाक्कुच्या हेरनिंड् चा म्ब्याड्गान॥ ३० ड्र्खारनिंद्गो घाक तोक्तुहा आड्सा बेस्याचिनुड् यारनिखुबा तामेनिंड् च्छेन खिंड् माडा होक्ता एन्द्रवागा॥’ ३१ न्हाडा उप्पाडा खारला लु, ‘आच्या, न्दा गो साधाइ कानुड् वान्नेका बा, का नुड् वेरहा घाकथोक ड्गामाड् ओम॥ ३२ ड्र्खारनिंद्गो हेन कानिंड् होक्ता एम्माहोड् चोन्सिप्पामाड् पोरने ओम, इजाड्बाड्निंड् स्यामासाना न्नुन्छा हिंड्गिलिक लेकसामा, मासाब्यामासा, ड्र्खारनिंद्गो लोप तुप्सामा॥”

चोम्बुना तारतुम्बि तोड्र्खुबागा ताप्चेरया

१६ येसुडा उका चेलाचि खारलाना ताप्चेरया लुचि, “एको थुडुना यारमिगा उपाड्गा घाक तारतुम्बि तोड्र्खुबा एको यारमि वाया॥ ‘न्ना तारतुम्बि तोड्र्खुबा यारमिडा ड्गा घाक याड्सा याइहेक्सुहा’ भोड् यारमिचिडा हृवाड्बा ड्र्खेम्मेतु॥ २ न्हाडा उडा न्ना तारतुम्बि तोड्र्खुबा काहोड् छिम्दु, ‘का ड्गा उतुम्बे खा इहा चेरया खेम्मा सिम्मेड्ना? न्दा चोगुघा घाक कामगा हिसाप का पियाड्, इजाड्बाड्निंड् हाकु नाहाड्तो न्दा तारतुम्बि तोड्माहा काम चोक्मा न्दोक्त्वागान्हा॥’

३ ड्र्खोड् न्नाडा उनिंड्वाबे खारला मितु, ‘आहाड्बाडा का खा काम चोक्माभाड् लोन्धाकसेहेक्साड्, हाकु का इ चोकडा? फेड्मा ओक्मा बाड्निंड् चा ड्यास्वाडान, नाड्चामा चा डोन्सिमेड्॥ ४ ए, हाकु का इ चोक्मानाडान ड्र्खा घाक चेरया मितिकसुड्हा॥ का आहाड्बाडा ना कामभाड् लोन्धाक्साड् भोड् चा खिंड्बेलाक काम्निभाक लाप्तुक्साड्चिड् भोड् ड्र्खाचिडा जेप्पा का सोम्मेहा॥’

५ न्हाडा उडा उहाड्बागा नार्वा खेखुबा घाक यारमिचि एको एको चोक्साड् काचि, न्हाडा उडा एको छिम्दु, ‘आहाड्बागा नार्वा न्दाबे इखिंड् वेरहा?’ ६ उडा लु, ‘ए माहोम्बोक गिलान चामाहा किवा॥’ न्ना

तारतुम्बि तोङ्खुबाडा लु, ‘कवा डगा तामासुक, न्हाड् हानि फा होम्बोक गिलान से छेप्तु ॥’

७न्हाडा हेक्कोना छिम्दु, ‘डगा इखिड् नाऱवा हुड्मा वेऱहा?’ न्नाडा काया, ‘ए माहोम्बोक मुरि चाबाक ॥’ न्ना चा लु, ‘कवा, डगा तामासुकपे ता होम्बोक मुरि छेप्तु ॥’

८खा चेऱ्या था तोक्तुहोड् तारतुम्बि तोङ्खुबागा हूवाड्बाडा न्नागा चेन्ना निड्वागा पारसाम्सा चोगु, इजाड्बाड्निड् न्नाडा चोम्बु लेड्साड् काम चोगुकसा ॥ डखारलामाड् ना कायुड्लेन बेरहा याऱमिचि उड्चि काम्निभाकिच्चनुड् चेक्मा, लाम्मा नुड् तोड्माबे जोतिगा सान्तानचि हाकिन्ड् प्याक चोम्बु न्सामे ॥

९का न्निड्दा लुम्मेनेनिन, कायुड्लेन बेरहा याड्साडा काम्निभाक चोगानुम्चिम, न्हाड् डखा याड्सा मेम्मेहोड् न्निड्दा हेतनिड्चा नास मेलेड्माना पाड्बे स्वागात चोगिऱ्वागा ॥

१०इसा मिना चेऱ्याबे बिस्वासिलो लेड्मे, न्ना माडा चेऱ्या बे चा बिस्वासिलो लेड्मे, न्हाडा इसा मिना चेऱ्याबे बिस्वासिलो न्लेड्मेन, न्ना माडा चेऱ्याबे चा बिस्वासिलो न्लेड्मेन्ना ॥ ११न्हाडामाड् कायुड्लेन बेरहा याड्साबे बिस्वासिलो न्लेक्सिगान भोड्, न्निड्दा जेप्पागा याड्सागा जिम्मा इसाडा पिइवाघा? १२न्निड्दा याऱमिचिगा याड्बे इमान्दार न्लेक्सिगान भोड्, न्निड्दा तोक्माह याड्सा इसाडा पिइवाघा?

१३हेत्ना चा नोकारडा हिप्पाड् हाड्बागा इमाडा सेवा चोक्मा ड्यास्वान्चिन्हा ॥ उडा एको इसित्वा न्हाडा हेकोना उलुड्मा तुक्त्वा, कि एकोडा लुहा चेऱ्या खेप्स्वा न्हाड् हेकोनाडा लुहा चेऱ्या खेम्माइ ड्खेप्स्वान ॥ डखारलामाड् न्निड्दा चा निड्वाफुमा नुड् याड्सा हिचिचिगा इमाडा सेवा चोक्मा ड्यास्वाम्चिम्मान्हा ॥

येसुडा चिन्दुचिहा हेकोहा चेऱ्या

(माति ११:१२-१३; ४:१८, ३२)

१४खा घाक चेऱ्या ड्खेप्सुहोड् याड्सा लुड्माकिप्पुबा पोहोड् फारिसिचिडा युन्चासाड् येसुगा लुलेड्वा न्जोक्तुबि ॥ १५न्हाडा येसुडा

डऱ्खाचि खाऱला लुचि, “न्निडूदा याश्मिचिगा युम्बे धारमोति ओश्मा गो योगिरवागा, डऱ्खारनिडूगो निडूवाफुमाडा न्निडूगा निडूवाबेश्हा घाक चेश्या निस्वाह, इजाड्बाड्निडू याश्मिचिडा उडूचि निडूवाबे माडा म्मितुना चेश्या च्हेन निडूवाफुमागा सोयाइबे छिप्पाकेकेक साम्मेश्वरा ॥

१६न्हाडा बाप्तिस्मा पिखुबा युहान्नागा बेला सोम्मा मोसाडा पिचिहा व्यावास्था नुडू निडूवाफुमाभाडू चेकखुबाचिडा न्जिन्दुचिहा चेश्या खेम्साडू डऱ्खारला न्जोकमास्या ॥ न्नाभाडू खे, निडूवाफुमागा राज्यागा नुसाला खेम्मेश्वाहा काम लेडूमासिम्मे, न्हाडू घाक याश्मिचि निडूवाफुमागा राज्याबे उमागा जोडू न्जोकमासिम्मेहा ॥ १७ताडूखेडू नुडू ताम्दाडूफुमा मान्दिश्वा याम्मेचि डऱ्खारनिडूगो निडूवाफुमागा चेश्या एको चा म्मान्दिमेन्हा ॥

१८इसाडा उहिडूखुमा नासिरवाहोडू हेकोना मामु थाडू छेडूवा, न्ना याश्मि व्याभिचार चोगाना लेडूमे, न्हाडा इसाडा उहिडूखुबाडा नासिना मामु थाडू छेडूवा, न्ना याश्मि चा व्याभिचार चोगाना लेडूमे ॥

थुडूना याश्मि नुडू लाजारास

१९येसुडा फेरि चा लुचि, “उइले इमा एको थुडूना याश्मि वाया, न्ना याश्मिडा साधाइ उचुन्हा उचुन्हा प्याक प्याक ओमेन आखुबा तेक वासाडू, खुम्दुखुम्दु चासाडू उडूसाडू वाया ॥ २०उका गेट युम्बे एको सालुडू भोरि हुवाइ हुवा नुडूना तुखिसुम्बा नाडूचाखुबा याश्मि चा वाया ॥ उका उनिडू मिमि आयाहाकसुहा चामेडूबाडा आफोक इप्तुडूबि मिसाडू सोनेसुक्सा ॥ डऱ्खिडूबेला कुचुमाचि चा न्नाबे न्दायाहोडू उका हुवा न्लेकुचोतुबि ॥

२२इलेन न्ना तुखिसुम्बा लाजारास स्या, न्हाडा उडू वालोकदुतचिडा डऱ्खुहेतु आब्राहाम्गा उयुम्बे डऱ्युक्सु ॥ न्ना थुडूना याश्मि चा स्या न्हाडू डऱ्हुम्दु ॥ २३न्ना थुडूना याश्मिडा नाराकपे इब्बे इब्बे तुखि आडूनेसुना बेलाक उतुखुरुक पोगुहोडू खाऱला सो, डऱ्खिडूबेला उडा माडूभाडू लाजारास आब्राहाम्गा उलाडूछोडूबे युडामासाना निसु ॥ २४न्हाडा उडू ओक्साडू खाऱला काया, ‘ओ आप्पा आब्राहाम, का

दाया चोगाड्घोड् लाजारास काबे पाकसाब्याड्, इजाड्बाड्निड् का खारलाना मिबे फेत्तेरेकफेत्तेरेक लेड्साड् तुखि आड्मासिम्मेड्॥ उड् आप्होड् उमुक खेऱवा माड्च्चाबे लुप्सुहोड् ए थोपा माड्च्चा होड्चा सितालगा लागि आलेम्बे आरनेम्बिरडानि॥’ २५ ड्रखारनिड्गो आब्राहाम्डा खारला लु, ‘आच्या, सोह, न्दा हिडागानुड् उचुन्हा उचुन्हा चेऱ्या तोकतुगा, मिऱ्याड् चा तुखि डडाड्दुगान, ड्रखारनिड्गो लाजारास उड् हिडानुड् सोम्मा तुखि से आड्दुकसा, ना लोप हाड्हाड् नुड् सुखाबे वान्ने न्हाडा न्दा च्हेन तुखि आड्मासिम्मेका॥ २६ न्ना हाकिनड्चा निड्दा नुड् कानिड् लुम्बे एको माडा भोकिस वान्ने॥ न्हाडामाड् नाभाड् इसा चा योप्पारि खेप्पारिक चोकमा मिऱ्होड्चा चोकमा ड्यामेनिन्हा॥’ २७ न्ना थुड्दुना याश्मिडा लु, ‘ड्रखारलाभोड् आप्पा आब्राहाम, का सेमेसाड् लुप्पेनेन, लाजारास आका आप्पागा पाड्बे पाकसाब्याड्॥ २८ इजाड्बाड्निड् आका फा जाना आफुआनुन्छाचि ड्वान्ने, उडा ड्रखाचि खा घाक चेऱ्या खेम्मेतुचिहोड् चेतावानि पिचिनि, न्हाड् ड्रखाचि ना नाराकका तुखिबे ड्अप्पिन्नि॥’ २९ ड्रखारनिड्गो आब्राहाम्डा खारला लु, ‘ड्रखाचिनुड् मोसा नुड् निड्वाफुमाभाड् चेकखुबाचिडा न्छेप्तुचिहा धारमासाप्ला ड्वान्ने, ड्रखाचिडा न्नाबे छेप्ताहा लोरवा ड्रखेप्सुहोड् न्जोकिन॥’ ३० ड्रखारनिड्गो थुड्दुना याश्मिडा लु, ‘मेन्ना आप्पा आब्राहाम, एको स्यानाभाड् हिड्गिलिक लेकसाहोड् ड्रखाचिबे ख्यानिड्बि, उड्चिडा पाप चोकमा न्लेसिहोड् निड्वाफुमा पोटि ड्हिकसाबि॥’ ३१ ड्रखारनिड्गो आब्राहाम्डा खारलाना पोलोवा पि, ‘मोसा नुड् निड्वाफुमाभाड् चेकखुबाचिगा चेऱ्या ड्रखाचिडा ड्रखेप्स्वानिन्हाभोड्, स्याना याश्मि हिड्गिलिक लेकसाहोड् ख्याभोड् चा बिस्वास न्जोग्वानिन्ना॥”

पाप नुड् छेमा

(मात्ति १८:६-७, २१-२२; मारकुस ६:४२)

१७ येसुडा ओचेलाचि खारला लुचि, “जेप्पा याश्मि पाप्पे आमेऱ्माहा जाचचि गो न्दामे, ड्रखारनिड्गो धिक्कार ड्रखा

यात्रमिचि इसाडा पाप चोकमेत्वाचि! २इसाडा खा मिमिहाचि माध्येबे एको पाप चोकमेत्वा, नागो ओखोम्बे डेडऱ्खा छुम्बिरमाहोड् सामुन्दाराबे लेमाहाड्मा उचुन लेडमेना॥ ३डऱ्खोडमाड् थाड्थाड् वायानि! नुन्छा बाबुडा पाप चोगुकसुहा भोड् न्ना थिन्दु, न्हाड् उड् पाप चोकमाभाड् लासाभोड् छेमा पि॥ ४नुन्छाडा इलेन्बे लाम्माखेप* ड्गा बिरुद्दाबे पाप चोगवा न्हाड् उड् लाखेप्माड् न्दाबे तामेहोड् ‘का छेमा पियाड् हाकुनाहाड्तो खाऱला न्जोडमेडान्ना’ काया भोड्, न्दा छेमा पि॥”

५एहि सेगुम्पाकिंचिडा हाड्बा न्ललु, “हाड्बा, आनिड्गा बिस्वास पुताब्या॥” ६न्हाडा उडा खाऱलाना पोलोवा पिचि, “न्निड्दानुड् एको यारोगा गेडा हिड्ना बिस्वास वेनाभोड् चा ना माडमेरुगा उथाप ‘न्दा एनाघोड् सामुन्दाराबे लिताख्या’ लुम्मा भोड् न्नाडा येन्वाहा॥”

नोकारडा चोकमा पोर्ने काम

७“न्निड्दा माध्येबे इसाडा उका नोकार रोपाबे फेकस्वाहोड् कि सामुड् कोप्तुरावाचिहोड् सोलोक, ‘हानि आबाघोड् चासे युडा’ ल्वाम्गानाइ? ८मेन्ना उडा खाऱला ल्वा, ‘ख्या चामाउडमाहा लोकसु, न्हाड् लोकिसघोड् का चामा पिइयाड् न्हाड्से न्दा चो॥’ ९उडा लुहा लोऱवा काम चोगुहाबे उडा न्ना नोकार नुनिड्वा पिवानाइ? १०डऱ्खाऱलामाड् न्निड्दा चा लुइघा घाक काम चोगिनुम्घोड् खाऱला कायानि, ‘कानिड् गो नोकार से सिडान, न्हाडा कानिड् चोकमाहा काम से चोगुकसुम्डा॥’”

एखेड् कोरि यात्रमिचि न्नुयाहा

११येसु यारुसालेम्बे ख्यानिड् सामारिया नुड् गालिल लिडऱ्खामा उलुम उलुम लेड्साड् ख्या॥ १२उड् एको तेन्बे उहेकसासानिड् एखेड् कोरडा याकसुचिहा यात्रमिचि नुड् तुबा॥ १३डऱ्खाचिडा माडुदु ड्येबाहोड् १४माडा सेम्लाडा येसु खाऱला न्लु, “ओ हाड्बा येसु, कानिड् दाया

* १७:४ सात चोटि

चोगा ॥” १४ उडा ड्रूखाचि खाऱ्ला लुचि, “रव्यानि, खेइघोड् निड्दामाड् हाड्खुबा सोरमेतानुम ॥” न्हाडा ड्रूखाचि ड्रूव्या, उड्चि ड्रूखेरमास्यानुड् घाक नुया ॥ १५ ड्रूखा एखेड् कोरिचि माध्येबे एकोडा च्हेन नुयाना थाहा तोकतुहोड् ओकसेम्लाडा निड्वाफुमागा उनिड् थेन्साड् लासाराया ॥ १६ न्हाडा येसुगा उलाड्युम्बे फोप्साड् नुनिड्वा पि ॥ न्ना सामारि छोड्गा यारमि सा ॥ १७ येसुडा काया, “एखेड् कोरिचि नुयाहा मेन्नाइ? हेकोहा पा च्हेन हेत्ने ड्रूव्याहाचि? १८ इजाड् ना सामारि से निड्वाफुमा नुनिड्वा पिसे ताया हेकोहाचि च्हेन न्दायानिन्हा?” १९ न्हाडा येसुडा न्ना सामारि यारमि खाऱ्ला लु, “हाकु पोगाघोड् रव्या, ड्गा बिस्वासडा न्दा नुमेतामागाना ॥”

निड्वाफुमागा राज्या

(मात्ति २४:२३-२८, ३७-४१)

२० इलेन फारिसिचिडा येसु निड्वाफुमागा राज्या हेत्निड् तामेत्ता भोड् न्हिम्दुनिड् उडा खाऱ्लाना पोलोवा पिचि, “निड्वाफुमागा राज्या गो निमानुड् न्दामेत्ता ॥ २१ इसाडा चा ‘सोयानुम, निड्वाफुमागा राज्या नाबे वेत्ता न्नाबे वेत्ता’ कामा य्यामेनिन, इजाड्बाड्निड् निड्वाफुमागा राज्या गो न्निड्गा लुम्बेरमाड् वेत्ता ॥”

२२ न्हाडा येसुडा ओचेलाचि खाऱ्ला लुचि, “हाकु खाऱ्लाना बेला चा तामे, न्निड्दा यारमिगा उच्यागा इ लेन* सोरमा मित्वाम्गा ड्रूखारनिड्गो, न्निड्दा निमा न्दोकत्वामान्ना ॥ २३ यारमिचिडा न्निड्दा लुइवागा ‘सोयानुम उड् नाबे वेत्ता! कि न्नाबे वेत्ता!’ ड्रूखारनिड्गो ड्रूखिड्बेला न्निड्दा उड्चि नुड् ड्रूव्यानिन ॥ २४ इजाड्बाड्निड् पेरछोर्वा आमेत्तनिड् इमिन ताड्रखेड्गा योना उलाप्भाड् खेना उलाप सोम्मा ओम ओमे, ड्रूखारलामाड् यारमिगा उच्या चा उका लेन्बे ओम्मेत्ता ॥ २५ ड्रूखारनिड्गो ड्रूखा घाक लेड्मा हाकिनड् ओन्दाड् यारमिगा उच्याडा प्याक तुखि आड्दवा, न्हाडा स्विड्बेलाकहा

* १७:२२ यारमिगा उच्यागा इ लेन हाड्बा येसु फेरि तामेहोड् घाक छोड्बे सासान चोगवाना लेन ॥

यारमिचिडा उड् इन्कार न्जोगवा॥ २६नोआ बाड्‌ना यारमिगा लेनबे
इमिन लेक्सामासा, यारमिगा उच्यागा लेन्बे चा ड्रखारलामाड् लेड्‌मे॥
२७नोआ जाहाजपे मेउन्दिरले सोम्मा यारमिचि चासाड्, उड्‌साड्
न्जोक्मास्या, थाड् न्छेड्‌मा स्या॥ ड्रखिड्‌बेला माडा हिर्वा, वासिक,
भोल ताया न्हाडा घाक यारमिचि लुप्सिसिचि॥ २८न्हाडा लोत बाड्‌ना
यारमिगा लेन्बे चा ड्रखारलामाड् लेक्सामासा॥ उड्‌चि चासाड्,
उड्‌साड्, इन्साड् इन्चासाड् न्जोक्मास्या, खेति न्जोक्मास्या, पाड्
बाना न्जोक्मास्या॥ २९ड्रखारनिड्‌गो लोतडा सादोम साहार नाओना
लेन, वालोकपाहाड् मि नुड् बारुस आयुक्साहोड् ड्रखा घाक यारमिचि
न्स्या॥ ३०यारमिगा उच्या ओरमाना लेन्बे चा ड्रखारलामाड्
लेड्‌म्याहा॥

३१न्ना बेलाक पाड् छोड्‌बे वाखुबा यारमि युबाक थिड्‌खाक
लाल्लासे मो ड्रुड्‌निन्नि, ड्रखारलामाड् रोपाबे वाखुबा यारमि चा
पाइबे न्लारनाम्निन्नि॥ ३२लोतका उहिड्‌खुमा इ लेक्सामासाना, ड्रखा
चेऱ्या मितानुम॥* ३३इसाडा उका हिड्‌लुड् हिड्‌मेर्मा योगवा, न्नाडा
मासिर्वा, न्हाडा इसाडा मासिर्वा न्नाडा हिड्‌मेत्वा॥ ३४का न्निड्‌दा
लुमेऱ्नेनिन, न्ना सेऱ्ने एको नेथाम्बे इप्साच्याहा हिप्पाड् यारमिचिबे
एको खेम्मे न्हाड् हेकोना छोर्नेड्‌मे॥ ३५हिप्पाड् मामुचिडा सोरिसोरि
डेड्‌खा नान्हेड्‌मेचु, ड्रखाचिबे एको खेम्मे न्हाड् हेकोना छोर्नेड्‌मे॥
[३६ड्रखारलामाड् रोपाबे हिप्पाड् काम चोड्‌नुड्‌मेचि, एको खेम्मे, न्हाड्
हेकोना छोर्नेड्‌मे॥”]*

३७न्हाड् उका चेलाचिडा येसु न्छिम्दु, “हाड्‌बा, हेने लेड्‌मेहा?”
येसुडा पोलोवा पिचि, “हेने सिनो वे, न्नाबेरमाड् गिद्‌दाचि चा
न्छुम्मेहा॥”

* १७:३२ उथुक्का छेप्ताप १६:२६

* १७:३६ ना पाद प्याक लोर्वा गिरिक बाइबोलचिबे मान्होड् खारला
युक्सामाना॥

लाड्निमा नुड् निरिकराड्बागा ताप्चेऱ्या

१८ न्हाडा येसुडा उका चेलाचि पारथाना न्जोडूनुड्नि, हेरनिड् चा न्लेप्तिनिन्नि भोड् एको खाऱलाना ताप्चेऱ्या लुचि,
२ “एको साहारबे निड्वाफुमानुड् मेड्गिसिखुबा न्हाड् याऱमिचिगा चेऱ्या मेखेम्खुबा, मेन्सोखुबा एको निरिकराड्बा वाया ॥ ३ न्ना साहारबे एको लाड्निमा चा वाया ॥ न्ना लाड्निमा निरिकराड्बागाबे खेसाड् ‘का खिमा लाप्खुबानुड् आका उलुम्बे निरिक चोकताब्या’ भोड् लुनेसुकसा ॥ ४ न्ना निरिकराड्बाडा ओन्दाड् ओन्दाड् गो लाड्निमागा चेऱ्या खेम्माइ ड्रखेप्सुन, ड्रखाऱनिड्गो मिहेकसाड् उडा उनिड्वाबे खाऱला मिता, ‘का गो निड्वाफुमा नुड् चा ड्गिसिमेरडान, याऱमिचि चा न्स्वान्चिडान, उड्चि चेऱ्या चा य्येन्वाडान ॥ ५ ड्रखाऱनिड्गो ना लाड्निमाडा तुकनुड् तुखि पियाड्नाडा नागा निरिक चोड्बिर्मा तायाना, मानुड्गो न्ना तानुडमेहोड् तुखि पिन्सिमेड्ना ॥’”

६ न्हाडा हाड्बा येसुडा लुचि, “खेप्सानुम, न्ना इसिना निरिकराड्बाडा इ कामा सिम्मेऱ्ना ॥ ७ ड्रखाऱलामाड् निड्वाफुमाडा उड्नुड् सेन्नि लेन्नि हाप्साड् पारथाना चोकखुबा उका याऱमिचिगा निरिक न्जोक्तुबिवान्चिनाइ? इना उडा निरिक मेन्जोड्बिर्ले खेप्सुनेस्वाहा से लोप्पि? ८ का न्निड्दा लुमेन्नेनिन, निड्वाफुमाडा उका याऱमिचि हानि निरिक चोकतुबिवाचिहा ॥ ड्रखाऱनिड्गो याऱमिगा उच्या ताम्दाड्फुमाबे ताम्मेन्निड् इना उडा बिस्वास चोकखुबाचि तुप्स्वाच्याहा लोप्पि?”

फारिसि नुड् तिरो पोकखुबागा ताप्चेऱ्या

९ का से धारमोतिडान मिखुबा नुड् हेकोहा याऱमिचि मि मिखुबा याऱमिचि येसुडा ना ताप्चेऱ्या लुचि, १० “हिप्पाड् याऱमिचि निड्वाफुमापाड्बे पारथाना चोकसे रुयाचि ॥ ड्रखाचि एको फारिसि नुड् हेकोना तिरो पोकखुबा सायाचि ॥

११ फारिसि ओतोखुमाक येबाहोड् उनिड्वाबे खाऱला कासाड् पारथाना चोगा, ‘ओ निड्वाफुमा आप्पा, का न्दा नुनिड्वा पिम्मेनेन,

इजाड्बाड्निड् का हेकोहा यारमिचि लोऱवा पोहोड् नुड् यारमिचि इसिरखुबा मेरडान, का ब्याभिचार चा न्जोगामाडान, न्हाडा ना तिरो पोकखुबा लोऱवाना चा मेरडान्ना॥ १२का ला लेन्बे हिप्पा उपाबास युड्मेड् न्हाड् का चोगुडाहा नुड् तोकतुडाहा घाकथोकका एखेड्गाए* पिम्पेनेन॥”

१३ड्खारनिड्गो न्ना तिरो पोकखुबा च्हेन माड्दु येबाहोड् वालोक पोटि चा मेन्सोर्ले उछात्ति उप्साड्, हाप्साड् खारला काया, ‘ओ निड्वाफुमा आप्पा, का दाया चोगाड्, का गो पापिडान!’ १४का न्निड्दा लुमेनेनिन, न्ना फारिसि हाविनिड् तिरो पोकखुबा च्हेन धारमोति लेकसाहोड् उपाड्बे लासाना॥ इसाडा का माडाडान कामे, न्ना मिना लेड्मे न्हाड् का मिडाना काखुबा च्हेन मा लेड्मे॥”

येसुडा पिछानाछाचि आसिक पिचिहा

(मात्ति १६:१३-१४; मारकुस १०:१३-१६)

१५येसुगा उमुकडा तोकितचिहोड् आसिक पिचिनि भोड् यारमिचिडा उड्चि पिछानाछाचि येसुगाबे न्दाचि॥ खा न्निसुहोड् येसुगा चेलाचिडा ड्खाचि न्थिन्दुचि॥ १६ड्खारनिड्गो येसुडा ड्खा पिछानाछाचि काचिहोड् उका चेलाचि खारला लुचि, “पिछानाछाचि काबे आरमा पियानुम्चिम, ड्खाचि डुडोन्दानुम्चिमिन इजाड्बाड्निड् निड्वाफुमागा राज्या गो खारलाहाचिगा लागिमाड् ओम॥ १७जेप्पा का न्निड्दा लुमेनेनिन, इसाडा पिछानाछाचिडा लोऱवा निड्वाफुमागा राज्या सुइकार न्जोग्वान, न्ना यारमि हेऱनिड् चा न्नाबे उमा न्दोक्त्वान्ना॥”

थुड्दुना तायेनराड्बा

(मात्ति १६:१६-३०; मारकुस १०:१७-३१)


१८एको तायेनराड्बाडा येसु छिम्दु, “ओ नुराड्बा, हेऱनिड् चा मेन्सिमाना हिड्लुड् तोकमागा का इ चोकडा?”

* १८:१२ दासाम्सा

१६येसुडा न्ना पोलोवा पि, “इजाड् का नुराड्बा लुमेड्गाना? नुराड्बागो निड्वाफुमा सेऱ्ना॥ २०निड्वाफुमागा ब्यावास्था बेरहा आगे गो न्दा थाहा वान्ने, “ब्याभिचार मेन्जोक्मा, याश्मिचि मेन्सिमाचि, मेड्खुमा, मेन्हा चेऱ्याबे इसाचा आप्दिक मेएम्माचि न्हाड् पा मा आदार चोक्माचि””

२१न्ना याश्मिडा पोलावा पि, “ड्रखा घाक आगे गो का पिछा नाहाड्तोमाड् येनुकतुकसुड्॥”

२२खा खेप्सुहोड् येसुडा न्ना याश्मि खारला लु, “न्दा चोक्माना काम हाकु चा एको वेना, न्दानुड् वेरहा घाकथोक इनुचोघोड् इहा चा मेवाखुबा तुखिसुम्बाचि हाप्सुबिचि, न्हाड् न्दा वालोक्पे याड्सा तोकत्वाघा, न्हाडा न्दा आहेकसाड् लाचोगा॥” २३ड्रखारनिड्गो खा चेऱ्या खेप्सुहोड् न्ना तायेन्राड्बाडा उनाचिक कुइम चोगु, इजाड्बाड्निड् उड् इब्बेबे थुड्दुना याश्मि सा॥



उट (१८:२५)

२४न्हाडा येसुडा न्ना याश्मि सोसाड्* खारला काया, “थुड्दुहा याश्मिचि निड्वाफुमागा राज्याबे उमा इखिड् छाक्हा! २५थुड्दुना याश्मि निड्वाफुमागा राज्याबे उमा हाक्निड्गो उट लुमेगा होड्बे उमा साजिलो लेड्मेऱ्ना॥” २६खा चेऱ्या खेम्खुबाचिडा येसु न्हिम्तु, “ड्रखारलाभोड् इसाडा मुक्तितोक्मा यास्वानारलो?”

२७उडा ड्रखाचि खारलाना पोलावा पिचि, “याश्मिचिडा चोक्मा मेयामाहा काम चा निड्वाफुमाडा च्हेन चोक्मा यास्वाहा॥”

२८न्हाडा पात्तुरुसडा लु, “कानिड् गो घाकथोक नाओम्डाहोड् ड्गा हेकसाड् लामिमिड्॥”

* १८:२४ इखिड् गिरिक बाइबोलचिबे च्हेन ‘न्ना थुड्दुना तायेन्राड्बाडा उनाचिक लेण्दुना निसुहोड’ भोड् चा छेप्तामा॥

२६ येसुडा डऱ्खाचि खाऱला लुचि, “जेप्पा का निंडा लुमेनेनिन, इसाडा निंडवाफुमागा लागि उपाड्, उहिडऱ्खुमा, उप्पा उमा, उफु उनुन्छा, उच्याचि नाऱवाचि, ३० न्नाडा ना हिड्लुड्बे डऱ्खा हाविनिंद् चा पेक तोकत्वा, न्हाड् तायेना युगपे च्हेन मेन्सिखुबा हिड्लुड् तोकत्वा ॥”

येसुडा फेरि उड् सिमाना उतुम्बे लुचिहा

(मात्ति २०.१७-१६, मारकुस १०.३२-३४)

३१ येसुडा उका एहि चेलाचि मियोरोक काहेतुचिहोड् खाऱला लुचि, “खेप्सानुम, हाकु कानिंद् यारुसालेम्बे खेइहेकिस ॥ निंडवाफुमाभाड् चेकखुबाचिडा का याऱमिगा उच्यागा उतुम्बे न्छेप्तुहा घाक चेत्या न्नाबे पुरा लेड्मेहा ॥ ३२ उड् हेकोहा जातिचिगा मुक्पे आमे, न्हाड् डऱ्खाचिडा उड् खिजे न्जात्वा, इसिनुड् न्जोगवा, न्थोकत्वा, ३३ कोरराडा म्मोकत्वा न्हाड् न्सिस्वा, डऱ्खारनिंद्गो उड् सुम्ना लेन्बे स्यानाभाड् हिड्गिलिक लेड्मेहोड् पोड्मे ॥” ३४ डऱ्खारनिंद्गो चेलाचिडा खा चेत्या एकको चा डऱ्डासुनिन, इजाड्बाड्निंद् खा चेत्या तुम्बिला डऱ्खाचिभाड् चुमियामासा, न्हाडामाड् खा चेत्या उड्चि निंडवाबे मियाड् चा मिर्मा व्यासुनिन ॥

येसुडा मिकसुरुम्बा याऱमि नुमेतुना

(मात्ति २०:२४-३४; मारकुस १०:४६-५२)

३५ इलेन येसु यारिहो बाड्ना साहारगा उयुम्बे तासु ॥ डऱ्खिड्बेला न्नाबे एको मिकसुरुम्बा लाम्बुगा उयुम्बे युडाहोड् नाड्चामास्या ॥ ३६ न्नाडा प्याक याऱमिचि उयुम्भाड् डऱ्खेऱमास्याह थाहा तोकतुचिहोड् छिम्दुचि, “इले लेड्मा सिम्मेहा बा?”

३७ याऱमिचिडा न्ल्लु, “नासारातबेना येसु नाहाड् खेऱमासिम्मेऱना ॥”

३८ खा चेत्या खेप्सुहोड् ना मिकसुरुम्बा खाऱला कासाड् ओक्ता, “ओ हाड् दाउदका उच्या येसु, का दाया चोगाड् ॥” ३९ ओन्दाड् ओन्दाड् लाम्खुबाचिडा उड् स्वाक वाया लुसाड् न्थिन्दु, डऱ्खारनिंद्गो

न्ना भान खारला कासाड् तुकनुड् ओकता, “ओ हाड् दाउदका उच्या” येसु, का दाया चोगाड्! ” ४० येसु लाम्मास्यानुड् येबाहोड् ‘न्ना आयुम्बे तायानुम’ लुचि॥ जोबो न्ना येसुगा उयुम्बे ताया न्हाड् उडा छिम्दु, ४१ “का ड्गा लागि इ चोड्बिनेन्बाड् ना मिम्मेकाना?”

ना मिकसुरुम्बाडा लु, “हाड्बा का फेरि चा निमा यासुड्नि॥”

४२ न्हाडा येसुडा लु, “न्दा निमा याखुबा लेकसा, इजाड्बाड्निड् ड्गा बिस्वासडा न्दा नुमेतामागाना॥” ४३ डंगिड्बेलाकमाड् उड् निमा याखुबा लेकसा न्हाड् निड्वाफुमागा निड् थेन्साड् येसुगा हेकसाड् लामा॥ खा न्निसुहोड् घाक यात्रमिचिडा चा निड्वाफुमागा निड् न्थेन्दु॥


येसु नुड् तिरो पोकखुबा जाखायास

१६ येसु यारिहो साहार लेड्साड् खेऱमास्या॥ २ न्ना साहारबे जाखायास बाड्ना एको थुड्दुना यात्रमि वाया, उड् तिरो पोकखुबाचिगा हाड्गुम्बा साया॥ ३ उडा येसु इसा ओम्भोड् सोरमा मितु, ड्खारनिड्गो उड् नेप्नेप्ना साया, न्हाडा प्याक यात्रमिचिडा ड्डेप्तिहोड् येसु निमा अ्यासुन॥ ४ न्हाडा येसु सोरमा भोड् उड् ओन्दाड् ओन्दाड् लुकसाड् ख्याहोड् एको वेकपुगा सिड्छोड्बे थाडा॥ इजाड्बाड्निड् येसु न्ना लाम्बुभाड् खेऱमास्या॥

५ येसु न्ना ठोड्बे तायाब्याहोड् तो जाखायास सोहोड् खारला लु, “ओ जाखायास, हानि मो उकसा, इजाड्बाड्निड् हेन का म्बाड्बे बास याड्मेड्ना॥” ६ जाखायास सोलोक चोन्सिसाड् मो उकसा, न्हाडा येसु उपाड्बे तिकतेहेतुहोड् स्वागात चोगु॥ ७ खा न्निसुहोड् घाक यात्रमिचिडा “ना यात्रमिगो पापिगा पाड्बेर्ले बास याकसे ख्याना” भोड् बुजुड्बुजुड् ड्गाया॥

८ जाखायास उपाड्बे चेड् पोगाहोड् येसु खारला लु, “हाड्बा खेप्सु, हाकु का आका याड्सागा उचाबेलेक तुखिसुम्बाचि हाप्सुबिवाड्चिड्, न्हाड् यात्रमिचिभाड् लेम्चासाड्, थिन्साड् प्याक याड् पोगुकसुडहा

* १८:३६ हाड् दाउद छोड्गा येसु



जाखायास सिंहभाड् मो
उड्मासिम्मेना (१६:७)

भोड्, का ड्रखाचिगा ना गुना
लासुबिवाड्चिडाहा ॥”

६येसुडा जाखायास लु, “हेन
निंद्वाफुमाडा ना पाड्बेहा
यारमिचि मुक्ति पिकसुचिहा,
इजाड्बाड्निंद् ना चा
आब्राहाम्मा सान्तान माड् ओम ॥
१०का यारमिगा उच्या
म्मासाब्याहाचि योक्से नुड् मुक्ति
पिसे तायामाड्ना ॥”

साम्याड् याड्गा ताप्चेत्या

(मात्ति २५:१४-३०)

११येसुडा लुचिहा चेत्या ड्रखाचिडा ड्रखेम्मास्या ॥ ड्रखिड्बेला येसु
यारुसालेम साहारगा उयुम्बे तायाब्यामासा ॥ यारमिचिडा
निंद्वाफुमागा राज्या येसु यारुसालेम तास्वाहोड् सोलोक तामेना भोड्
मितामासा ॥ ड्रखा चेत्या थातोक्तुहोड् उडा ड्रखाचि एको खाऱलाना
ताप्चेत्या लुचि, १२“एको थुडुना यारमि उका खाम्युक्का हाड्
लेड्दारामागा एको माडुना खाम्युक्पे ख्या ॥”* १३उड् खेत्माहाकिंड्
ओन्दाड् एखेड् उका नोकारचि काचिहोड् एको एको साम्याड्गा याड्
पिसाड् खाऱला लुचि, ‘का मेलान्दारारले सोम्मा खा याड्डा बेपार
चोगानुम ॥’ १४ड्रखारनिंद्गो उका खाम्युक बेहा यारमिचिडा च्हेन उड्
साप न्थाक्तुक्सानिन, न्हाड् उड् खेब्याहोड् खाऱला लुसे हाड्लाम्बाचि
म्बाक्सुचि, ‘ना यारमि आनिंद्गा लागि हाड् न्लेड्निन्नि ॥’

१५हेक्साड् न्ना यारमि हाड् लेक्साहोड्माड् लासाराया ॥ तायाब्याहोड्
सोलोक उडा याड् पिओचिहा नोकारचिडा बेपार न्जोगुहोड् इखिड्
याड् डुडुबुहा भोड् छिम्मागा काचि ॥ १६इम्ना नोकारडा तायाहोड्

* १६:१२ ड्रखिड्बेला रोमि हाड्गा तायेन्बे प्याक खाम्युक्चि ड्रवाया ॥ ड्रखाबे
राज्या चोक्खुबा घाकडा रोमि हाड्गा तायेन्बे युड्माहोड् राज्या चोक्माहा साया ॥

खारला लु, ‘आहाड्बा, न्दा पित्र्याड्गाना एको साम्याड् याड्डा हेकोहा एखेड् याड् उबुकसुड्चिड्हा॥’ १७हाड्डा न्ना लु, ‘सेब्बास! न्दा उचुन्ना नोकारगान, न्दा मिना चेऱ्याबे चा बिस्वासिलो लेकसागा, हाकु का न्दा एखेड् साहारचिगा तायेनराड्बा चोड्मेनेन्ना॥’ १८हिम्ना नोकार तायाहोड् लु, ‘आहाड्बा, न्दा पित्र्याड्गाना एको याड्डा हेकोहा फा याड् उबुकसुड्चिड्हा॥’ १९न्हाडा न्ना लु, ‘न्दा चा फा साहारगा तायेनराड्बा चोड्मेनेन्ना॥’

२०न्हाडा हेकोना नोकार तायाहोड् लु, ‘आहाड्बा, ड्गा याड् न्हे वेना॥ ना का तेकपे छुडुड्होड् चुमुकसाड्ना॥’ २१का न्दानुड् किसिताड् इजाड्बाड्निड् न्दा छाकना यात्रमिगान॥ न्दा गो म्बिन्चिगान्हा चा नाकत्वाचिगा, न्दा ड्होयेतुगान्हा ठोड् भाड् चा चाचित्र्या खोप्स्वागा॥’ २२हाड्डा न्ना लु, ‘ओ इसिना नोकार, ड्गा चेऱ्याभाड् माड् का ड्गा चोड्बिर्मेनेन्ना॥ म्बिन्चिडान्हा चा नाकखुबा, न्हाड् ड्होयेतुडान्हा ठोड्भाड् चा खोम्खुबा का छाकना यात्रमिडान भोड् न्दा था वायामा, २३ड्खारलाभोड् न्दा आका याड् इजाड् उच्याबे न्दिसुगान्हा? उच्याबे तिसुकसागानिड्बि का लासारायाड्निड् आका याड्गा उच्या गो तोकतुड्बि॥’

२४न्हाडा हाड्डा न्नाबे य्येबाहाचि खारला लुचि, ‘न्नानुड् वेना याड् नाप्तानुम्घोड् एखेड् याड् वाखुबा पियानुम॥’ २५ड्खाचिडा न्लु, ‘आहाड्बा उका गो एखेड् याड् ड्डोरह्याचि लो!’ २६हाड्डा खारला लुचि, ‘का न्निडदा लुमेनेनिन, इसानुड् वान्ने, न्ना हाकुचा प्याक पिम्मे, ड्खारनिड्गो इसानुड् मान, न्ना भाड् मित्र्याड् वायाहा चा नाप्निमे॥

२७हाकु का हाड् लेकसाड्ना साप मेन्थाकखुबा आसात्तुरचि नाबे तायानुम्चिम्घोड् आयुम्बे सिसानुम्चिम॥”

यारुसालेम्बे येसु स्वागात न्जोगुना

(मात्रि २१:१-११; मारकुस ११:१-११; युहान्ना १२:१२-१४)

२८ना ताप्चेऱ्या लुइचिहोड् येसु यारुसालेम पोटि लाचोगा॥ २९उड् बेथफागे नुड् बेथानि तेन्गा उयुम्बेना जाइतुन बाड्ना कोड्गुबे तासु॥ न्हाडा हिप्पाड् ओचेलाचि खारला लुचिहोड् पाकसुचि, ३०“युयुन्ना

तेन्बे ख्याचि, न्नाबे न्जिडा खिड्सोम्मा इसाडाचा ड्युक्तुनिन्ना गाधागा उच्या छुयानेसाना तुम्मेचुगा ॥ न्ना फुक्साचुघोड न्हे तायाचु ॥ ३१ यारमिचिडा ‘ना इजाड फुडमेचुगाना?’ ल्याचिगा भोड, ‘हाड्बा चाहाबा चोगामाना?’ भोड लुयाचुचि ॥” ३२ ड्रवा हिप्पाड चेलाचि तेन्बे ख्याचि, न्हाड उड्चि येसुडा लुचिहा लोर्वा छुयामासाना गाधागा उच्या तुप्साचु ॥ ३३ ड्रवाचिडा न्ना फुडमास्याचिनिड उहाड्बाचिडा न्छिम्दुचि, “ना इजाड फुडमासिम्मेचिघा, ह्या?”

३४ ड्रवाचिडा लुयाचुचि, “ना हाड्बा चाहाबा चोगामाना ॥” ३५ न्हाडा उड्चिडा न्ना गाधा खेताचुहोड न्नागा उमिसिड्बे उड्चि फोर्मा थिक्साचुचि न्हाडा येसु न्ना छोड्बे थाड्मेताचु ॥

३६ येसु खेतमास्यानिड यारमिचिडा उड आदार चोक्मागा उड्चिगा फोर्माचि लाम्बुबे न्थिक्सुबि ॥

३७ येसु जाइतुन कोडगुगा उइमालाड्नाबे तायाब्यानिड उडा चोगुहा आचाम्मागा काम मितुहोड घाक यारमिचिडा चोन्सिसाड ओक्सेम्लाडा निड्वाफुमागा निड थेम्मा न्दारोक्तु-

यारुसालेम्बे येसु ख्याना (१६:३६)

३८ “हाड्बा निड्वाफुमागा उनिड्बे ताखुबा हाड इखिड आसिक तोकखुबा ओम! वालोकपे हाड्हाड लेडनि, न्हाडा निड्वाफुमागा माहिमा लेडनि ॥”*

* १६:३८ थेम्मा छेप्ताप ११८:२६



३६ ड्रूखारनिङ्गो प्याक यात्रमिचिगा लुम्बे ड्रवाह्या एको हिप्पाड् फारिसिचिडा येसु न्ळु, “चिन्खुबा, डगा चेलाचि स्वाक वायानि भोड् लुचि ॥”

४० येसुडा पोलोवा पिचि, “का न्निङ्गदा लुमेनेनिन, खाचि स्वाक ड्रवाया भोड् गो लुड्रवाकिच ले डुडोड्मेहा ॥”

येसु यारुसालेम्गा लागि हाबाना

४१ येसु यारुसालेम साहारगा उयुम्बे तायाब्यानिङ्गन्ना साहार निसुहोड् हाप्साड् खाऱला काया, ४२ “ओ यारुसालेम बेरहा यात्रमिचि, न्निङ्गदा हेन हाड्हाड् इमिन तोकमाना भोड् निसुम्गानिङ्गबि उचुन लेकसाबि! ड्रूखारनिङ्गो न्निङ्गदा न्निसुम्गान ॥ ४३ हाकु खाऱलाहा लेन न्दामे, न्निङ्गा सातुरचिडा न्निङ्गदा यो खे, तो मो घाक पाहाड् खिरिरि ओन्दिवाधोड् न्छेकितवागा ॥ ४४ ड्रूखाचिडा यारुसालेम नुड् न्नाबे वाखुबा घाक यात्रमिचि नास चोगिरवागा ॥ ड्रूखाचिडा एको लुड्रवाक चा मेयुड्ले घाक ड्रहोराकस्वा, इजाड्बाड्निङ्ग निङ्गवाफुमा न्निङ्गदा हिङ्गमेसे तायाना बेला चिनातोकमा ड्र्यासुम्गान ॥”

येसु निङ्गवाफुमापाड्बे

(मात्ति २१:१२-१७; मारकुस ११:१५-१६; युहान्ना २:१३-२२)

४५ न्हाडा येसु निङ्गवाफुमापाड्गा
चाराम्बे रुया न्हाड् उडा न्नाबे
बेपारिचि खाऱला लुसाड्
लोन्धाकसुचि, ४६ “धारमासाप्लाबे
खाऱला छेप्तामा, ‘आपाड्
पारथाना चोकमाना पाड्
लेड्मेना’ ड्रूखारनिङ्गो न्निङ्गदा
ना खुसुबाड्चिगा लुड्ढाड् ले निङ्गवाफुमापाड्भाड् येसुडा
चोगुकसुम्गाना ॥”*



घाक इकताहाकसुचिहा (१६:४६)

* १६:४६ यासाइया ५:६७, यारमिया ७:११

४७न्हाडा येसुडा लेन्गा लेन निझ्वाफुमापाड्बे चिन्दुचि ॥
झ्खारनिझ्गो खाड्खाड्ह हाड्खुबाचि, धारमासाप्ला चिन्खुबाचि नुड्ह
हेकोहा हाड्गुम्बाचिडा उड्सिमा य्योगु ॥ ४८झ्खारनिझ्गो झ्खाचिडा
हेनेचा माउका न्दोकतुनिन, इजाड्बाड्निझ्ग घाक यारमिचिडा उडा
चिन्दुचिहा चेऱ्या खेम्मा साप न्थाकतु ॥

येसुगा चोक्तोळ्का उतुम्बे छिम्योक

(मात्रि २१:२३-२७, मारकुस ११:२७-३३)

२० इलेन येसुडा निझ्वाफुमापाड्गा चाराम्बे यारमिचि चिन्साड्ह
नुसाला खेम्मेन्मास्या ॥ ड्खिड्बेला धारमासाप्ला
चिन्खुबाचि, खाड्खाड्ह हाड्खुबाचि नुड्ह हेकोहा हाड्गुम्बाचि न्नाबे
न्दायाहोड्येसु न्छिम्दु, २“कानिझ्ग लुया, न्दा हेना चोक्तोकडा खा
काम चोकमा सिम्मेकाना? ना चोक्तोक इसाडा प्यागाना?”

३येसुडा झ्खाचि खारलाना पोलोबा पिचि, “का चा न्निझ्दा एको
चेऱ्या छिम्मेनेनिन, का पोलोबा प्या ॥ ४युहान्नाडा बाप्तिस्मा
पिर्माना चोक्तोक हेनाहाड्ह तोक्तुना? निझ्वाफुमाभाड्ह येम,
यारमिचिभाड्ह?”

५खा झ्खेप्सुहोड्ह उड्चि उड्चि खारला कामा न्दारोक्तु, “हाकु
कानिझ्ग इ लुम? निझ्वाफुमाभाड्ह लुम्बाड्निझ्ग ‘इजाड्ह उड्ह बिस्वास
न्जोगुमान्ना?’ भोड्ह छिम्मे ॥ ६यारमिभाड्ह लुम्बाड्निझ्ग खा न्छुप्साहा
यारमिचिडा लुड्खाकडा लेम्सिमे, इजाड्बाड्निझ्ग झ्खाचिडा युहान्ना
निझ्माफुमाभाड्ह चेक्खुबा भोड्ह जेप्पागा बिस्वास न्जोगवा ॥”
७न्हाडामाड्ह झ्खाचिडा येसु न्लु, “इस्साड्ह, हेनाहाड्ह तोक्तुना कानिझ्ग
था मान्ना ॥”

८झ्खोड्ह येसुडा चा खारला लुचि, “झ्खारलाभोड्ह का चा हेनाहाड्ह
चोक्तोक तोक्तुड्होड्ह खा काम चोकमा सिम्मेड्ना, न्निझ्दा
न्लुमेनेनिन्हा ॥”

सिम्लेत्माड्हाम आध्या चोकखुबा यात्रमिचि

(माति २१:३३-४६; मारकुस १२:१-१२)

६न्हाडा येसुडा यात्रमिचि खाऱ्लाना ताप्चेऱ्या लुचि, “एको यात्रमिडा लाम्धाड्बे सिम्लेत्माड् एन्टु, न्हाड् न्ना सिम्लेत्माड्हाम आध्याबे यात्रमिचि पिओचिहोड् प्याक लेन्गा लागि उड् हेकोना खाम्युक्पे रळ्या ॥ १० सिम्लेत्माड् तुमाहोड् हूवाड्बाडा उभाक लाल्लासे एको उका नोकार पाकसु ॥ डूखाऱनिड्गो डूखा यात्रमिचिडा न्ना म्मोक्तुहोड् इहाचा मेम्बिनाहाड्ले खाऱ्ला न्लासाहाकसु ॥ ११ न्हाडा लाम्धाड्गा हूवाड्बाडा हेकोना नोकार चा पाकसु, डूखाचिडा न्ना चा म्मोक्तु न्हाड् इसिनुड् न्जोगुहोड् इहा चा मेम्बिर्ले न्लासाहाकसु ॥

१२ न्हाडा उडा फेरि हेकोना नोकार पाकसु ॥ डूखाचिडा न्ना चा सिमा ना हिड्मा न्जोगुहोड् सिम्लेत्माड् हाम्भाड् न्लोधाहाकसु ॥

१३ खिड् लेक्साब्याहोड् सिम्लेत्माड् हाम्मा हूवाड्बाडा काया, ‘हाकु का इ चोकडा? आलुड्मा तुक्तुना आच्या पाकस्वाड्ना, डूखाचिडा उड्गो आदार न्जोगवाना लोप्पि ॥’ १४ डूखाऱनिड्गो डूखा आध्या चोकखुबा यात्रमिचिडा उड्चि हूवाड्बागा उच्या तायेऱ्ना न्निसुहोड् खाऱ्ला साल्लाहा न्जोगा, ‘न्ना तायेऱ्ना सिम्लेत्माड्हाम्मा हूवाड्बागा उच्या ओम ॥ आबानि, कानिड् न्ना सिसुम न्हाड् न्नागा याड्सा घाक एड्गा लेड्मेहा ॥’ १५ न्हाड् डूखाचिडा उड् सिम्लेत्माड्हाम्भाड् न्लोन्धेत्तुहोड् न्सिसु ॥”

येसुडा छिम्दुचि, “हाकु न्ना सिम्लेत्माड्हाम्मा हूवाड्बाडा डूखाचि इ चोगवाच्याह लोप्पि? १६ का न्निड्दा लुमेऱ्नेनिन, उड् तामेहोड् डूखा आध्या चोकखुबाचि घाक सिस्वाचि, न्हाड् सिम्लेत्माड्हाम हेकोहा यात्रमिचि पिवाचि ॥”

खा डूखेप्सुहोड् यात्रमिचिडा डूगाया, “डूखाऱ्ला गो हेऱनिड्चा लेड्निन्नि ॥”

१७ येसुडा डूखाचि सोसाड् खाऱ्ला लुचि, “डूखाऱ्ला न्लेक्सान्भोड् धारमासाप्लाबे छेप्ताना ना चेऱ्या इमिन आमेत्माहाचि?

‘लुङ्घेड्बाचिडा काम लान्जोड्मेन्ना डगायाहोड् ल्लेप्ताहाकसुना
लुड्खाकमाड् सुरगा मुकखे लुड्खाक लेकसाना ॥’*

१८ना लुड्खाक छोड्बे आरनुड्खुबा घाक टुकरा टुकरा न्लेड्मे,
न्हाड् इसा छोड्बे न्ना लुड्खाक आरनुड्मे न्ना पिच्चिक वाच्चिक
लेड्मेन्ना ॥” १९धारमासाप्ला चिन्खुबा नुड् खाड्खाड् हाड्खुबाचिडा
खा चेऱ्या उड्चिगा बिरुद्दाबे येसुडा लुचिहा ओम बाड्ना था
न्दोकतुहोड् उड् नाबेरमाड् लाप्मागा न्जोगु, ड्खारनिड्गो ड्खाचि
यारमिचिनुड् ड्गिसिता ॥

तिरो हुड्माना उतुम्बे छिम्योक

(मातिं २२:१४-२२; मारकुस १२:१३-१७)

२०उड्चिडा येसु स्वाक लाप्माभोड् सुकमा न्दारोकतु ॥ न्हाड् एको
हिप्पाड् यारमिचि, ‘धारमि यारमिचि लोर्वा लेक्सिखेइघोड् उडा
खोक्सिरवाहा चेऱ्याबे लाबानुम’ न्लुचिहोड् येसुगा चियो चोक्से
म्बाकसुचि ॥ उड्चिडा येसुडा खोक्सिहा चेऱ्याबे लाप्माहोड् रोमि
तायेन्राड्बागा उमुक्पे पित्रमा भोड् न्सुक्तुकसा ॥ २१ड्खाचि ड्ख्याहोड्
येसु खारला न्छिम्दु, “चिन्खुबा, कानिड् था वान्ने, न्दा ठिक चेड्मेका
न्हाड् ठिक चिम्मेका, इसाचा तो मो स्वान्विगान, न्दा गो जेप्पागा
निड्माफुमागा लाम्बु सोर्मेमेका ॥ २२कानिड् लुया, एड्गा ब्याबास्थाबे
छेप्ताहालोर्वा रोमि हाड् तिरो हुड्मा ठिकनायेम मेन्नायेम?”

२३ड्खारनिड्गो येसुडा
ड्खाचिगा इसिना निड्वा
निसुहोड् खारला लुचि, २४“का
एको युप्पायाड् सोप्मेता ॥ नाबे
इसागा नाकसा नुड् उनिड्
वेना?”

ड्खाचिडा ल्लु,
हाड्गा ॥”



ड्खिड् बेलाकहा याड् (२०:२४)

* २०:१७ छेमा छेसाप ११८:२२

२५ उडा ड्रवाचि लुचि, “ड्रवार्लाभोड् हेखा रोमि हाड्गा ओम, ड्रवा उड्माड् पियानुम, न्हाड् हेखा निड्माफुमागा ओम निड्माफुमा पियानुम ॥”

२६ ड्रवाचिडा यात्रमिचिगा युम्बे हेखा चा चेत्याबे येसु फासाचोकमा अय्यासुनिन, न्हाड् उडा पिचिहा पोलोवाबे म्माकसाब्याहोड् स्वाक ड्रवाया ॥

सिमाहोड् हिड्गिलिक लेड्मानागा उतुम्बे छिम्योक

(मात्रि २२ः२३-३३; मारकुस १२ः१८-२७)

२७ यात्रमि सिमाहोड् हिड्गिलिक न्लेक्सिवान्हा भोड् मिखुबा सादुकि छुम्गा एकोहिप्पाड् यात्रमिचि येसु वायानाबे न्दायाहोड् उड् खार्लाना छिम्योक न्छिम्टु, २८ “चिन्खुबा मोसाडा कानिड् व्यावास्थाबे खार्ला छेप्ताब्यामा, ‘इसा बाबु थाड् छेड्मेहोड् उच्या मेवाले सिम्मे, न्नागा लाड्निमा लेक्साना उहिड्खुमा उका उमोटेड्बाडा थाड् छेडुहोड् उफुगा लागि च्याचि तोकचुचिनि ॥’* २९ इमा ला फुनुन्छा ड्रवाया ॥ ड्रवाचिबे तुम्ना थाड् छेडाहोड् उच्या मेवाले स्या, ३० न्हाडा छालुम्बाडा लाड्निमा उभाउजु थाड् छेडु, ड्रवार्निड्गो उड् चा उच्या मेवाले स्या ॥ ३१ न्हाडा पाकछालुम्बाडा थाड् छेडु, उड् चा उच्या मेवाले स्या ॥ ड्रवार्लामाड् ड्रवा घाक फुनुन्छाचिडा उड्चि भाउजुनुड् थाड् न्छेडा ड्रवार्निड्गो च्या मेवाले घाक न्स्या ॥ ३२ हेक्साड् न्ना मेच्छा चा स्या ॥ ३३ हाकु सिमाहोड् हिड्गिलिक लेड्मानिड् न्ना मेच्छा इसागा उहिड्खुमा लेड्मेना लोप्पि? इजाड्बाड्निड् ड्रवा घाक नुड् उड् थाड् छेडामासा ॥”

३४ येसुडा ड्रवाचि खार्लाना पोलोवा पिचि, “ना कायुड्लेन्बे वाखुबा यात्रमिचि थाड् न्छेड्मे न्हाड् न्छेडुबिवाचि ॥ ३५ ड्रवार्निड्गो न्स्याह्या भाड् हिड्गिलिक न्लेक्साहोड् वालोकपे खेऱमा लाइक न्लेक्साहा यात्रमिचि च्हेन थाड् न्छेड्मेनिन न्हाड् न्छेडुबिवान्चिनिन चा ॥ ३६ ड्रवाचि फेरि हेऱनिड् चा न्सिमेनिन, इजाड्बाड्निड्

* २०ः२८ व्यावास्था २५ः५

वालोकदुतचि लोऱ्वा न्लेड्मे॥ ड्र्खाचि निड्वाफुमाडा स्याहाभाड्
हिड्गिलिक लेड्मेतुचिहोड् हेरनिड् चा मेन्सिमाना हिड्लुड् पिचिहाडा
निड्वाफुमागा उच्याचि न्लेड्मे॥ ३७न्स्याहा यारमिचि ड्रहिड्मेहा
बाड्ना चेऱ्यागा पारमान गो मोसाडा चा उचुन पियामा॥ उडा
हाम्मास्याना बुट्टागा उतुम्बे छेप्तुनिड् हाड्बा निड्वाफुमा,
‘आब्राहाम, इसाहाक नुड् याकुबका निड्वाफुमा भोड् लुकसु॥’*
३८उड् गो न्स्याहाचिगा मेन्ना ड्र्खाशनिड्गो हिड्गिलिकहाचिगा
निड्वाफुमा ओम, इजाड्बाड्निड् निड्वाफुमागा सोयाइबेको घाक
हिड्गिलिकहाचि॥”*

३९एको हिप्पाड् धारमासाप्ला चिड्खुबाचिडा येसु खारला न्लु,
“चिन्खुबा, न्दा उचुन्ना पोलोबा पियाघा॥” ४०न्हाडा ड्र्खा
यारमिचिडा येसु इहाचा चेऱ्या छिम्माना आट माड् चोक्मा
य्यासानिन॥

खिरिस्टगा उतुम्बे छिम्योक

(मात्ति २२:४१-४६; मारकुस १२:३४-३७)

४१येसुडा ड्र्खाचि छिम्दुचि, “यारमिचिडा मुक्ति पिखुबा हाड्
खिरिस्ट इमिन दाउद हाड्गा सान्तान भोड् न्ल्वाना? ४२-४३दाउदडा
छेप्तुना छेम्मा छेप्ताप्पे उडा खारला कायामा-

‘हाड्बा निड्माफुमाडा आका हाड्बा लु,

डगा सात्तुरचि डगा ल्लाड्डा

मेम्बामेले सोम्मा

न्दा छुप्ताड् आमुक पोटि युडा॥’*

४४दाउदडा माड् खिरिस्ट ‘हाड्बा’ ल्वानाभोड् इमिन खिरिस्ट
दाउदका सान्तान लुऱ्माना?”

* २०:३७ प्रास्थान ३:६

* २०:३८ यारमि सिमे होड्चा उका आत्मा न्सिमेन्ना॥

* २०:४२-४३ छेम्मा छेप्ताप्पे

ब्यावास्था चिन्खुबाचिगा बिरुद्दाबे चेतावानि

(माति २३:१-३६; मारकुस १२:३८-४०)

४५ घाक यारमिचिडा डऱ्खेप्सुकसानिड्माड् येसुडा ओचेलाचि खाऱला
लुचि, ४६ “धारमासाप्ला चिन्खुबाचि भाड् थाड्थाड् वायानि॥
डऱ्खाचिडा गो सोरमेमागा लागि प्याक ओमेन आखुबा तेक
डऱ्वावाहोड् कोर्मा म्मिमे, न्हाड् बाजारबे यारमिचिडा आदार चोकहोड्
सेमेरनि भोड् म्मिमे न्हाड् याहुदि छुम्पाड्बे नुड् होकताबे उचुन्हा
उचुन्हा माम्माहा यारमिचि युड्माहा युकथाम्बे युड्मा य्योड्मे॥
४७ डऱ्खाचिडा लाड्निमाचिगा घाक याड्सा न्नासेहेतुबिवाचि न्हाड्
सोरमेमागा लागि केडगेहा पारथाना न्जोड्मे॥ डऱ्खाऱलाहा यारमिचिडा
घाक हाकिनड् माडा दान्डा न्दोक्त्वाना॥”

लाड्निमागा भेटि

(मारकुस १२:४१-४४)

२१ येसुडा
निड्वाफुमापाड्गा
भेटि याड्धाड्बे थुड्दुहा
यारमिचिडा भेटि डऱ्डेन्मास्याहा
निसुचि॥ २न्नाबे उडा एको
तुखिसुम्मा लाड्निमाडा चा
ताबागा हिच्चि याड् एन्दुचिहा
निसु॥

३ खा निसुहोड् येसुडा लुचि,
“जेप्पा का न्निड्दा लुमेनेनिन, ना
तुखिसुम्मा लाड्निमाडा घाक
हाकिनड् प्याक भेटि एन्दुकसुहा॥
४ इजाड्बाड्निड् खाचि घाकडा
डऱ्डोन्दुहा याड्साभाड् भेटि
डऱ्डेन्दुक्सु, डऱ्खाऱनिड्गो ना



लाड्निमाडा भेटि
एन्मासिम्मेना (२१:२)

लाड्निमा तुखिसुम्माहोड् चा उका घाकथोक चोकमाहा याड् नाबे एन्दुकसुहा॥”

येसुडा यारुसालेम निंद्वाफुमापाड्गा उतुम्बे लुचिहा

(मात्ति २४:१-१४; मारकुस १३:१-१३)

५इमा येसुगा चेलाचि निंद्वाफुमापाड्गा उतुम्बे खारला कासाड् साला न्लेम्मास्या, “उचुन्माचेकहा लुड्ख्वाकिचिडा चोगाना नुड् निंद्वाफुमाबे न्दिसुहा भेटिडा सिड्रा चोगाना ना निंद्वाफुमापाड् इखिड् उचुन्ना उड्!” ड्खारनिंद्गो येसुडा ड्खाचि खारला लुचि, ६“खारलाना लेन ताम्मे, न्ना लेन लोप न्है ड्डोताहा पाड्चिगा एको लुड्ख्वाक छोड्बे हेकोना लुड्ख्वाक चा मेयुड्ले घाक ड्होराहाकस्वा॥”

७ड्खाचिडा न्छिम्दु, “चिन्खुबा, खा घाक हेऱनिड् लेड्म्याहा? न्हाड् खारला लेकसेहेकसाहाभोड् कानिड् इमिन था तोकमाहा?”

८येसुडा लुचि, “थाड्थाड् वायानि, न्निडदा इसाडा चा लेम्चामा ड्यासिगान्नि, इजाड्बाड्निड् प्याक यारमिचि आनिड् बे ‘खिरिस्ट का माड् ओम्डान’ कासाड् न्दामे न्हाड् ‘हाकु ना कायुड्लेन नास्टा लेड्माना बेला तायाब्याना’ भोड् लुइवागा ड्खारनिंद्गो ड्खाचिगा हेकसाड् लान्जोगानिन॥ ९माम्माहा लाडाइ नुड् ड्खियाहा न्दुयाहा चेऱ्या खेप्स्वामानिड् ड्गिसितानिन, ड्खा घाक चेऱ्या ओन्दाड् इमिन्होड् चा लेड्मेहा॥ ड्खारनिंद्गो ड्खिड् बेलाकमाड् कायुड्लेन नास्टा गो न्लेड्मेन्ना॥”

१०येसुडा फेरि लुचि, “जातिगा बिरुद्दाबे जाति, नुड् खाम्युकका बिरुद्दाबे खाम्युक म्बोड्मे॥ ११प्याक ठोड्बे माम्माहा लुप्लिबा ड्खेमे, न्हाडा घाकपे आनिकाल पोकत्वा, उमुरुड् पोकत्वा न्हाड् ताड् खेड् बे किसिर्मा लुलुहा चिड्गो ड्डोमे॥ १२ड्खारनिंद्गो खा घाक चेऱ्या लेड्मा हाकिनड् ओन्दाड्, न्निडदा का विस्वास चोगाघाडा यारमिचिडा लाबिर्वागा, तुखि पिइवागा, याहुदि छुम्पाड् बे खेतिर्वागाघोड् आप्दिक एन्दिर्वागा न्हाड् छेकपाड् बे छेकितर्वागा॥ ड्खाचिडा न्निडदा हाड्चि नुड् तायेन्राड्बाचिगा ओन्दाड्

येप्पेतिरवागा ॥ १३न्ना चहेन आका उतुम्बे याश्मिचि लुऱ्माना न्निड्गा उचुन्ना माउका लेड्मे ॥ १४न्हाडामाड् न्निड्दा हिड्मागा लागि इ लुऱ्माहाचि लोप्पि भोड् ओन्दाड् माड् चिन्ता न्जोगानिन ॥ १५इजाड्बाड्निड् का न्निड्दा खाऱ्लाहा चेकमाहा चेत्या नुड् न्निड्वा पिप्मेनेनिन, न्निड्दा लुच्चिम्बा चेत्यागा पोलोबा न्निड्गा बिरोधिचि इसाडा चा पित्र्मा ड्यासिरवागान न्हाड् न्निड्गा चेत्या मेन्हा भोड् कामा चा ड्यामेनिन ॥ १६न्निड्दा न्निड् पा माडा, फुनुन्छाडा, आफान्ताचिडा नुड् काम्निभाक्चिडा चा लाप्पेतिवागा, न्हाड् न्निड्दाबे इखिड् गो सिमेतिरवागा ॥ १७का बिस्वास चोगाघाडा घाक याश्मिचिडा न्निड्दा इसितिरवागा ॥ १८ड्खारनिड्गो न्निड्गा एको ताम्फोक चा न्निड् टुखुरुकपाहाड् ड्डाड्खेमेन्ना ॥ १९न्निड्दा खा घाक चेत्या आड्दानुम न्हाड् न्निड्दा हिड्लुड् तोक्त्वाम्माना ॥”

यारुसालेम साहार नास लेड्माना सालेन

(मात्रि २४:१५-२१; मारकुस १३:१४-१६)

२०“न्निड्दा यारुसालेम साहार काड्सोरेचिडा खिरिरि ड्डोन्दुना निस्वाम्मानिड् हाकु न्ना साहारगा नास लेड्माना बेला तायामाना बाड्ना चेत्या था तोकतानुम ॥ २१ड्खिड्बेलाक याहुदिया लिड्खाम्बे वाखुबाचि चोम्कोड् पोटि लुकतार्ह्यानि ॥ साहारबे वाखुबाचिडा साहार नात्यानुम, न्हाड् तेनबे वाखुबाचि साहारबे ड्डुयानिन ॥ २२इजाड्बाड्निड् धारमासाप्लाबे छेप्ताहा घाक चेत्या पुरा लेड्मागा खा दान्डा पिप्माहा लेन्चि न्लेड्मे ॥ २३ड्खा लेन्चिबे फोक खुखुमाचि नुड् नु उड्मेखुमा मामुचिगा लागि इखिड् किरमालुलु लेड्मेहा लोप्पि! इजाड्बाड्निड् ना खाम्युक घाकपे किसिरमालुलुहा तुखि आन्दारामे, न्हाड् निड्वाफुमागा डान्डा खा घाक याश्मिचि छोड्बे आमे ॥ २४ड्खाचि कि साम्बेकडा न्जेनिसिरवाचि कि खाम्युक खाम्युकपे छेकपा न्जोघेत्वाचि ॥ ड्खोड् हेकोहा जातिचिगा लेन पुरा मेलेड्ले सोम्मा ड्खाचिडा यारुसालेम साहार म्बात्वा म्बित्वाना ॥”

यात्रमिगा उच्या तामाना उतुम्बे

(मात्ति २४:२६-३१; मारकुस १३:२४-२७)

२५“नाम, ला नुड् चोकचोकिचिबे तोत्तेहा चिड्गो ड्डोमे॥ सामुन्दारा कायाना नुड् किसिर्मा लुलुहा छाल्चिडा ताम्दाम्फुमाभोरि घाक जातिगा यात्रमिचि तुकनुड् इगिसिमे न्हाड् चिन्ताबे ड्डामे॥ २६हाकु ताम्दाम्फुमाबे ताहेकसाहा तुखि मित्वाहोड् किसिर्माडा यात्रमिचि उड्चि लावाडा नाऱवाचि, इजाड्बाड्निड् ताड्खेड्बेहा घाक साक्तिचि य्योड्मे॥ २७न्हाडा का यात्रमिगा उच्या खिम्पुरुम्माबे माडा साक्तिनुड् माहिमाबे तायेना निमे॥ २८खारलाहा चेऱ्या लेड्मा तारोकत्वानिड् निड्दा मेड्गिसिर्ले चेड् येबानि, इजाड्बाड्निड् निड्गा मुक्तिनिड्युम्बे तायेना॥”

वेक्पुगा उथाप्का ताप्चेऱ्या

(मात्ति २४:३२-३५; मारकुस १३:२८-३१)

२६न्हाडा येसुडा ड्खाचि ना ताप्चेऱ्या लुचि, “वेपु नुड् हेकोहा घाक सिड्गा उथाप सोयानुम, ३०ड्खाबे ओछोड्डा उलाभाक क्याहा निस्वाम्मानिड् निड्दा था तोकत्वाम्मा नाम्तुक्नाम* लाचोघेकसाना॥ ३१ड्खारलामाड् का लुऱनेनिन्नाहा खा घाक चेऱ्या लेड्मा तारोकतुहा निस्वाम्मानिड् निड्वाफुमागा राज्या तायाबेहेकसाना भोड् था तोकतानुम॥ ३२जेप्पा का निड्दा लुमेनेनिन, खा घाक चेऱ्या पुरा मेलेड्ले सोम्मा ना पुस्तागा यात्रमिचि नास न्लेड्मेनिनाह॥ ३३ताड्खेड् नुड् ताम्दाड्फुमा मान्दिमेचि ड्खारनिड्गो आका चेऱ्या हेऱनिड् चा म्मान्दिमेन्हा॥

थाड्थाड् वायानि

३४“निड्दा थाड्थाड् वायानि, प्याक होकतानाम्दाबे न्लामानिन, सिड्घोसाड् न्लामानिन, ना हिड्लुड्गा चिन्ता न्जोगानिन॥ मानुड् गो

* २१:३० गिरिस्मा रितु

न्निड्गा निड्वा पोम्ना लेड्मे न्हाड् न्ना लेन न्वाकिच वाइबे डळामेहा
लोरवा म्मितुमान्ना बेलाबे तामे॥ ३५ताम्दाड़फुमाबे वाखुबा घाक
यारमिचि छोड्बे न्ना लेन आन्दारामे॥ ३६न्हाडामाड् चेन्चेन वायानि॥
‘ड़खा घाक किसिर्मा लुलुहा चेऱ्याभाड् हिड्माहोड् का यारमिगा
उच्यागा उयुम्बे मेड्गिसिर्ले येप्मा यामाना साक्ति कानिड् प्या’ भोड्
निड्वाफुमा नुड् साधाइ पारथाना चोगानि॥”

३७येसुडा लेशनि लेशनि निड्वाफुमापाड्बे चिन्दुचि न्हाड् सेशनि च्हेन
जाइतुन बाड्ना कोड्गुबे वासे ख्या॥ ३८उका चेऱ्या खेम्से यारमिचि
भेनिक निड्वाफुमापाड्बे न्दायामासा॥

येसु सिमा न्सुक्तुना

(मात्ति २६:१-५, १४-१६; मारकुस १४:१-२, १०-११; युहान्ना ११:४५-५३)

२२ खामिर मेएन्लेहा चालेप्पा चामाना याहुदिचिगा फोड्
होक्नाम ताहेक्सासा॥ २खाड़खाड् हाड़खुबाचि नुड्
धारमासाप्ला चिन्खुबाचिडा येसु सिमा न्जोगुक्सा, ड़खारनिड्गो
यारमिचि नुड् ड़गिसिताहोड् उड् स्वाक सिमागा सुक्मा न्दारोक्तु॥

३न्हाडा ड़खा एहि चेलाचि माध्येबे एको याहुदा इस्कारियोतका
उनिड्वाबे साइतान उया॥ ४ड़खोड् याहुदा खाड़खाड् हाड़खुबाचि नुड्
निड्वाफुमापाड् बेरहा किथिरिक्पाचिघे ख्याहोड् येसु खार्ला
लाम्बिर्मा यामेनेनिन्हा भोड् ड़खाचि लुचि॥ ५खा ड़खेप्सुहोड्
ड़खाचि न्जोन्दास्या न्हाड्, ‘कानिड् याड् पिम्मेनेनिन्हा’ भोड् याहुदा
न्लु॥ ६याहुदा चा न्ना चेऱ्याबे काक्साहोड् यारमिचिडा थामेन्दोक्ले
येसु स्वाक लाम्बिर्माचि भोड् सुक्मा तारोक्तु॥

घाक हाकिनड् हेक्साड्ना होक्ता

(मात्ति २६:१७-३०; मारकुस १४:१२-२६; युहान्ना १३:२१-३०; १ कोरान्थि ११:२३-२५)

७खामिर मेएन्लेहा चालेप्पा चामाना फोड् होक्नाम ताया, न्ना लेन
सामुड्गा उच्या बोलि पिर्माना लेन साया॥ ८येसुडा पात्तुरुस नुड्
युहान्ना खार्ला लुचिहोड् पाक्सुचि, “ख्याचिघोड् फोड् होक्नाम्गा
लागि चाम्योड्बा त्यार चोगाचु॥”



हेकसाड्‌ना होकताबे चेलाचि नुड्‌
येसु (२२:१३)

६ ड्रूखाचिडा छिम्दाचु, “हेने
त्यार चोकचुड्?”

१० उडा ड्रूखाचि लुचि, “सोयाचु,
न्जिड्‌दा साहारबे उमेचिगानिड्‌
घेप्पाबे माड्‌च्वा खुखुबा एको
याश्मि तुम्हेचुगा, न्ना याश्मि हेना
पाड्‌बे उमे न्ना सोम्मा ओहेकसाड्‌
ओहेकसाड्‌ ख्याचि॥ ११ न्हाडा न्ना
पाड्‌गा उहाड्‌बा खाऱला लुयाचु,
‘आका चेलाचिनुड् फोड्
होकनाम्मा होकता चामाना कोठा
हेने वेना?’ भोड् चिन्खुबाडा

न्दा छिम्दामागाना॥ १२ उडा न्जिड्‌दा तोप्पारिकडा उचुन सेकसाना
तोकसाना माडा कोठा सोऱ्मेमेचिगा, न्हेऱ्माड्‌ होकता त्यार चोगाचु॥”
१३ ड्रूखाचि ख्याचि ड्रूखोड् घाक चेऱ्या येसुडा लुचिहा लोऱ्वामाड्‌
तुप्साचु न्हाडा ड्रूखाचिडा फोड्‌ होकनाम्मा होकता न्हेऱ्माड्‌ त्यार
चोगाचु॥

१४ चामाना बेला लेकसाहोड् येसु एहि ओचेलाचिनुड् चासे युडा॥
१५ येसुडा ड्रूखाचि लुचि, “का तुखि आड्मा हाकिनड् ओन्दाड् ना फोड्
होकनाम्बे निड्‌दा नुड् चामा भोड् तुकनुड् मितामासाड्॥
१६ इजाड्‌बाड्‌निड् का निड्‌दा लुमेऱ्नेनिन, निड्‌माफुमागा राज्याबे ना
होकतागा तुम्बिला पुरा मेलेड्‌ले सोम्मा* का ना होकताबे फेरि
न्जावाडान्हा॥”

१७ न्हाडा येसुडा खोरैक बेऱ्हा सिम्लेऱ्माड्‌गा उवा उमुक्पे याडुहोड्‌
निड्‌माफुमा नुनिड्‌वा पि, न्हाड्‌ खाऱला लुचि, “खा ताप्तानुम न्हाड्‌
निड्‌दा घाकडा हाप्साचायानुम॥ १८ का निड्‌दा जेप्पा लुमेऱ्नेनिन,
हाकु नाहाड्‌तो निड्‌माफुमागा राज्या मेन्दाले सोम्मा का फेरि
सिम्लेऱ्माड्‌गा उवा ड्रहोप्स्वाडान्हा॥”

* २२:१६ निड्‌वाफुमागा राज्याबे उका याश्मिचिडा पुरा छुटकारा मेन्दोकले सोम्मा

१६ न्हाडा येसुडा चालेप्पा उमुक्पे याडु न्हाड् निड्वाफुमा नुनिड्वा पिइहोड् न्ना एगु न्हाड् ड्रखाचि खारला लुसाड् पिचि, “न्निड्दा पिमेनेन्निनाह ना आका सालुड् ओम॥ हाकु नाहाड्-तो का मिर्मागा लागि खारलामाड् चायानुम॥ २० ड्रखारलामाड् न्जोइहोड् येसुडा खोरेक याडुहोड् चेलाचि खारला लुचि, “ना खोरेक आहेलिबे थुन्दाना ओछोडा बाचा ओम॥ खा न्निड्गा लागि याडाहा* आहेलि ओम॥

२१ ड्रखारनिड्गो सोयानुम! का लाप्मेखुबा यात्रमि कानुड् चासे युडामाना॥ २२ का यात्रमिगा उच्या गो निड्माफुमाडा मितुहा लोरवामाड् इमिन होड्चा सिमेड्, ड्रखारनिड्गो धिक्कार, न्ना यात्रमि! इसाडा यात्रमिगा उच्या धोका पिवा॥” २३ खा चेऱ्या ड्रखेप्सुहोड् चेलाचि उड्चि उड्चि खारला कासाड् छिम्खुसा न्जाया, ‘खारलाहा काम चोकखुबा इसा लोप्पि?’

घाक हाकिनड् माडा इसा ओम?

(मात्रि २०:२५-२८; १६:२८; मारकुस १०:४२-४५)

२४ न्हाडा चेलाचिबे घाक हाकिनड् माडा इसा ओम? भोड् उड्चि उड्चि कामा न्दारोक्तु॥ २५ येसुडा ड्रखाचि लुचि, “कायुड्लेन्बेहा हाड्-चिडा उड्चिगा यात्रमिचि छोड्बे राज्या न्जोग्वा, न्हाड् ड्रखाचि ‘कानिड् उड्चिगा कामिभाक सिडान’ भोड् ड्रगाम्मे॥ २६ ड्रखारनिड्गो निड्दा च्हेन ड्रखारला न्लेकसानिन॥ न्निड्दाबे इसा माडा न्ना मिना लेड्नि, न्हाड् हाड्गुम्बा च्हेन नोकार लोरवा लेड्नि॥ २७ चासे युड्खुबा उहाड्बा नुड् चामा पिखुबा नोकारबे हेना च्हेन माडा ओम? उहाड्बा मेन्नाइ? ड्रखारनिड्गो सोयानुम, का गो न्निड्गा युम्बे चामा पिखुबा नोकार लोरवाडान॥

२८ “आका घाक तुखिबे न्निड्दा कानुड् वाइगा॥ २९ आप्पाडा का तायेन चोकमाना चोक्तोक प्याड्ना लोरवा का चा न्निड्दा पिमेनेनिन्हा॥ ३० आका राज्याबे न्निड्दा कानुड् युडिरवाघोड्

* २२:२० बागाचोगाहा

चावाम्गा न्हाडा हाड् युकथाम्बे युडिरवाघोड् इजिरेल बेरहा एहि छोड़बे तायेन चोगवाम्गा ॥”

पातुरुसडा येसु इन्कार चोगवाना उतुम्बे

(मात्ति २६:३१-३५; मारकुस १४:२७-३१; युहाना १३:३६-३८)

३१ न्हाडा येसुडा लु, “सिमोन, ओ सिमोन खेप्सु, टोरवाडा* चाचिर्याभाड् उसिप थाभाकस्वाहा लोर्वा साइतानडा चा न्निड्गा बिस्वास थाप्माना आगे निड्वाफुमा नुड् नाकतुक्सु ॥ ३२ ड्रखारनिड्गो ड्गा बिस्वास म्मान्दिरनिन्निभोड् का पारथाना चोगुकसुड् ॥ फेरि न्दा पापभाड् लासाघोड् म्फुन्नुन्छाचि चा बिस्वासपे चातु चोगुचि ॥”

३३ पातुरुसडा लु, “हाड्बा का न्दानुड् छेकपाड् सोम्मा से मेन्ना, ड्रखारनिड्गो सिमा पोराचोगा भोड् चा त्यारिड्नाना ॥”

३४ ड्रखारनिड्गो येसुडा न्ना लु, “पातुरुस जेप्पा का न्दा लुमेनेन, न्दा ‘का उड् चिनाइ न्दोक्त्वाडान्ना’ भोड् सुम्मा इन्कार मेन्जोक्ले सोम्मा वान्दि भेनिक तितिलिड्वा ड्गामेन्ना ॥”

येसुडा चेलाचि चेतावानि पिचिहा

३५ येसुडा उका चेलाचि खारला लुचि, “का न्निड्दा नुसाला खेम्मेसे खेसुप, लाड्खोप नुड् याड् मेरनिड् पाड्नेनिन, इना न्निड्दा आभोरबे आइघाइ?”

ड्रखाचिडा लु, “मान्ना ॥”

३६ येसुडा लुचि, “ड्रखारनिड्गो हाकु याड् वाखुबाडा याड् खुनि, ड्रखारलामाड् खेसुप वाखुबाडा खेसुप खुनि ॥ न्हाडा इसानुड् साम्बेक मान, न्नाडा उका तेक इनुचोहोड् चा साम्बेक इनुनि ॥ ३७ इजाड्बाड्निड् का न्निड्दा लुमेनेनिन, धारमासाप्लाबे ‘उड् आपाराधिचिनुड् निरा’* भोड् छेप्ताहा चेऱ्या इमिन्होड् चा आका हिड्लुड़बे पुरा लेड्मे ॥ जेप्पा लेड्मा सिम्मेहाचा ॥”

* २२:३१ खेति चोकखुबा

* २२:३७ यासाइया ५३:१२

३८ चेलाचिडा न्लु, “खेप्सु हाड्बा, न्हे हिच्चिं साम्बेक डुऱ्योरयाहा ॥”

येसुडा लुचि, “भेला, ड्रसिंड्होड्याकथुनि ॥”*

जाइतुन कोड्गुबे येसु पारथाना चोगाना

(माति २६:३६-४६; मारकुस १४:३२-४२)

३६ साधाइहा लोऱ्वामाड् येसु साहारभाड् लोन्दाहोड् जाइतुन बाड्ना कोड्गुबे ख्या, न्हाड् उका चेलाचि चा उड्नुड् ड्रख्या ॥ ४० न्नाबे न्दासुहोड् उडा चेलाचि खाऱ्ला लुचि, “साइतानगा जाचपे डुऱ्डाइडान्निभोड् पारथाना चोगानि ॥”

४१ न्हाडा येसु मि योरोक ख्याहोड् लाड्छुक्पे येबाहोड् खाऱ्ला कासाड् पारथाना चोगा, ४२ “ओ आप्पा, ना तुखिंगा खोरेक काभाड् लाऱ्निम्बिरमाना न्निड्वा वेऱ्ना भोड् लातिताड् ॥ ड्रखारनिड्गो आनिड्वा लोऱ्वा मेन्ना, न्निड्वा लोऱ्वामाड् लेड्नि ॥” ४३ [न्हाडा वालोकपाहाड् एको वालोकदुत तायाहोड् येसु आड्मा यामाना साक्ति पि ॥ ४४ उनिड्वाबे प्याक तुखि लेकसाहोड् झान प्याक पारथाना चोकमा तारोक्तु ॥ उका हूवाड्मा हेलिंगा माम्माहा थोपा लोऱ्वा खाम्बे आरनुड्मास्या ॥]*

४५ येसु पारथाना चोगाब्याहोड् चेलाचिंगाबे लासाबानिड् ड्रखाचि सोकडा य्यागास्याहोड् डिप्सामासाहा तुप्सुचि ॥ ४६ उडा ड्रखाचि खाऱ्ला लुचि, “न्निड्दा इजाड् इप्सिनेसिरवाघा? पोगानि न्हाड् जाचपे डाइडान्नि भोड् पारथाना चोगानि ॥”

* २२:३७ यासाइया ५३:१२

* २२:३८ ड्रखाऱ्लाहा चेत्या न्जोगानुमिन ॥

* २२:४४ खाचि कोइकोइ बाइबालबे न्छेप्तामानिन्हा ॥

येसु न्लाबुना

(माति २६:४७-५६; मारकुस १४:४३-५०; युहाना १८:३-११)

४७येसु चेकमास्यानिंद् एहि चेलाचि माध्येबे एको याहुदाडा प्याक यारमिचि तिकतुराचि ॥ न्हाड् येसु उम्मा* चोकमागा उयुम्बे ख्या ॥



येसु उम्मा चोकसे तायाना
याहुदा (२२:४८)

४८डूखारनिंद्गो येसुडा न्ना लु, “याहुदा, इना उम्मा चोडूमेडूघोडू का यारमिगा उच्या धोका पिमेड्गानाइ?”

४९न्हाडा न्नाबे इ लेडूमेहा लोप्पि मिताहोड् येसुनुड् वाखुबा चेलाचिडा न्लु, “हाड्बा साम्बेक साकसुम्चिम्डा?” ५०एको चेलाडा च्हेन माहाडूखुबागा उनोकारगा छुप्ताड् उनाभाक चेन्धाकतुबि ॥

५१डूखारनिंद्गो येसुडा लुचि, “होइ ल्याहाक्सानुम्चिम!” न्हाडा न्ना यारमिगा उनाभाक तोकितुहोड् नुमेतुबि ॥

५२येसु लाप्से ताखुबाचि च्हेन माहाडूखुबाचि, निंद्वाफुमापाड्गा केप्टेन्चि नुड् याहुदि हवाडूगुम्बाचि न्सा ॥ येसुडा डूखाचि लुचि, “इना का खुसुबाड्डान्होड् निंद्दा साम्बेक, डाड्गाक नुड् लाप्से ताइघाइ? ५३का लेन्ना लेन निंद्वाफुमापाड्बे निंद्दा नुड् वायाडूनिंद्ल लाप्मा डूयासागान ॥ डूखारनिंद्गो हाकु निंद्गा काम चोकमाना बेला ताया, न्हाड् कुर्युम्नागा साक्तिडा तायेन चोकमाना बेला ना माड् ओम ॥”

* २२:४७ याहुदि चालान्बे सेमेतमागा साटोबे उम्मा चोकमाना चालान साया ॥

पात्तुरुसडा येसु इन्कार चोगुना

(माति २६ः४७-५८, ६३-७४; मारकुस १४ः४३-४४, ६६-७२; युहान्ना १८ः१२-१८,
२५-२७)

४४ ड्रूखा यात्रमिचिडा येसु न्लाबुहोड् माहाड्रूखुबागा पाड्बे ड्रूखेतु ॥
न्हाडा पात्तुरुसडा चा ड्रूखाचिगा युम्बे मेड्रवेळे मियोरोकपाहाड्
इक्तेहेतुचि ॥ ४५ न्नाबे यात्रमिचिडा चाराम्बे मि न्दुप्तुहोड् ड्रून्चामा
न्स्या ॥ पात्तुरुस चा उड्रूचिनुड् युडा ॥ ४६ एको नोकारनिडा पात्तुरुस मि
हुन्चामास्याना निसुहोड् उचुन सोसाड् खाऱला काया, “ना यात्रमि चा
येसुनुड् वायाना ॥”

४७ ड्रूखारनिड्गो पात्तुरुसडा लु, “ना मामुडा इले कामेनाबा? का
उड् चिनान्जोग्वाडान्ना ॥”

४८ मि हेकसाड् हेकोना एको यात्रमिडा चा उड् निसुहोड् खाऱला लु,
“न्दा चा ड्रूखाचिगा काम्निभाककान ॥” ड्रूखारनिड्गो पात्तुरुसडा
पोलोवा पि, “मेन्ना, का गो मेडान्ना!”

४९ ए घान्टा हेकसाड् फेरि हेकोना एको यात्रमिडा लु, “जेप्पा ना यात्रमि
येसुनुड् वायाना, इजाड्रूबाड्निड् ना यात्रमि चा गालिल लिड्रूखाम्बेना
ओम ॥”

५० ड्रूखारनिड्गो पात्तुरुसडा लु, “न्दा इ कामा सिम्मेकाना, का उड्
चिनाइन्जोग्वाडान्ना ॥” पात्तुरुसडा खाऱला कामास्यानुड् तितिलिड्रूवा
चा काया ॥

५१ ड्रूखिड्रूबेलाक येसुडा हिकसाहोड् पात्तुरुस सो ॥ न्हाडा “हेन
तितिलिड्रूवा कामा हाविनिड् ओन्दाड् न्दा का सुम्मा चिना न्जोग्वाडान्ना
लुमेड्गाना” भोड् येसुडा लुहा चेऱ्या पात्तुरुसडा मितुरोक्तु ॥ ५२ न्हाड्
उड् बाइरा लोन्दाहोड् उमिश्वा तुरुरु लेनेन्साड् इब्बे इब्बे हाबा ॥

येसु खिजेचासाड् म्मोक्तुना

(माति २६ः६७-६८; मारकुस १४ः६५)

५३ येसु कुखुबा यात्रमिचिडा उड् खिजे चासाड् म्मोक्तु ॥ ५४ उमिक
डेप्तुबिहोड् मोक्साड् खाऱला न्छिम्दु, “लु काया, न्दा इसाडा

मोक्तागाना?” ६५ ड्रूखाचिडा येसु इसिरनुद्द न्जोगुहोड् इऱ्ह लुसाड् न्थिन्दु॥

येसु माछुम्बे ड्रूखेतुना

(मात्ति २६:५४-६६; मारकुस १४:५५-६४; युहाना १८:१४-२४)

६६ ओम लेक्साहोड् खाडूखाड् हाडूखुबाचि नुड् धारमासाप्ला चिन्खुबा ड्रूखा घाक हाडूम्बाचि माछुम्माबे न्छुप्सा॥ न्हाड् किथिरिकपाचिडा येसु माछुम्माबे ड्रूखेतुहोड्, ६७ खारला न्लु, “न्दा मुक्ति पिखुबा हाड् खिरिस्ट ओमान भोड् कानिड् लुया॥”

येसुडा ड्रूखाचि खारला लुचि, “का लुर्नेनिन भोड् चा न्निड्दा का बिस्वास न्जोड्-मेकान॥ ६८ न्हाड् का छिम्नेनिन भोड् चा पोलोबा म्बिमेकान॥ ६९ ड्रूखारनिड्-गो हाकु नाहाड्-तो का यारमिगा उच्या घाक हाकिण्ड्-तो वाखुबा निड्-वाफुमागा छुप्ताड् पोटि युड्-मेड्-ना॥”

७० ड्रूखाचि घाकडा न्लु, “ड्रूखारलाभोड् इना न्दा निड्-वाफुमागा उच्यागान्यि?”

येसुडा पोलोबा पिचि, “न्निड्-दा माड् कामासिरवागा, का निड्-वाफुमागा उच्यामाड् ओम्डान॥”

७१ उका चेऱ्या ड्रूखेप्सुहोड् ड्रूखाचि डूगाया, “हाकु नागा बिरुद्दाबे कानिड् हेकोहा साचि चाहाबा न्जोड्-मेनाहा, इजाड्-बाड्-निड् उका उयाभाड् माड् खेप्सिर्याहा!”

येसु रोमि तायेन्राड्-बा पिलातासका उयुम्बे

(मात्ति २७:१-२, ११-१४; मारकुस १५:१-५; युहाना १८:२८-३८)

२३ न्हाडा माछुम्बेरहा घाक यारमिचिडा येसु रोमि तायेन्राड्-बा पिलातासकाबे ड्रूखेतु॥ २ ड्रूखाचिडा येसु आप्दिक एन्साड्-खारला न्लु, “ना यारमिडा ‘का मुक्ति पिखुबा हाड् खिरिस्टडान’ कामे न्हाड् ‘रोमि हाड् तिरो हुड्मा न्लेड्-मेन्हा’ भोड् यारमिचि चिन्मास्याना कानिड् तुप्सुम्डाना॥”

३ ड्रूखाचिगा चेऱ्या खेप्सुहोड् पिलातासडा येसु छिम्दु, “इना न्दा याहुदि यारमिचिगा हाड् ओमान यि?”

येसुडा पोलोवा पि, “नदा कायागाना लोऱवा का याहुदि यात्रमिचिगा हाड् माड् ओम्डान ॥”

४न्हाडा पिलातासडा खाड्खाड् हाड्खुबाचि नुड् न्नाबे न्छुप्साहा यात्रमिचि लुचि, “का गो ना यात्रमिडा इहा चा इसिरहा काम चोगुहा न्दुप्सुडानाहा ॥”

५ड्खारनिड्गो ड्खाचि खाऱला कासाड् ड्ओक्ता, “नाडा गालिल लिड्खाम्भाड् तारोकतुहोड् न्हे यारुसालेम सोम्मा घाक याहुदिया लिड्खाम्बे चिन्साड् यात्रमिचि भाड्का चोकसाड् तायामाना ॥”

येसु हाड् हेरोदका उयुम्बे

६खा खेप्सुहोड् पिलातासडा छिम्दुचि, “ना यात्रमि गालिल बेत्ना ओम?” ७येसु हेरोद हाड्डा राज्या चोगुना गालिल लिड्खाम्बेत्ना यात्रमि ओम बाड्ना चेत्या था तोकतुहोड् पिलातासडा उड् हेरोदकाबे पाकसाहाक्सु ॥ ड्खिड्बेला हेरोद यारुसालेम साहारबेत्नमाड् वाया ॥ ८उड् येसु निसुहोड् चोन्दास्या, इजाड्बाड्निड् उडा येसुगा उतुम्बे खेप्सुकसाहोड् ओन्दाड् नाहाड्तो माड् सोत्तमा मितुकसा ॥ उडा येसुडा तोत्तेहा काम चोगुहा निमा तोक्त्वाडाहा भोड् मितामासा ॥ ९हेरोदडा येसु प्याक चेत्या छिम्दु, ड्खारनिड्गो येसुडा इहा चा पोलोवा म्बिन ॥ १०खाड्खाड् हाड्खुबाचि नुड् धारमासाप्ला चिन्खुबाचि म्बोगाहोड् उड् प्याक आब्दिक एम्मा न्दारोकतु ॥ ११न्हाडा हेरोद नुड् उका किथिरिकपाचिडा येसु खिजे न्जातु, न्हाड् इसिरनुड् चोकसाड् म्मोकतु ॥ न्हाडा येसु हाड्डा वात्तमाहा लोऱवाहा तेक ड्वारमेतुहोड् पिलातासकाबेत्नमाड् न्लासाहाक्सु ॥ १२न्ना लेन न्हाड्तोमाड् हेरोद नुड् पिलातास काम्निभाक काम्निभाक लेकसाचि ॥ न्ना हाविनेड् ओन्दाड् ड्खाचि न्दोडामासान्चिन ॥

येसु सिमाना चेत्या

(माल्ति २७:१४-२६; मारकुस १४:६-१५; युहान्ना १८:३६-१९:१६)

१३न्हाडा पिलातासडा खाड्खाड् हाड्खुबाचि, याहुदि हाड्गुम्बाचि नुड् यात्रमिचि काचिहोड् खाऱला लुचि, १४“न्निड्दा यात्रमिचि भाड्का

चोकखुबा ओम्भोड् ना काबे ताम्गा ॥ लोप का न्निड्युम्बेरमाड् उड् प्याक चेऱया छिमदुड् ड्र्खारनिड्गो उड्बे इहा चा इसिरहा चेऱया न्दुप्सुडान्हा ॥ १५हेरोद हाड्डा चा इहाचा आब्दिक न्दुप्सुन्होड् ना कानिड्बेरमाड् लासुभेसुकसु ॥ हाकु सोयानुम, ना यारमिडा उड् सिमा लाइकहा काम इहा चा न्जोगुकसुन ॥ १६न्हाडामाड् हाकु का ना कोररा एम्मेत्वाड्चिड्होड् ल्याहाकस्वाड्ना ॥” १७[न्नाबेरना चालान आन्सार फोड् होकनाम्बे पिलातासडा एको छेकपा लेन्नाहाड्मा साया ॥]*

१८ड्र्खारनिड्गो घाक यारमिचि एको न्लेकसाहोड् खारला डोकता, “ना इमिन्होड्चा सिमाना, न्हाड् आनिड्गा लागि बाराब्बा च्हेन ल्याहाकसु ॥” १९बाराब्बा च्हेन रोमि सारखारगा बिरुद्दाबे पोगाना नुड् यारमि सिसुचिहा भोड् आप्दिक ड्र्डेन्दुकसाहोड् छेकपाड्बे न्छेकतुकसा ॥

२०येसु लेन्नाहाड्मा मितुहोड् पिलातासडा यारमिचि फेरि साम्भा चोगुचि ॥ २१ड्र्खारनिड्गो ड्र्खाचि खारला कासाड् ड्र्डोकतामासा, “न्ना कुरुसपे छुएन्दु, न्ना कुरुसपे छुएन्दु!”

२२ड्र्खोड् पिलातासडा सुम्ना चोटि ड्र्खाचि लुचि, “ना यारमिडा इहा पाप चोगुकस्वाहा? कागो ना सिमाना इहाचा उतुम न्दुप्सुडान्हा, न्हाडामाड् का ना कोरराडा मोकमेत्वाड्चिड्होड् ल्याहाकस्वाड्ना ॥”

२३ड्र्खारनिड्गो ड्र्खाचिडा भान ओकसेम्ला लोन्साड् खारला डगाया, “न्ना इमिन्होड्चा कुरुसपे छुनेम्माना!” ड्र्खारला यारमिचि ड्र्डोकताहोड् ड्र्हेचो ॥ २४न्हाड् पिलातासडा चा ड्र्खाचिगा चेऱया पुराचोड्बिमेनिन्हा भोड् हुकुम पिचि ॥ २५उडा रोमि सारखारगा बिरुद्दाबे पोकखुबा, यारमिचि सिखुबा छेकपा बाराब्बा च्हेन ल्याहाकसु न्हाड् येसु च्हेन ड्र्खाचिडा मितुहा लोरवा न्जोगुनि भोड् उड्चि मुक्पे पिचि ॥

* २३:१७ ना पाद प्याक लोरवा सोरोत बाइबालबे न्छेप्तामान्हा ॥

येसु कुरुसपे न्घुएन्दुना

(मात्ति २७:३२-४४; मारकुस १५:२१-३२; युहाना १६:१७-२७)

२६ ड्रूखाचिडा येसु न्नाभाड् ड्रूखेमास्यानिड् कुरेनि ठोड्बेना सिमोन बाड्ना यारमि तेन्भाड् साहारपोटि आरमास्याना न्दुप्सु ॥ ड्रूखाचिडा उड् न्लाबुहोड् येसुगा कुरुस ड्रूखुमेतुहोड् येसुगा हेकसाड् हेकसाड् न्लाम्मेतु ॥ २७ ड्रूखिड्बेला प्याक यारमिचि उका हेकसाड् ला न्जोगा ॥ न्नाबे मामु यारमिचि चा ड्रूवाया, ड्रूखाचि हाप्साड् बिलाप चोकसाड्

येसुगा हेकसाड् न्ला न्जोगा ॥

२८ ड्रूखारनिड्गो येसुडा

ड्रूखाचिपोटि हिकसाहोड् खारला लुचि, “ओ यारुसालेमा उच्या मामुचि, आका लागि ड्रूहाबानिन, ड्रूखारनिड्गो न्निड्गा नुड् न्निड् च्याचिगा लागि हाबानि ॥

२९ इजाड्बाड्निड् यारमिचिडा

‘हेत्निड्चा उच्या मेन्दोकरुमाचि नुड् नु मेउड् मेखुमा मामुचि तुवाराड्माचि ओम’ भोड् लुमाना बेला तायेना ॥ ३० ड्रूखिड्बेलाक

खुसुबाड्चिगा उलुम्बे येसु
न्घुएन्दुना (२३:३३)

यारमिचिडा चोम्कोड्चि ‘कानिड् छोड्बे आयुकसानि’


न्हाड् कोड्गुचि ‘कानिड् लुप्ता’ भोड् न्ल्वाचि ॥*

३१ इजाड्बाड्निड् सिड् फिम वामेत्तनिड् गो ड्रूखाचिडा खारला न्जोग्वाना भोड्, सिड् हेन्दिमेत्तनिड् इ न्जोग्वाना लोष्पि? ”*

३२ ड्रूखाचिडा हिप्पाड् पापिचि चा येसु नुड् सिमागा ड्रूखेतेहेकसुसाचि ॥ ३३ ड्रूखाचिडा खाप्पारे बाड्ना ठोड्बे न्दासुहोड् येसु

* २३:३० होसे १०:८

* २३:३१ फिमा सिड् दोस मेत्तनिड्ना यारमि न्हाड् हेराना सिड् दोसि यारमि ॥



कुरुसपे न्छुएन्दु, न्हाड् ड्रखा हिप्पाड् पापिचि चा एको येसुगा छुप्ताड्
पोटि नुड् हेकोना फेकसाड् पोटि न्छुएन्दुचि ॥

३४ [ड्रखिड्बेला येसुडा खारला काया, “ओ आप्पा, खाचि छेमा
पिचि, इजाड्बाड्निड् ड्रखाचिडा इ न्जोकमा सिम्मे, ड्रखा उड्चिडा
इहा चा न्निस्वानिन ॥”]* न्हाडा ड्रखाचिडा चिट्ठा डेन्दुहोड् येसुगा
तेक ड्रहाप्सु ॥

३५ याश्रमिचिडा य्येबाहोड् न्सोऱ्मास्या न्हाड् हाड्गुम्बाचिडा च्छेन येसु
खिजे चासाड् न्लु, “नाडा हेकोहा याश्रमिचि गो हिड्मेतुचि, हाकु ना
निड्वाफुमाडा सेगुना मुक्ति पिखुबा हाड् खिरिस्ट ओम भोड् उडा
उड्माड् हिड्मेतुनि ॥”

३६ किथिरिकपाचिडा येसु सिम्लेऱ्माड्गा सुहा उवा म्बिहोड् खिजे
चासाड् न्लु, ३७ “न्दा याहुदिचिगा हाड् ओमान भोड् न्दा आफाइमाड्
हिडा ॥” ३८ कुरुसपे येसुगा उटुखुरुक्का तोरोक ‘ना याहुदि याश्रमिचिगा
हाड् ओम’ भोड् छेप्ताना फाल्लेक चा न्छुएन्दुकसा ॥

३९ येसुनुड् न्छुएन्दुचिहा हिप्पाड् पापिचिबे एकोडा येसु खिसि
चोकसाड् खारला लु, “इना न्दामाड् मुक्ति पिखुबा हाड् खिरिस्ट
मेककान्नाइ? ड्रखारलाभोड् न्दा आफाइ हिडा न्हाड् कान्चिड् चा
हिड्मेता ॥”

४० ड्रखारनिड्गो हेकोनाडा च्छेन थिन्साड् खारला लु, “न्दा निड्वाफुमा
नुड् ड्रगिसिम्मेकान्ना? न्दा चा उडा लोऱ्वा दान्डा आड्मासिम्मेका ॥
४१ कान्चिड्गो इसिरहा काम चोगाचुहाडा खा दान्डा तोकमा
थेन्दिसिरवा, ड्रखारनिड्गो उडा गो इहा चा इसिरहा काम न्जोगुकसुन ॥”
४२ न्हाडा उडा येसु खारला लु, “ओ येसु, न्दा हाड् लेड्मेकाहोड् राज्या
चोग्वागानिड् का चा मिताड् ॥”

४३ येसुडा न्ना लु, “जेप्पा का न्दा लुमेऱ्नेन, हेन्माड् न्दा कानुड्
वालोक्पे वामेकाना ॥”

* २३:३४ खा चेत्या कोइकोइ बाइबालबे न्छेप्तामान्हा ॥

येसु स्याना

(माति २७:४५-४६; मारकुस १४:३३-४१; युहाना १६:२८-३०)



निङ्वाफुमापाड्बेना पारदा
छिनाख्याना (२३:४६)

४४ लेन्लुम लेक्सामासा, ड्खिङ्बेलाक न्हाड्तो सुम मोक्तुनिङ्सोम्मा
खाप्युक भोरि कुर्युम लेक्सा ॥
४५ नाम्डा चा ओम ड्डोतुन ॥ सुम
मोक्तुनिङ्सि निङ्वाफुमापाड्होड्बे
छुयाना पारदा उलुम्बे तोन्धाड्मो
सोम्मा छिनाख्या ॥ ४६ न्हाडा
ओक्सेम्लाडा येसु खार्ला काया,
“ओ आप्पा, का आका आत्मा
डगा मुक्पेमाड्म युक्स्वाड् ॥”
ड्खिङ्ड कायाहोड्म ओसोक्मा
ख्या ॥

४७ खार्ला लेक्साहा निसुहोड्म रोमि किथिरिक्पाचिगा केष्टेनडा
निङ्वाफुमागा निङ्ड थेन्साड्खार्ला काया, “जेप्पा ना यारमिगो
धारमोति सायामाना ॥” ४८ न्नाबे सोसे ताखुबा यारमिचि घाक इब्बेबे
छाति उप्साड्म, हाप्साड्म पाड्बे न्लासा ॥ ४९ ड्खारनिङ्गो येसुगा
काम्निभाक्विच नुड्म गालिल लिङ्खाम्भाड्म उका हेक्साड्म हेक्साड्म
ताखुबा मामुचिडा माड्दुन्धाड्म खा घाक चेऱ्या न्सोनेसुक्सा ॥

येसु सियापाड्बे ड्युक्सुना

(माति २७:५७-६१; मारकुस १४:४२-४७; युहाना १६:३८-४२)

५०-५१ माछुम्मागा यारमिचि माध्येबे याहुदिया लिङ्खाम्भा
आरिमाथिया साहारभाड्म तायाना योसेफ बाड्ना एको धारमोति नुड्म
नुना यारमि चा वाया ॥ उडा निङ्वाफुमागा राज्यागा लाम्बु सोक्सा ॥
न्हाडामाड्म माछुम्माबेऱ्हा यारमिचिडा येसु सिमागा न्जोगुनिङ्ड उडा
बिरोध चोगुक्साचि ॥ ५२ उडा पिलातासकाबे ख्याहोड्म येसुगा लास
नाक्तु ॥ ५३ न्हाडा योसेफडा येसुगा लास कुरुसपाहाड्म मो उक्तुहोड्म
सुतिगा तेकडा कितु न्हाडा लुड्ख्वाक्पे खोन्दाना लुड्ढाड्म लोऱ्वाना

सियापाड्बे युक्सु ॥ न्नाबे ओन्दाड् इसागा चा लास य्युक्सामासानिन ॥
 ५४ न्ना लेन चोकमाना लेन्ना लागि त्यार चोकमाना लेन साया, न्हाड्
 आराम चोकमाना लेन सुरु लेकसेहेकसा सा ॥

५५ गालिल लिड्खाम्भाड् येसुगा हेकसाड् हेकसाड् आप्खुबा मामुचि
 चा योसेफ नुड् ड्रव्या, न्हाड् सियापाड्बे उका लास युक्सुना न्सो ॥
 ५६ न्हाडा ड्रवाचि न्लासाहोड् येसुगा सालुड्बे नेकमागा खुम्दुनुड्
 नाम्खुबा मोलाम नुड् किवा त्यार न्जोगु ॥ ड्रवाशनिड्गो वान्दिकडा
 आराम चोकमाना लेन सायानाडा ड्रवाचि याहुदि ब्याबास्थाबे छेप्ताहा
 लोऱ्वा आराम न्जोगा ॥

येसु हिड्गिलिक लेकसाना

(मात्ति २८:१-१०; मारकुस १६:१-११; युहान्ना २०:१-१०)

२४ भेनिक कुचिककुचिक लेकसानिड् ड्रवा मामुचि उड्चिडा
 त्यार न्जोगुहा खुम्दुनुड् नाम्खुबा किवा ड्रखेतुहोड् सिया
 पाड्बे ड्रव्या ॥ २न्नाबे न्दासुनिड्
 सियापाड्गा उया एप्ताना
 लुड्ख्वाक योरोक लाइयामासाना
 न्निसु ॥ ३ ड्रवाशनिड्गो उड्चि
 सियापाड्बे डुड्यानिड् हाड्बा
 येसुगा लास न्नाबे न्दुप्सुनिन ॥
 ४ न्हाडा माड्माड् म्माक्साब्याहोड्
 ड्येबामासा ॥ ड्रखिड्बेला
 थाप्थुम्बे मिक लेड्चाखुबा फुहा
 तेक वाखुबा हिप्पाड् याशमिचि
 उड्चि युम्बे येबाराचि ॥



सियापाड्बे वालोकदुतचि (२४:४)

५ मामुचि डगिसिताहोड् फोफोप
 म्फोप्ता ॥ ड्रखोड् ड्रवा हिप्पाड्
 याशमिडा लुयाच्युचि, “न्निड्दा
 हिड्गिलिक लेकसाब्याना इजाड्
 स्याहाचिगा लुम्बे योग्वाम्माना?

‘उड न्हे मान्ना! ड्र्खारनिड्गो उड स्यानाभाड हिड्गिलिक लेक्साब्यामाना॥ गालिलबे वायानिड उडा न्निड्दा इ लुइमिसिघा ड्र्खा चेऱ्या मितानुम, ७‘का यात्रमिंगा उच्या पापि यात्रमिंचिंगा मुकपे आमेड, ड्र्खाचिंडा का कुरुसपे छुन्सिमे न्हाड सुम्ना लेन्बे फेरि स्याड्नाभाड हिड्गिलिक लेड्मेड्ना’ ड्र्खा चेऱ्या मुन्दिम्घा?’” ८ड्खिड्बेला ड्र्खाचिंडा येसुडा लुचिहा चेऱ्या मितु॥

९मामुचि सियापाड्भाड न्लासाहोड उड्चिंडा न्निसुहा घाक चेऱ्या एए चेलाचि नुड हेकोहा घाक यात्रमिंचि ड्र्खेम्मेतुचि॥ १०ड्र्खा मामुचि मारियाम मागदालिनि, योआन्ना नुड याकुबका उमा मारियाम न्सा॥ उड्चिनुड ड्र्खायाहा हेकोहा मामुचिंडा चा ड्र्खा चेऱ्या सेगुम्पाकिंच ड्र्खेम्मेतुकसाचि॥ ११ड्र्खारनिड्गो ‘न्निड्दा होनेक काइवाघा, खा चेऱ्या जेप्पा मेन्हा’ लुसाड उड्चिंडा पात्तेन्जोगुनिन॥ १२ड्र्खारनिड्गो पात्तुरुस च्हेन मुथिड्रिक पोगाहोड सियापाड्बे लुकताख्या, न्हाड उकुरिक उगाहोड सोनिड तेक से निसु॥ खा निसुहोड इगा तोत्ते एसाड पाड्पोटि लासा॥

इम्माउसका लाम्बुबे येसु

(मारकुस १६:१२-१३)

१३न्ना लेन येसुगा हिप्पाड चेलाचि यारुसालेम साहारभाड इम्माउस बाड्ना तेनपोटि खेऱ्मास्याचि॥ न्ना यारुसालेम भाड एए किलोमिटार हिड माड्दु साया॥ १४उड्चि यारुसालेम्बे इ लेक्साहा ड्र्खा घाक चेऱ्यागा उतुम्बे साला लेम्मास्याचि॥ १५ड्र्खाचि ड्र्खारला साला लेन्साड लाम्मास्याचिनिड येसु तायाहोड ड्र्खाचिनुड लाम्मा तारोक्तु॥ १६ड्र्खारनिड्गो ड्र्खाचिंडा उड चिनान्जोगान्चुन॥

१७येसुडा ड्र्खाचि छिम्दुचि, “न्जिड्दा इगा उतुम्बे साला लेन्साड लाम्मा सिम्मेचिंघा?”

ड्र्खाचि येबाचि॥ उड्चिंगा नाचिक कुरयुम ड्रओतामासा॥ १८ड्र्खा हिप्पाड्बे क्लेओपास बाड्नाडा येसु छिम्दु, “यारुसालेम कोतुरागाहोड चा न्नाबे इ लेक्साहा भोड न्दा था मान्नाइ?”

१९येसुडा ड्र्खाचि खारला लुचि, “इमिन्हा चेऱ्या?”



द्रूखाचिडा

लुयाचु,

“नासारातपेना येसुगा उतुम्बे, उड् एको निड्वाफुमाभाड् चेकखुबा साया॥ उड् निड्वाफुमा नुड् यारमिचिगा युम्बे तोत्तेहा काम चोकखुबा नुड् साक्तिसालि चेऱ्या चिन्खुबा साया॥ २० द्रूखारनिड्गो खाडूखाड् हाडूखुबाचि नुड् एड्गा हाडूगुम्बाचिडा उड् दान्डा म्बिहोड् निसुनि भोड् रोमि तायेनराड्बागा उमुक्पे म्बिहाक्सु, न्हाडा कुरुसपे न्छुसि॥

२१ कानिड्गो उडामाड् इजिरेलिचि हिप्पाड् चेलाचिनुड् येसु (२४:१६) मुक्ति पिवाचिहा भोड् लाम्बु सोकसाम्डा॥ द्रूखारनिड्गो उड्

कुरुसपे न्छुएन्दुना चा हेन सुम्लेन लेकसाब्या॥ २२ फेरि आनिड्गा एको हिप्पाड् नानुन्छाचिडा लुयाहा चेऱ्या खेप्सुम्डगहोड् माकिसबिइडाहा॥ द्रूखाचि हेन भेनिक सियापाड्बे द्रूख्या, २३ द्रूखारनिड्गो द्रूखाचिडा न्नाबे येसुगा लास न्दुप्सुनिन॥ न्हाडा द्रूखाचि न्दायाहोड् लुया, ‘कानिड् वालोकदुतचि निसुम्चिम्डाहा, उड्चिडा येसु हिडगिलिकनाभोड् लुयाहा॥’ २४ न्हाडा आन्चिड्गा एको हिप्पाड् काम्निभाकिचि चा सियापाड्बे सोसे द्रूख्या, उड्चिडा चा द्रूखा मामुचिडा ड्गायाहा लोऱ्वा न्निसु, द्रूखारनिड्गो येसु च्हेन न्निसुनिन॥”

२५ न्हाडा येसुडा लुचि, “न्निड्दा गो इमिन्हा यारमि सिगान॥ निड्वाफुमाभाड् चेकखुबाचिडा ड्गायाहा चेऱ्या बिस्वास चोकमा चा खिड् छाकनुड् आइमिधा! २६ इना मुक्ति पिखुबा हाड् खिरिस्टडा आदार नुड् माहिमा तोकमा हाकिनड् ओन्दाड् खा घाक तुखि आड्मा पोर्ने न्सायान्हाइ?” २७ न्हाडा येसुडा द्रूखाचि मोसा नुड् निड्वाफुमाभाड् चेकखुबाचि घाकडा उका उतुम्बे धारमासाप्लाबे न्छेप्तुहा चेऱ्यागा तुम्बिला योकमेतुचि॥

२८उड्चि खेऱमा मिताचिना इम्माउस तेन युम्बे न्दायाब्यानिड् येसु च्हेन ड्रखाचि हाकिन्ड् मियोरोक सोम्मा खेऱमागा चोगा॥ २९ड्रखारनिड्गो ड्रखा हिप्पाड् चेलाचिडा उड् खारला लुयाचु, “नाम आहेकसा, हेन न्दा कान्चिड् नुड् वाया॥” न्हाडा उड् ड्रखाचिनुड् वासे ख्या॥ ३०येसु ड्रखाचिनुड् चासे युडानिड् चालेप्पा उमुकपे याडुहोड् निड्वाफुमा नुनिड्वा पि, न्हाड् चालेप्पा एगुहोड् ड्रखाचि पिचि॥ ३१ड्रखिड् बेलाक्ले ड्रखाचिगा मिक ड्होसा, न्हाड् येसु चिनाचोगाचु॥ ड्रखारनिड्गो ड्रखिड् बेलाक्माड् येसु उड्चिगा युम्भाड् मासाब्या॥ ३२ड्रखा हिप्पाड् उड्चि उड्चि खारला कायाचि, “उड् कान्चिड् नुड् लाम्बुबे लाम्साड् धारमासाप्लागा तुम्बिला ल्यानिड् एन्चिड् लुड्मा इब्बेबे न्जोन्दास्यामासान्नाइ?”

३३न्हाडा ड्रखाचि ड्रखिड् बेलाक माड् पोगाचिहोड् यारुसालेम पोटि लासाचि॥ न्नाबे तासाचुनिड् ड्रखाचिडा एए चेलाचि नुड् हेकोहा यात्रमिचि न्छूप्साहा तुप्साचुचि॥ ३४न्हाड् ड्रखाचिडा ड्रखा हिप्पाड् खारला न्लुचि, “जेप्पा हाड्बा स्यानाभाड् हिड्गिलिक लेक्सामाना, सिमोन पातुरुसडा चा उका उमिकडा निसुकसुना!” ३५न्हाडा ड्रखा हिप्पाड् चेलाचिडा चा लाम्बुबे लेक्साहा चेऱ्या नुड् येसुडा चालेप्पा एगुहोड् पिचिनिड् इमिन चिना चोगाचुना ड्रखा घाक चेऱ्या योकमेताचुचि॥

येसु चेलाचिगा युम्बे तायाना

(मात्ति २८:१६-२०; मारकुस १६:१४-१८; युहान्ना २०:१६-२३; सेगुप्ताक १:४-८)

३६खा चेऱ्या न्जेकमास्यानुड् येसु थाप्थुम्बे ड्रखाचिगा लुम्बे येबारायाहोड् खारला लुचि, “न्निड्दा हाड्हाड् लैकिसगानि॥” ३७ड्रखारनिड्गो ड्रखाचि इसिना मुइ निसुम्डाना मिताहोड् किसिनाडा आत्ते न्जोगा॥

३८येसुडा ड्रखाचि लुचि, “न्निड्दा इजाड् किसितिवाघा? न्हाड् इजाड् न्निड्गा निड्वाबे साड्का चोडमेकाह? ३९आलाड् आमुकिच सोयानुम्चिम, न्हाड् न्निड्दा उचुन चिनाचोड्मेकाहा॥ न्निड् मुकडा तोकितर्यास्या, का येसु माड् ओम्डान इजाड्बाड्निड् इसिना मुइगा

गो सानुङ् ओसेड्ख्वाक म्मामेन, न्निङ्दा निमासिइवागा आका गो वे ॥
४० खारला लुचिहोड् उलाङ्गुमुक सोरमेतुचि ॥

४१ ड्र्खाचि इब्बे इब्बे न्जोन्दास्या न्हाड् छाकका पोरान्जोगा ॥
न्हाडामाड् खा चेऱ्या जेप्पा ओम्येम मेन्हायेम भोड् विस्वास
चोकमामाड् ड्र्खासुनिन ॥ ड्र्खिड्बेला येसुडा ड्र्खाचि खारला लुचि,
“न्निङ्दानुङ् चामेड्बा वेरहा?” ४२ ड्र्खाचिडा एको नियाना नासा येसु
म्बि ॥ ४३ न्हाडा न्ना नासा ताप्तुहोड् ड्र्खाचिगा युम्बे चो ॥ ४४ न्हाड्
खारला लुचि, “का न्निङ्दानुङ् वायाड्निङ्द आका उतुम्बे मोसाडा
छेप्तुना ब्याबास्थागा छेप्ताप, निङ्माफुमाभाड् चेकखुबाचिडा
न्छेप्तुचिहा छेसांच्च नुड् छेम्गा छेप्ताप्पे छेप्ताहा घाक चेऱ्या
इमिन्होड्चा पुरा लेड्मेहा भोड् का न्निङ्दा लुरनेन्सानिन्हा ॥”

४५ न्हाडा उडा ड्र्खाचि धारमासाप्लाबे छेप्ताहा चेऱ्या डासुनि भोड्
उड्चिगा निङ्वा होसुबिचि ॥ ४६ न्हाड् खारला लुचि, “धारमासाप्लाबे
खारला छेप्तामा, मुक्ति पिखुबा हाड् खिरिस्टडा तुखि आड्दवाहोड्
सुम्ना लेन्बे फेरि स्यानाभाड् हिड्गिलिक लेड्मेना ॥ ४७ न्हाडा पाप
चोकमा लेप्निमाहोड् निङ्वाफुमा पोटि हिड्माभोड् पाप छेमा तोड्मेना
बाड्ना चेऱ्या उका उनिङ्बे यारुसालेम भाड् तारोकमाहोड् घाक
जातिगा यात्रमिचि खेम्मेन्माहाचि ॥ ४८ न्निङ्दा निसुम्धा खा घाक चेऱ्या
न्निङ्दामाड् हेकोहा घाक जातिगा यात्रमिचि चा खेम्मेतानुम्चिम ॥
४९ हाकु सोयानुम, आप्पाडा युक्सुना बाचा का न्निङ्दाबे पाकस्वाड् ॥
ड्र्खानिङ्गो न्निङ्दा निङ्वाफुमाभाड् साक्ति मेन्दोक्ले सोम्मा ना
साहारबेन्माड् वायामासानि ॥”

येसु वालोक्पे ख्याना

(मारकुस १६:१६-२०; सेगुम्पाक्का छेप्ताप १:६-११)

५० न्हाडा येसुडा चेलाचि साहारभाड् बेथानिया तेनपोटि खेतुचि, न्हे
न्दासुहोड् उमुक थेन्दुहोड् ड्र्खाचि आसिक पिचि ॥ ५१ ड्र्खाचि
आसिक पित्मास्यानिङ्ड उड् ड्र्खाचिभाड् फोकसाहोड् तो वालोक पोटि
चान्दाख्या ॥ ५२ न्हाडा ड्र्खाचिडा उका आराधाना न्जोगु, न्हाड् इब्बेबे

चोन्सिसाड् यारुसालेम साहारपोटि न्लासा ॥ ५३ न्हाडा ड्रवाचि साधाइ
निंद्वाफुपाड्बे निंद्माफुमागा निंद् थेन्साड् वामा न्दारोक्तु ॥



येसु वालोक्पे ख्याना (२४:५३)